

JUZÍÑAMUI ÑUEFUE SAN MATEO LLOGAFUE El Santo Evangelio Según San Mateo

*Jesucristo nánoramaci
(Lc 3.23-38)*

¹ Benomo cuega mámeciaí Juzíñamui Jitó Jesucristo nánoramaci. Jesucristo jaiái illaíma David náiraimona comuídímie. Daje izói afémie David nánoramie Abraham náiraimona comuídímie.

² Afe Abraham Isaac moo, íemo jíái Isaac Jacob moo. Iemo Jacob Judá ie ámatiairi íaioí moo.

³ Iemo Judá Fares Zara diga íaillinoí moo. Afe íaillinoí ei Tamar. Iemo Fares Esrom moo. Iemo Esrom Aram moo.

⁴ Iemo Aram Aminadab moo. Iemo jíái Aminadab Naasón moo. Iemo Naasón Salmón moo.

⁵ Iemo Salmón Booz moo. Afe Booz ei Rahab. Iemo Booz Obed moo. Afe Obed ei Rut. Iemo Obed Isaí moo.

⁶ Iemo Isaí illaíma David moo. Iemo illaíma David, Urías tilla mei Urías ai ote. Iemo David íaillinoí jitó Salomón.

⁷ Iemo Salomón Roboam moo. Iemo Roboam Abías moo. Iemo Abías Asa moo.

⁸ Iemo Asa Josofat moo. Iemo Josofat Joram moo. Iemo Joram Uzías moo.

⁹ Iemo Uzías Jotam moo. Iemo Jotam Acaz moo. Iemo Acaz Ezequías moo.

¹⁰ Iemo Ezequías Manasés moo. Iemo Manasés Amón moo. Iemo Amón Josías moo.

¹¹ Iemo Josías Jeconías naa ie ámatiairi moo. Aféruillaído Israel nairaí Babilonia éniemo lláviano uigáiaioi.

¹² Afe mei Jeconías Salatiel moo. Iemo Salatiel Zorobabel moo.

¹³ Iemo Zorobabel Abiud moo. Iemo Abiud Eliaquim moo. Iemo Eliaquim Azor moo.

¹⁴ Iemo Azor Sadoc moo. Iemo Sadoc Aquim moo. Iemo Aquim Eliud moo.

¹⁵ Iemo Eliud Eleazar moo. Iemo Eleazar Matán moo. Iemo Matán Jacob moo.

¹⁶ Iemo Jacob José moo. Afe José, María ini. Aféngomona comuide Jesús. Afémie jiáici Cristo.

¹⁷ Be daií Abrahámona Davidmo itígima catorce méidígimaiaí. Daje izói David illágimamona Israel nairaí lláviano Babilonia éniemo uillágimamo catorce méidígimaiaí. Iemo jiái afénomona catorce jiáigima Cristo comuállanomo.

Jesucristo comuállafue

(Lc 2.1-7)

¹⁸ Jesucristo jocoina bie izói joide. Ie ei María ja jicánogango Josemo iníreillena. Nai José diga iñena llezica, María Juziñamui Ñuera Joreño rínodo, ja úruereacade.

¹⁹ Ie ini José ñue jaícina itímie, mei íadi uáfodo comini eróicana Maríana oni dotáacañede. Mei jiáifodo báinino buna onóñeno aféngona oni fiéacade.

²⁰ Bíemo comécilla llezica, ie ínia anado ángel dainámie, Juziñamui abi ímie íemo cíocaide. Iena daide:

—José, David izíe ímie, meáiruiñeno o iri. María o aiza o oíri, mei afengo jocolle jító Juziñamui Ñuera Joreñodo comuídeza.

²¹ Afengo jító jócoite; ie mei Jesuna ie mámecei jítaitio. Afémie daíí mámeceireite, mei ie comínina íaioi fiénidifuemona jílloteza, —daide.

²² Nana bie íficaide, jaijai Juziñamui uai jino llóraima dáinana ñue ícoimo fúitallena. Afe uai llóraima bie izóí daide:

²³ Nai inínide jitaingo úruereacade; íemona jító cómuite.

Afémie mámecei Emanuel daíille.

Afeci daííacade, Juziñamui cai diga ite.

²⁴ José nicáirillamona cazíllano Juziñamui abi ímie íemo ocuilla izóí finode. Maríana ie ai izóí ote.

²⁵ Mei íadi María jító jócuano, afe íaillinoi ua ini izóí iñédiaillinoi. Jócuanano Jesuna ie mámecei jítade.

2

Magos daínámacei ucúduaido ráfuena baitáдино Jesuna méiñuaibitiaioi

¹ Jesús Belén jófue mo jococa. Afe Belén Judea éniemo ite. Aféruillaído Herodes aféniemo illáimana ite. Iemo dáamacei jítoma billáfene imacei Jerusalemo dúcidiaioi. Afémacei ucúduaido ráfuena baitáдино.

² Dúciillano jicánotiaioi:

—¿Ninomo ite jococa Judíuai illaíma? Mei jítoma billáfenemo ie illano onótate ucúduna ciódicaiza. Afémie cáimadollena benomo biticai, —daídíaioi.

³ Bífue na Herodes fídiamona, afémie comecei llícide. Daje izóí jíái nana Jerusalén comíni áfemo comecei llícíoidiaioi.

⁴ Iemona Herodes nana lletáriraini illaini, íemo ocuica uailai llófuetino diga dáanomo jírrillano jícanote. ¿Mei nie jófuego afe Cristo jécille?

⁵ Jira íena daidíai:

—Afémie Belén jófuego jécille, mei jaijai Juzíñamui uai llóraini bie izói dáideza:

⁶ Belén jofue Judá éniemo ite.

Afe éniemo ite jamánomoide jófuegona afe Belén dinó dúeñeite;

mei afénomo cue nairai Israel úiñoite illaima cómuiteza, —daí daidíai.

⁷ Afe mei Herodes ucúduaido ráfueña baitádinona báinino uáidote. Uáiduano íaiomo jícanote: “¿Nie monado afe ucúduna ciódiomo?”

⁸ Iaioi llua méifomo, Belemo íaioina orede. Oriano íaioina daide:

—Afénomo omoi jai. Jaillano afézana ñue jaícina omoi jícanori. Afeza omoi báiaí, cuemo lluaíbiri, mei afézana cáimaduaiacadicue, —daide.

⁹ Afe illaima daí íaioina daína mei, ucúduaido ráfueña baitáдино jáidiai. Ie mei jitoma billa dibénemona íaioi ciona ucudu, meine abido íaioina ifóicaide. Ifóicaillano afe úrue illánomo mózizaide.

¹⁰ Baitáдино afe ucudu mózizaillana cióillano, iere cáimacaidíai.

¹¹ Iemo afecho eromo jaillano, afézana ie ei María diga cióidiai. Iemona afézamo cañici ana dújuillano, íena cáimadotíai. Afe mei íaioi atica raa túiñuano, afézamo fecáidiai. Ua oro, íemo uguci, íemo “mirra” daína ráifide ziórede raa, afézamo fecáidiai.

¹² Afe méifomo, Juzíñamui nicáirillado íaiomo llote; Herodes illánomo íaioi jáiñeillena íaioina daide. Afemona oni jíáie iodo íaioi éniemo jáidiai.

Jesús moo íaillinoi Egíptomoo bótaja

¹³ Ucúduaído baitáдино meine jailla méifomo, Juzíñamui abi ímie (ángel dainámie) nicai anado Josemo cíocaide. Cíocaillano íena daide:

—¡Náidacai! Náidacaillano úrue ie ei diga Egipto éniemo omoi bota. Afénomo cue daille dinó omoi iri. Mei Herodes bie úrue fállena jénoiteza, —daide.

¹⁴ Mei jira José náidacaillano, úrue naa ie éioiri naio Egíptomoo botádiaioi.

¹⁵ Afénomo ua Herodes tílle dinó itíaioi. Bie izói úficaide, Juzíñamui uai llóraima jaiai daina uai ñue ícoimo fuitállena. Afe uai be ñie: “Egíptomona cue Jitó uáidotícue.”

Herodes nana úruiaina fazítate

¹⁶ Iemo Herodes ucúduaído baitáдино afémie jifánodoiana fidíillano, afémie jamánomo ríicaide. Iemona naña Belemo ite mena fimona fuitade úruiaina fazítate. Afe jofue áinodo ite úruiaina daje izói fazítate. Naui ucúduaído baitáдино úrue jocóinana Heródesmo llua izói, mena fimona fuitade úruiaina fazítate.

¹⁷ Bie izói jaiai Juzíñamui uai llóraima Jeremías lloga uai fuite. Be níuui:

¹⁸ Rama jófuemo zúurede uai cácaite; cáillicailli eia uai cácaite.

Nairai uzuma Jacob ai Raquel báifene jica ia cómuitaga úruiairi éhena.

Aféngomona jica ia úruiai cómuitatino eia jaca buna fíranide, mei afengo úruiai fazílliaioiza, daíí Jeremías daide.

19 Mei afe Herodes tilla méifodo Juziñamui abi ímie nicaí anado batí Egíptomo Josemo cíocaide. Cíocaillano íena daide:

20 —¡Náidacai! Náidacaillano úrue naa ie éioiri abido Israel éniemo omoi jairi, mei nauí baie fáiacadino nana ja tíidiaioi, —daide.

21 Afemona José afe úrue naa ie éioiri abido Israel éniemo jáidiaioi.

22 Mei íadi Arquelao ie moo Herodes ifomo illáimana íllana fidíillano, José afe Judea éniemo jáillana jacíruite. Iemo Juziñamui nicaí anado aféniemo llúamona, afémie afénomo jáiñeno Galilea éniemo jaide.

23 Afe Galiléamo dúcia méifodo, Nazaret jófuemo fiébizaide. Bifue bie izói joide, jaiaí Juziñamui uai llóraima daína uai ñue ícoimo fuitállena. Be núuui: “Jesús Nazaret ímie daíírena.”

3

Juan Bautista táizicimo rafue jino llote (Mr 1.1-8; Lc 3.1-9, 15-17; Jn 1.19-28)

1 Aféruido Juan Bautista Judea éniemo ite táizicimo lletámaizaibite.

2 Daide:

—Omoi comeci ífuiái mai méidori, mei monamo ite Juziñamui illáimana illírui ja íanori íteza, —daide.

3 Bie Juan jaiaí Juziñamui uai llóraima Isaias llogámie. Afémie jica ía bie izói Juaado cuete:

Ficire úritimie uai táizicimo cácaide.

Afémie daide: “Juziñamui bille ío ñue fínua izói, omoi comeci ñue omoi finori.

Aféniemo ío jaícina dénuu izói,

Omoï comeci íaifúiaï omoï féitari”, —daïde.

⁴ Aféruillaïdo Juan jitáoi garoi camello itíraiaï nínaroi. Ie ciraigi ife rille igoï finoïna. Afémie jaca fúuaï rífirede. Daje izóï cíji jírofirede.

⁵ Jerusalén comini afémie úrillamo cacáreizaibitiaioï, daje izóï nana Judea énie imaci, íemo jíái Jordán imani abi comini ie úrillamo cacáreizaibitiaioï.

⁶ Iaiommo ite fiénidifúiaï jino íaioï llua méifomo afe Juan Jordamo íaioïna báutizade.

⁷ Mei íadi fariséuaïmona, jíái saducéuaïmona aillo comini Juan diné ie báutizajano bitíiaioï. Afémaci bíllana Juan cíoillano, íaioïna daïde:

—¡Títade jaióniaïmona comúidino izóidiomoi! Ja áinozide duere zefuílifue mona omoï botállena ¿bu omoï llua?

⁸ Omoï comeci ifue méidoiacanana ñúefuedo uáfodo jino ácatari.

⁹ Dani ómoïmona “Abrahámona comúidinodicai cai íllamona Juzíñamui íena iticai,” afe izóï daiíñeno iri, mei táinoza. Mei bie nofíciaïmona, Juzíñamui jitáiaï Abraham comínina comúitaredeza, daií ómoïna daïdicue.

¹⁰ Fiénide amena tiéllena jata jicaïda jóonia izóï, fiénidino duere finoille jae ñue mameca. Nana figo llizíñede amena tíano iraimo zocana uillano jobaica. (Tiéfirega zena izóidiomoi.)

¹¹ Uáfúena bimaci comeci ifue íaioï méidua jira, jáinoïdo íaioïna báutizadicue. Mei jíáfodo cue méifodo bíitimie, comínina Ñuera Joreño úcaitaite. Daje izóï iraimo raa ñue zia izóï afémie comínina íáinino ñue fínoite. Afémie iere cue baimo

riinorede, cue bie jamáimiedicueza afémiena dama ñue jacíruiredicue.

¹² Afe cue méifodo bíitimie arroz biájidimie izói ja ie llocofe lliicabite. Afémie arroz bíamona ícuai oni eneno ua izói, ñúemacimona fiénidinona oni eneno óite. Ñúemacina ie illánomo ñue ráiruie, mei jiáifodo fiénidicuai izóidinona jaca dúiñeite iraimo jóbaite, —dinori Juan úrite.

Jesús báutizaina
(Mr 1.9-11; Lc 3.21-22)

¹³ Jesús Galiléamona imani Jordamo Juan illánomo bite, afe Juan ie báutizallena.

¹⁴ Jesús bítemo Juan íena báutizaacañede. Jira Jesuna daide:

—Cue bie odo báutizaregacue. ¿Ñibái mei cue dinena bitio? —daide.

¹⁵ Jira Jesús íena daide:

—Dama daiítadeza, birui cue daína izói fino, mei nana Juziñamui jítaina izói finóredicocozá. Afe coco finolle cócomo ñue jóbide, —daide.

Iemona Juan ja fairíote.

¹⁶ Afemona Juan Jesús báutizade. Báutiza mei Jesús jáinoimona jino bite. Afe llezica mona raire tújicaide. Afe dáaruido Jesús Ñuera Joreño fíiciri ana billa izói bíllana ciode. Afémiemo ráinazaibite.

¹⁷ Mei íemona monámona daa úrilla uai cácaide. Afe úrilla daide:

—Bie iere cue izíruiga Jitó. Afémiemo jamánomo íobioidicue, —daide.

4

Taife Jesús facátate
(Mr 1.12-13; Lc 4.1-13)

¹ Afe mei Ñuera Joreño Jesús táizicimo uite, afénomo Taife afémie fiene facátallena.

² Afénomo Jesús cuarenta dígarui güiñeno ite. Mona naio diga afénomo güiñeno ite. Afe mei afémie iere jamánomo jufínaite.

³ Ie jufínailla llezica, Taife Jesús facátallena ánozide. Iena daide:

—Ua Juzíñamui Jitona o íadi, mai bie nofíciái paana mei fino, —daide.

⁴ Jira Jesús uai ote:

—Jaiái Juzíñamui Cuegáuai daide: “Fia güílledo come ínide, mei jíáfodo nana Juzíñamui lloga uaido írede,” —daide.

⁵ Iemo Taife Jesuna ñuera Jerusalén jófuemo uite. Afénomo ite gairíracó emódomo caifo jica Jesuna uite.

⁶ Uillano íena daide:

—Ua Juzíñamui Jitona o íadi, benómona ana batí mai ticai, mei Juzíñamui Cuegáuai bie izói dáideza: Juzíñamui ie abi imácina ona uíñotaite.

Iaioi ónoído ona moziñoitiaioi, o éiba nofíciáimo íziñeillena, —daide.

⁷ Jira Jesús uai ote:

—Jaiái Juzíñamui Cuegáuai nane daide: “O ocuide Juzíñamui mai facátáñeno,” —daide.

⁸ Nane dáanomo Taife iere caifónedumo Jesuna uite. Afénomona Taife nana éniemo ite náiraina ie ácatate, naa íaioimo ite ebíredifuiari.

⁹ Iemo nane íena daide:

—Cañícido cue anamo dújuano cuemo o caimátaiadi, nana bie omo íticue, —daide.

¹⁰ Mei jira Jesús daide:

—Taife, mai oni jai, mei Juzíñamui Cuegáuai dáideza: “Dama ocuide Juzíñamuimo caimátairena. Dama afémie ocuífregamiena o iri,” —daide.

¹¹ Afemona Taife Jesús fáicanocaillano oni jaide. Afe mei dáarie Juzíñamui abi ímiai Jesuna cánuai bite.

*Jesús Galilea éniemo como fueñe tájizaide
(Mr 1.14-15; Lc 4.14-15)*

¹² Jesús Juan Bautista llavéinana fidíillano, oni Galilea éniemo jaide.

¹³ Mei íadi Nazaremo fiébiñeno, Capernaum jófue mo jaide. Afe jofue Galilea jorai fuédamo ite. Iemo afe jofue Zabulón éniemo ite. Daje izói Naftalí énie áinomo ite.

¹⁴ Jaiái Juzíñamui uai llóraima Isaías lloga uai ñue fuitállena, bie izói íficaide. Afe uai daide:

¹⁵ Zabulón énie, Naftalí énie diga áillue jóraimo jóide io áinori ite.

Afénie Jordán ruicáfellemo ite.

Afénie judíoñedinomo dúide Galilea daina énie.

¹⁶ Aféniaimo ite comini jítinomo itino izói Juzíñamuina onóñediaioi.

Mei íadi ja birui afémaci como aillo egáiñotena ciódino izói, Juzíñamuina uáfodo onódiaioi.

Iemo jái afe tíide izói Juzíñamuina ónoñedino jae egáiñogaiáioi, Juzíñamui zíiñona illífuenta íaioi maiñóllena.

¹⁷ Afe mei Jesús jino comínimo ie llófuelle uai fueñe tainede. Daide:

—Omoi comeci ífuiái méidori, mei monamo ite Juzíñamui illáimana illirui áinozideza, —daide.

*Jesús cuatro dígamie facófredino uáidote
(Mr 1.16-20; Lc 5.1-11)*

¹⁸ Jesús Galilea jorai fuédado macádemo, mena ama íaillinoína baite. Dáamie mámeçi Simón, afémie jíáifodo mameina Pedro. Jíáie baigámie mámeçi Andrés. Afe íaillinoi facóraini. Afe llezica llóiji jóraimo dotádiaillinoi.

¹⁹ Iemo Jesús íaillinoína daide:

—Mai cuedo bi, comini llófuellena íaioi jénoitimiéna ómicoína jóneiticue, —daide.

²⁰ Iaillinoi llóiji fiénocaillano afémiedo jáidiaillinoi.

²¹ Nane afe báifenemo Jesús mena jíáie ama íaillinoína cíoizaide. Afe íaillinoi Zebedeo jitó Santiago Juan díga. Afe íaillinoi áillue nocaemo ie moo díga íaioi llóiji ñue finódiaioi. Jesús íaillinoi uáidote.

²² Afe llezica, áillue nocaemo íaillinoi moo fiénocaillano, Jesudo jáidiaillinoi.

*Jesús nágagobiaimo aillo comini llófuete
(Lc 6.17-19)*

²³ Afe mei Jesús Galilea éniédo nágafenedo jaide. Nana Juzíñamui uai llófueriracuaimo llófuérite. Afémie Juzíñamui illáimana illirui ñúefuedo jino llócaide. Daje llezica nana jíáifodorie irárede comini jíllotate.

²⁴ Nana Siria éniémo Jesús finoca ñúefuiái jalleide. Iemona Jesumo jíáiforiede dúicuaimo duere zefuídino atídiaioi. Iemo jíáiforie izi cácadino, íemo fiénide jóriái uícaigamací, íemo chémemo raamo jíridino, íemo tízitaitino, nana bie

izóidino Jesumo atídiaoí. Iemo nana afémacina Jesús jíllotate.

²⁵ Iemona diga jáinuiaimona bitíaoí Jesudo jáillena. Galilea éniemona bitíaoí, íemo Decapolís jófuiaimona bitíaoí, íemo Jerusalén naa Judea éniemona bitíaoí. Daje izóí imani Jordán ruicáfellemona Jesudo bitíaoí.

5

Caifónedumona Jesús lloga are uai

¹ Jesús afe aillo iedo jáidinona cíoillano, caifónedumo ráinazaide. Iemona ie llófuegamaci afémie abido ofídiaoí.

² Afe mei Jesús bie izóí como íaioina llófuete:

Caímare ióbidino (Lc 6.20-23)

³ “Comeci dinena dúeredicai” daiífiredino ióbidiaoí, mei monamo ite Juzíñamui illáimana illarui afémacimo dúideza.

⁴ Comécina zúuredino caímare itíaoí, mei Juzíñamui íaoí fíraiteza.

⁵ Comécina mánaidino caímare ióbidiaoí, mei Juzíñamui jica ía íaioiena mameca énie máíñoitiaioíza.

⁶ Júbiena méinegamie iere güíacana izóí, Juzíñamui comece jítaina izóí iere íacadino caímare ióbidiaoí, mei Juzíñamui afe íaoí íacanana izóí íaoí íllena afémacina cánoiteza.

⁷ Jáímacimo dúecaifiredino caímare ióbidiaoí, mei Juzíñamui íaoímo dúecaiteza.

⁸ Comécina íainidino caímare ióbidiaoí, mei Juzíñamuina cíoitiaoíza.

⁹ Icírafuena oni orédino caimare ióbidiaioi, mei Juzíñamui afémacina “Cue jitódiomoi” dáiteza.

¹⁰ Juzíñamui jítaina íaioi fínuari duere zefuídino caimare ióbidiaioi, mei monamo ite Juzíñamui illáimana illarui íaioimo dúideza.

¹¹ Comini omoi báíñua, omoi duere íaioi fínua caimare ióbidiomoi. Daje izói cue ícoinia taino uallai ómoimo íaioi nitáadi caimare ióbidiomoi.

¹² Afena náfuéñeno ióbicana caimare omoi iri, mei monamo ite áillue ebíredifue jirídoitíomoi za. Mei jai ai nai omoi iñena llezica ite Juzíñamui uai llóraini daí duere finóllena racácaiaioi.

Sal ñue fínua izói, afe izói comini ñue finódinona itíomoi; daje izói bínie egáiñotínodíomoi

(Mr 9.50; Lc 14.34-35)

¹³ Omoi, sal izói, bínie comini ñue finódinona itíomoi. Mei íadi sal ie ríino iñenia güllena caimáretañede. Afe ríinonide sal ¿minícado meine ríiretade? Jaca meine ríiretaninamona jaca ráifiñede. Comini zaizíllena macáranomo dotárega.

¹⁴ Omoi finoca ñúefuiai fínuamona, bínie comini ñue illena egáiñote raa izóidiomoi. Iemona caifónedumo ite uáfori cíocaide jofue jaca retáidonina izói itíomoi.

¹⁵ Uneca mechera nogo eromo retáidollena unéñediomoi. Mei jáífodo caifo uáfori cíoidinomo uneda ráinafiredíomoi, jofu eromo itíinomo ñue egáiñollena.

¹⁶ Afe izói ómoimo Juzíñamui comuítaga omoi finófirega ñúefuiai jino comini eróicana finócana omoi uiri. Daí omoi ñue finócafuiaina ñue íaioi

cióilleza. Uáfori íaioimo cíotari, monamo ite omoí Moomo ñúefuiaí íaioí jóonellena.

Jesús Moisés ocuica uai dibénedo llófuete

¹⁷ “Moisés ocuica uai cáitajaibite,” daí cuemo omoí comécíñeno iri. Daje izóí jaiái Juzíñamui uai llóraíma llófuia féitajaibiñedicue. Jaca afe uaillai féitajaibiñedicue, mei jiáífodo afe uaillai ñue ícoímo fúitai biticue.

¹⁸ Uáfuena ómoína dáititcúe, mona naa énie diga nai fúíñeille dño bie ocuica uáillaimona daa uai oní ónide. Nana áfemo lloga ífcaítífuaí nai zuiñena llezica, afe uaillai jaca íte.

¹⁹ Ie jira afe ocuica uáillaimona daa uai iere duere íadi dáamie náfueñena, monamo ite Juzíñamui illáimana illáruimo afémie jamáimiena jáite. Daje izóí afémie náfueñena izóí jiáímacina “Cai náfueñeilli” daííadi, iere jamáimiena jáite. Mei jiáífodo aféuaillai náfuetinona íemo jiáímaci afe uaina náfuetadinona, “Bimaci Juzíñamui illáimana illáruimo jamánomoidinona,” daíille.

²⁰ Mei birui ómoína dáititcúe: Juzíñamui jitáinana ñue ícoímo fuitállena, ocuica uai llófuetino, fariséuai diga iere áfena nícidotiaioí. Mei íadi íaioí nícidoga baímo omoí fínoñena, monamo ite Juzíñamui illáimana illáruimo dúcíñeítioí.

*Jesús comini icírilla dibénedo llófuete
(Lc 12.57-59)*

²¹ Omoí jaiáidigimaci dáinana cacádiomoi. Afe daína be ñie: “Jiáimana titáñeno iri, mei jiáíma titádimie jicánuano duere finolle.”

²² Mei íadi afe emódomo nane dáititcúe. Ninó dáamie ie aino come diga icíría, afémie áferi

jicánuano duere finolle. Daje izói ie ámana iaire daidímie Jamánomo Réillaini afémiemo jicánuano duere finolle. Iemo jiái ie ámana “O abina onóñedimiedio,” daiíadi afémie áferi jaca ninomo dúíñede iraimo orérede.

²³ Iemona Juzíñamuimo o úriacana llezica, daje izói afémiemo fia fecáacaga raa o izájiacana llezica, o aino come diga o icírillamo o uibíoicaiadi,

²⁴ afe o izájiacaga raana izáiñeno iri. Fueñe afémie diga ñue o finori, caimare uái ómicoi íllena. Afe ñue ómicoi fínua méifomo, o izájiacaga raana fecáredio. Ja Juzíñamuimo úriredio.

²⁵ Iemo jiáifuemo omoi cacai. Íaifue omo mamédímie diga raire o úrizairi, afe íaifue záilleza. Jicánoracomo nai ona uiñena llezica, mai jino io anamo ñue ómicoi záitari, jicánoraimamo o ie úiñeilleza. Daií o fínoñenia, afe jicánoraima fiénidino llaitáfredinomo ona izájite. Iemo afémaci ona llavéracomo íbaitiaioi.

²⁶ Uafue ona dáitícue, o llavétatímie jicaca úcube ie jícaya dieze o íbañenia, afécomona jaca jino bíñeitio, —daidícue.

Jesús comini finoca jiruifue dibénedo llófuete

²⁷ Jaiái daináuai cacádíomoiiza. Afe be ñie uai. Jiáie ringo diga jiruídoñeno o iri.

²⁸ Mei íadi ómoína daidícue: Omoimona dáamie ringomo eróicana fiéni comeci facáadi, afémie jae afengo diga ie comécido jiruifue finode.

²⁹ Mei o ciona raamo o éroillamona fiénidífuemo ona baiítaia afemo eróiñeno o iri. Ua, o uíji nabeji o fitajamona o eróinino o illa izói, afe izói o fiéniruitate raamo eróiñeno o iri. Afe uíji júbene o fítañenia izói,

fiénide raamo éroillano o fáicanocaiñenia o abina nana iraimo dotátaite. Ie jira o abímona daa íeizi iñena izói, nana o abi táinocaille baimo iere ñuera.

³⁰ Daje izói o finóacanafuiai fiénidifuemo ona baiítaia, aféfuiai finóñeno o iri. O onoi nabezi o jáitajamona aféfuiai o finónino o illa izói, afe o fiénirutate ráfuiaina o fáicanocairi. O jáitañenia izói, o fáicanocaiñenia, o abina nana iraimo dotátaite. Ie jira o abímona daa onoi iñenia izói, nana o abi táinocaille baimo iere ñue ite.

*Come ai dótafirena dibénedo Jesús llófuete
(Mt 19.9; Mr 10.11-12; Lc 16.18)*

³¹ Daje izói jáiae jaiái daína uai bie izói joide: “Ñinó daa come ie ai dotáadi, afe bie ringona benómona óñeiticue daínabe aféngomo írena.”

³² Mei íadi birui ómoína daidicue: Dáamie ie ai dotáadi, afémie aféngona jiruiretaite. Mei íadi daa ráfuedo dotárede. Afefue be ñie: Afengo inírede ia jáiae iima diga íadi afengo dotárede. Daje izói dotácango aina otímie afe úamona afémie afengo diga jiruifue finode, mei Juzíñamui eróicana, afengo nai fueñeidimie ai.

*Jesús táinona uafue daiñllena Juzíñamui mámece
llínuado llófuete*

³³ Daje izói omoi jáiáidigimamona cacádiomoi. Afe be ñie uai: “Juzíñamui eróicana ie mámece o llínuano o daínana ñue ícoimo záitari.”

³⁴ Mei íadi birui ómoína daidicue: Uafue daiñllena jaca mona mámece llínonidiomoi. Mona Moo Juzíñamui illánoza, áfedo iere uafue daiñño iri.

³⁵ Daje izói énie íbogido uafue daiñño iri, mei aféniena Juzíñamuimo jaináideza; fia ie idai

jónera izóideza. Daje izói o llógana uafue daiñlena Jerusalén mámeçi llínoñeno iri, mei afe jofue Nahíllaimamo, ua Juzíñamuimo dúideza.

³⁶ Daje izói dama o ifócido uafue daiñeno iri, mei o ifótirai úzetiraina méidonidiomoiza, daje izói jítitiraina orénidiomoiza.

³⁷ Iemona jiáie uaina nabáiñeno “Jñ fñoitícue” daiíri. Mei jiáifodo “Jñ fñoiñeitícue” daiírena. Uafue daiñlena bie izói o daina baimo jiáie uaina o nabáiadi afe uai Taifémona bite.

*Jiáimamo iba úado Jesús llófuete
(Lc 6.29-30)*

³⁸ Daje izói jiáie jaiái nanómona dainana cacádiomoi. Afe daina be ñie uai: “Dáamie jiáimie ui fitáadi afe ibana afémie ui fitárega. Daje izói dáamie jiáimie ízido ditáadi afe ibana afémie ízido ditárega.”

³⁹ Mei íadi birui ómoína daidícue: Dáamie fieni omoi finóadi, ibana afémiemo riire úriñeno o iri. Mei jiáifodo dáamie o uieco putáadi daje llezica enéfene putari íena o daiíri.

⁴⁰ Dáamie taino omo jítajano, o caifóferoi bairóadi, afe llezica o jinófenemo jítároroi caifóferoi diga naga afémiemo o fecari.

⁴¹ Daje izói dáamie mei policía izóidimie méere de raana daa kilómetro ríifuedo o abítaiadi, afe baimo mena kilómetros icíriñeno o úiri.

⁴² Nane dáamie raa ómoimo jicáadi, afe íemo o fecari. Jiáimie “Nano íanori cuemo fia feca” daiíadi, afémiemona oni jíjicaiñeno o iri.

Cai icírillamacina izíruredicai
(Lc 6.27-28, 32-36)

⁴³ Daje izói jaii nanómona daina uaina cacádiomoi. Afe be ñie uai: “Omo caimare úrifirenamiena izírui, íemo o icírillamienna éoiri.”

⁴⁴ Mei íadi birui ómoina daidicue: Omoi icírillamienna omoi izírui. Omoi faidódimienna caimare íemo omoi finori. Ómoina éoidinona ñue omoi finori. Omoi báíñotino, íemo jíái ómoina fieni finóacadino diga afémaci íena Juzíñamuimo omoi jicari.

⁴⁵ Daií omoi íllemona monamo ite omoi Moo Juzíñamui jítótaiina jáitiomoi. Mei afémie ñúemaci ie jítómana egáíñotadeza, daje izói jíáie fiénidimaci íena egáíñotadeza. Iemo, comécina jaícina jóidinomo afémie nocina bíitate, daje izói comécina jaícina jóiñedino íena nocina bíitate.

⁴⁶ Mei dani ómoina izíruiñona omoi izíruiadi, ¿áfemona minica jíridoitiomoi? Jaca jíridoñeitiomoi. Omoi jámairuiga gobierno raiñoca úcube llínofiredino da afémaci izíruiñona izíruiñoi. Afémaci baimo izírurediomoi.

⁴⁷ Dama omoi ámatiai caimare omoi uáidoiadi, ¿ñie ñúefue finódiomoi? Juzíñamuina onóñedino bie izói illa. Afémaci baimo nana comini caimare uáidorediomoi.

⁴⁸ Monamo ite omoi Moo Juzíñamui íaifuenide comécina fígomiena illa izói, afe izói omoi iri.

6

Jesús cai finófirega ñúefuaii dibénedo llófuete

¹ Jesús nai úrite; daide: Omoi finófirega ñúefuaii comini eróicana afémaci ómoimo cáimacaillena

omoi finóñeno iri. Daií omoi finóadi monamo ite omoi Moo Juzíñamui ómoína minícana jirídotañeite.

² Ie jira dúeredino o cánua llezica nana comini lloñeno, uái daií omoi canori. Jino omoi macáraomo, daje izói Juzíñamui uai llófueriraco eromo diga táinona abi ínotino bífrediaioi. Afémaci comeci figóñedimaci illa llezica jino finócafuiaimona ñúemacina eróidiaioi. Iaioi finua izói finóñeno omoi iri. Afémaci daií finofirediaioi jiáimaci íaioido ñue úrillena. Mei uafue ómoína dáitícue: Comini íaioido caimare úrillado, íaioi jirídoacaga raana jae íaioi jirídoga.

³ Mei jiáifodo dúeredinomo daa raa o fecalle llezica o izíruiga aino cómemo lloñeno uái daií o fecari.

⁴ O finofirega ñúefue báinino o finori. Iemona o Moo Juzíñamui o báinino finoca raana cíoitiza. Afemona óiena mameca raana o jirídotaiteza.

*Jesús Juzíñamuimo úrillado llófuete
(Lc 11.2-4)*

⁵ Juzíñamuimo omoi úrilla llezica, abi diné ñue cíoidimaci finua izói finóñeno omoi iri. Afémaci Juzíñamui uai lloraco eromo caifo naidáillano ficírede uaido Juzíñamuimo úrilla izói finódiaioi. Iemo jofue cígimo ite aillo comini ofíranomo daje izói finófirediaioi, comini íaioína cíoillena. Uáfuenta ómoína dáitícue, afe bie comini íaioido ñue úrillado, íaioi jirídoacaga raana jae jirídotiaioi.

⁶ Mei jiáifodo Juzíñamuimo o úrilla llezica, o jofu eromo jaillano o naze íbairi; íemo afénomo o diga ite Moo Juzíñamuimo o úriri. Afemona o Moo

Juziñamui o báinino úrilla uaina cacáillano, óiena mameca raana o jirídotaite.

7 Juziñamuimo o úrilla llezica, Juziñamuina onóñedino finua izói, taino uaillai diga icaiño lloñeno o iri. Afémaci bie izói comécidiai: “Are cue úrillado Juziñamui nibai cuemo cacáreite,” daidíai.

8 Afémaci izói iñeno o iri, mei nai o jitaille raa o jicáñena llezica o Moo Juziñamui uícodo onódeza.

9 Ie jira bie izói afémiemo omoi úrifireiri: Cai Moo Juziñamui, monamo itio; o mámecido ñúefue nitácaza.

10 O illáimana illirui raire bíteza. Dinomo monamo o comeci jitáillafue íai: finua izói, afe izói bie éniemo finótaibiteza.

11 Cai nágarui jitaiga gülleniai, birui caimo fecari.

12 Cai finoca fiénidifue iba caimo oñeno iri, mei afe izói jiáimaci fiени caimo finódia: íadi, afémacimo ibana oñédicai.

13 Iai fuemo cai baiñellena caina uíñori. Iemo afe llezica nana fiénidifuiaimona caina jíllotari.

Mei bini comini jaca o illáimana illa anamo itíai.

Afémaci illáimaillena ríino jaca omo ite.

Daje izói jamánomo ñue ébifue jaca omo ite.

Ja daiítadeza.

14 Mei uafue, ómoimo fiени finódino finoca fiénidifuena omoi féitaia, afe izói monamo ite o Moo o finoca fiénidifuena féitaite.

15 Mei íadi aféfuiai omoi féitañenia, omoi Moo omoi fiénidifuiaina féitañeite.

Jesús comini fí mairilla dibéndo llófuete

16 Iemo nane Jesús daide: Dama Juzíñamuimo izire omoi comeci facállena güíllena güíñeno omoi fímairilla llezica, omoi uiécona zuure finóñeno omoi iri. Jínofene ñue cíoina mei íadi comécina íáiredino daí finódiaioi. Iaioi fímairilla llezica abina iere zuure finódiaioi, comini íaioina cíoillano “Baie fímairitino,” íaioi daíllena. Uafue ona dáitícue, afe izoide comini íaioina dánado íaioi jirídocaga raana jae jirídotiaioi.

17 Mei jíáifodo güíñeno o fímairilla llezica o uiéco ñue jocori; o ifo ñue júiri,

18 ona comini “Baie fímairitimie” dáíñeillena. Iemona o díga ite báinidena cíofrede Juzíñamui, áfena dama cioille, íemona afémie áfena ona jirídotaite.

*Monamo cai jirídollena ofítaredícai
(Lc 12.33-34)*

19 Iemo nane Jesús daide: Bíniamo aillo ráaniaina ofítaño o iri, mei bíniamo díga raa ícuai güífiregaza, íemo jíáie raana ráatafiredeza, íemo jíái merírifiredino merífiredeza.

20 Mei jíáifodo Moo Juzíñamui jítainana o finófireiri; caifo monamo ie illánomo ñúefuiai o ofítari, mei afénomo ite raana ícuai güíñédeza, íemo jíái afeno raa zabíñede, íemo afénomo merírifiredino merínidiaioi.

21 Mei uáfueza, o gaíga raa ofítajanomo dáanomo daje izói o comeci íteza.

*Cai illafue ñue egáiñote raa
(Lc 11.34-36)*

22 Ñúefuemo o comécilla omo ñue egáiñote raa izoide. Jira bobaie egáioinamona o uído ciónana o ióbitaja izói, afe izói ñúefuiaí o jítáigana o comeci ífuena caimare itátaite.

23 Mei íadí ñúefuemo o comécíñenia, fiénidifuedo mácaja izói itio. Nana o comeci ífue zuure íteza. Mei Juzíñamui omo jóonega ñuera comécido dama fiénidifuedo o coméciaa ñi jamánomo jítifomo o illa izoide. ¡Ñi jamánomo jítirena!

*Juzíñamui cai jainaina llezica úcubemo jaináinidicai
(Lc 16.13)*

24 Daje llezica mena ocuídime anamo buna ínide, mei ménamiede anamo o íadí dáamie éoitio, íemo jáimie izíruitio. Daje izói dáamiemo ñue tájiitio, mei íadí jáimiena jámairuitio. Afe izói Juzíñamuina abi o náamataja llezica úcubemo abina náamatanidío.

*Juzíñamui ie úruiaina jáidinona ñue úiñote
(Lc 12.22-31)*

25 Jira ómoina dáitícue, nágarui omoi jitaiga güille naa jiroлле diga áfemo comeci faiñeno omoi iri. Daje izói daa o jítalle inícuíromo comeci faiñeno omoi iri. Cai ñue illafue güille baimo ráifide. Daje izói cai caana abi iniroi baimo ráifide.

26 Mai monamo feede ófocuizaimo omoi comeciiri. Afémaci gülleniana riñediaioi. Daje izói llíziena jofo oñediaioi, íemo jái güille ñue finóranomo ofítañediaioi. Mei íadí monamo ite omoi Moo afémacina ecáfirede. Omoi bie ófocuizai baimo iere ráifina.

27 Omoimona, comeci iere fáiamona ¿mei bu ie zairilla caifomo medio metro zairirena? Buna jaca

daíí ínide. Dama Juzíñamui ona dñnori o zairítaja. Afe izói o güíllena ócuite, jira áfemo comeci faiñeno omoi iri.

28 Iemo jíái ¿nibái mei inícuromo iere comeci fáifirediomoí? Jazícimo ite záfiamo omoi coméciri. Raamo táijíñediaioí, daje izói iníroina niñediaioí. Mei íadi iere ebire cíoidiaioí.

29 Iemona ómoína dáitícue jaiái illaíma Salomón iere ráarede íadi, bie záfia ebírena izói, ebírediroina jítáñede.

30 Mei Juzíñamui ráitiaímo ebire cíoitaiadi, afémie ómoímo jeruíñeno iníroina jítaite, mei afe ráitiaí íanori ebire eróideza. Iemo afe jíáíruido ja jobáicza.

31 Iemona nana jíáie raamo comeci faiñeno omoi iri. “Caí güille inédeza, ¿minica güíticai?” daííñeno omoi iri. Daje izói jíái “¿Minica jíroiticai?” daííñeno omoi iri. Iemo jíái, “Iníroinidicaíza, ¿minica jítaiticai?” daííñeno omoi iri.

32 Mei uafue, bñniemo ite Juzíñamuimo íñoñede comini bífuiaímo iere comécidiaioí; mei íadi omoi Moo monamo ite. Afémie bie izoide raana omoi jítáillana onode. Jira ómoímo inéde raamo comeci fánidiomoí.

33 Mei íemona Juzíñamui illáimana illáruimo duide raamo raíre uícodo járitaífireiri. Daje izói jíáie ie ocuícáfue raíre uícodo omo fñnofireiri. Afe mei nana bie omoi jitaíga raana óitiomoí.

34 Uire jiti cómuitifuemo comeci faiñeno omoi iri, mei uire aferui dama ie comeci uille ráfueniaí átiite. Nágaruillaído comuide comeci faille ráfuiái ja figo báiteza, baímo nabáinide.

7

*Jiáima jánana fiēni úriñeno o iri
(Lc 6.37-38, 41-42)*

¹ Juzíñamui ómoimo izire jícanoñeillena, mai jiáima jánana fiēni úriñeno o iri.

² Mei jiáima jánana riire o úrilla izói, afe izói Juzíñamui riire ómoimo jicánoite. Jiáimamo raana fácano omoi feca izói, afe izói afémie ómoimo fácano fécaite.

³ ¿Mei ñie izói o ama uimo ite jéenide ráaruaina cíodio, mei íadi afe dáaruído dama o uimo jéerie rarúnguai íllana náfueñedio? (Afena dáiacade: Aillo fiénidifue omo illa llezica, ¿ñie izói due jiza oni nibéfodo baídime jánana úriredio? Urinidio.)

⁴ Iemo afe jéerie rarúnguai dama o uimo íadi o ámana ¿ñie izói daíredio: “O uimo ite jéenide ráaruai cuena otátari”? Daínidio.

⁵ ¡Abi dine ñue cioide comécina íairedimedio! Fueñe dama o uimo ite jéerie rarúnguai oíri. Afe o ua mei, afe o ama uimo ite jéenide ráaruaina jino óredioza.

⁶ Juzíñamui ñue finoca raa, Juzíñamuina íairuitinomo fecáñeno iri; fecádíomoiniadi áfena jámairuillano afémaci ómoína títaitiaioi. Daje izói perla izoide ráifidifuiái meróniaí izoide íaifuiairedinomo lloñeno iri; llotíomoiniadi meróniaí ríriifirena izói bimaci ómoína uáitaíbitiaioi. Afe izoide ñúefuiái fiēni íacadinomo llónide.

*Juzíñamuimo cai jicalle bie izói jóide
(Lc 11.9-13; 6.31)*

7 Mai omoi jicari, íemona Juzíñamui ómoimo fécaite. Mai omoi jenori; báitiomoiza. Nazémona caimare omoi uáidori; ómoimo tuizábiteza.

8 Mei jicádimie líinoteza. Daje izói jenódime báiteza; íemo jíái nazémona caimare uáidotimiemo túigaza.

9 Mei ómoimona dáamie ie jitó pan jícaja llezica ¿meita nofícina írede? ¡Jaca ínide!

10 Iemo afémie chamu jícaja llezica ¿meita jaiona írede? ¡Inide!

11 Mei fiénidinodicaí íadi, ñuera raa cai úruiaimo fécajana onódicaí. Mei íadi afe baímo monamo ite omoi Moo, afémiemo jicádinomo jamánomo ñuera raa fécajana onode.

12 Mei íemona omoi jitailla jíáimaci íaíoi ómoimo fínua dieze, dájeze afémacimo finóredíomoi. Mei Moisés ocuica uai bie izói jóideza. Daje izói jaiái Juzíñamui uai lloraini cuega uai afe izói jóideza.

Rillírede monamo duide io rafue

(Lc 13.24)

13 Mei afe rillírede monamo duide iodo omoi jai. Niné táinocaitainomo jóide io iere áilloo. Daje izói áfeo boilla jamánomo áillue. Afeodo aillo comini jailla.

14 Mei jíáifodo zíñona cai cáainlino jóide io jaícina jóide íadi rillírede. Daje izói áfeo boilla rillírede. Afeodo jáidino dúemaci.

Naga amena ie llizílledo onórede

(Lc 6.43-44)

15 Diga comini “Juzíñamui dibénedo úriticaí” daídíaíoi, íadi taino llotíaíoi. Afe izoide

comínimona abí omoí rairuiri. Afe bimaci ebire jíféidino izóí ómoímo bitíaióí. Uáfueza, illáinide ovéjaiaí izóí ómoímo bitíaióí, mei íadi comeci dine illáirede jánallari izóidino.

¹⁶ Afémaci finócafuiaido íaióina uáfodo ónoitiómoí. Mei jíirede ñecínamona jíricue óñegaza. Daje izóí jíirede monáigimona jíficolliaí óñegaza.

¹⁷ Mei daií nana ñuera amena ñue llizide. Daje izóí nana fiénide amena fiénidijiaína llizide.

¹⁸ Ñuera aménamo fiénide ráajiaí llizínide. Daje izóí fiénide aménamo ñuera ráajiaí llizínide.

¹⁹ Nana ñuera ráajiaína llizíñede amena tíiano iraimo jobaica.

²⁰ Bie izóí baie ómoímo bitínona íaióí finócaigafuedo uáfodo ónoitiómoí.

Nana comini monamo ite Juziñamui illáimana illíruimo jáiñeitiaí

(Lc 13.25-27)

²¹ Nana cuena “Ocuíraíma” daiífredino monamo ite Juziñamui illáimana illánomo jofo jáiñeite. Dani monamo ite cue Moo comeci jítaillana finódino jofo jáirena.

²² Aféruillaímo dúcia llezica, diga comini cuena dáitíaióí, “Ocuíraíma, Ocuíraíma, o mámedido úrifiredicaí. Daje izóí o mámedido fiénide jóriaína jino orédicaí. Daje izóí o mámedido cíórainina raana uaido comúitaticai.”

²³ Mei íadi afémacina dáitícue: “Jaca ómoína onóñedicue. Diga íaífuaí comuíómoíza, cúemona oni ii,” dáitícue.

Ménade jofo nillino rafue
(Lc 6.47-49; Mr 1.22)

24 Mei afe bie izói joide. Cuená cacádimie íemo cue ocuícana finódime jofo nállana baitádimie izoide. Afémie mairídinomo ie jofo nite.

25 Riire noci bíde, íemo ille riire renaide, íemo riírede jairifo afécomo jaiñode; mei íadi afeco jainóñede, mei mairide éniemo nígaza.

26 Mei jáifodo cuena cacádimie mei íadi cue ocuícana finóñedime jofo nállana figo baitáñedime izoide. Afémie ídiaidinomo ie jofo nite.

27 Afe mei riire noci bíde, íemo ille riire renaide, íemo riírede jairifo jaiñode. Iemona afécona jainode. Nana ana baiíllano due fiébiñeno niné táinocaide. Jesús dinori úrite.

28 Jesús úrilla méifomo, nana comini ie llófuemarillari caimare fáigacaidiaioi,

29 mei riinoredime izói íaioina llófuezeza. Jai-iai ocuica uai llófuefiredino riinonide llófuia izói afémie llófueñede.

8

Jesús chíinaitime jílloate

(Mr 1.40-45; Lc 5.12-16)

1 Jesús caifónedumona ana billa llezica, diga comini afémiedo jáidiaioi.

2 Iemo irárede chíinaitime Jesumo ánozide. Afémie Jesús anamo dújuillano daide:

—Ocuíraima, o jitáyadi bie duícana cúemona oréredio. Cúemona oreri, —daide.

3 Iemona Jesús ie ónoído afémiena jétano daide:

—Jii, ona jílloaiacadie. Benómona ja íainitioza, —daide.

Daíí daína llezica ie iráretade chiie jacáibicaide.

⁴ Iemo Jesús íena daide:

—Cácarei, bifue bumo lloñeno iri. Dama lletáriraimamo o abi o ácatairi. Afe llezica Moisés ocuica o abi ja íainide daiítate raa afénomo mai o fecari. Afemona nana comini o chiie ja jacáillana ónoitiaioi, —daide.

*Romano illaíma ocuífiregamiena Jesús jíllotate
(Lc 7.1-10)*

⁵ Capernaum jófuego Jesús jailla llezica, Romano illaíma Jesumo billano izire jicade:

⁶ —Ocuíraíma, cue ocuífirega jitócome iere irárede. Batí jofomo bíide. Afémie tíziri iere jamánomo izi cácade, —daide.

⁷ Jira Jesús íena daide:

—O jofomo jaillano afémiena jíllotaiticue, —daide.

⁸ Jira illaíma Jesús uai ote:

—Ocuíraíma, cue jofomo o jáillena, cue iere jamáimedicue. Jicana o uaido o ocuiri, afémie jílloillesa.

⁹ Mei dama cue jíáillaíma uai anamo iticue. Daje izói cue anamo cue úiñoga fuiríraini ite. Dámiena “Bi” cue daía, afémie bírede. Jáimiena “Jai” cue daía afémie jaide. Daje izói cue ocuífiregamiena “Bie fino” cue daía, afémie áfena finode, —daide.

¹⁰ Jesús áfena cacáillano, caimare fáigacaillano afémiedo jáidinona daide:

—Uáfueña ómoína daidicue: Nana Israel náiraímo bie izói ínnote come jaca baiñedicue.

¹¹ Omoína daidicue, nágafeniamona aillo oni jicánemaci bíitiaioi. Afémaci monamo ite Juzíñamui illáimana illánomo jofo ráinazaillano, daane Abraham, Isaac, Jacob diga güítiaioi.

12 Mei íadi fueñe jáiredino, jino jítinomo dotálliaioi. Afénomo afémaci iere éenaicana murímuritiaioi, —daide.

13 Iemona afe illáimana daide:

—Mai o jofomo jai. O ínuaze íteza, —daide.

Daí daina llezica afe irárede jítócome jíllode.

Jesús Pedro jifaiño jíllotate

(Mr 1.29-31; Lc 4.38-39)

14 Afe mei Jesús Pedro jofomo jaide. Afénomo Pedro jifaiño abi cuaríllari irare bíinana cíozaide.

15 Iemo Jesús afengo onoi llínua llezica ie abi cuarilla llícaide. Afemona afengo náidacaillano afémaci jitailla bai atide.

Jesús aillo iráredínui ai jíllotate

(Mr 1.32-34; Lc 4.40-41)

16 Aferui jítoma jímaicaidemo diga fiénide jóriai ogano Jesumo atídiaioi. Iemona daade uaido afe fiénide jóriai jino orede. Daje izói nane nana duícotaidínui ai afémie jíllotate.

17 Nana bie izói zúide, jaiai uai lloiraíma Isaías lloga uai fuitállena. Be afe uai: “Cai íraniaí afémie uite. Daje izói cai duícuai afémie oni orede.” Daí Isaías llote.

Jesudo jáiacadino bie izói írediaioi

(Lc 9.57-62)

Afe mei jorai fuédamo illa llezica,

18 diga comini Jesús abido nágafene gairíllana cíoillano, afémie “Mai jorai ruicáfenemo cai jai,” daide.

19 Iemo ocuica uai llófueraíma Jesumo billano daide:

—Llófueraima, nana o jáiacana diné odo jáiacadicue, —daide.

²⁰ Jira Jesús ie uai ote:

—Nana jazici rillenai uái ífireillino ite. Daje izói caifodo féedinuiai uái íaiói ráillino ite. Mei íadi Nanoide íima Jitódicueza, dáanori uái cue illino íñede, —daide.

²¹ Iemo jáíie ie llófuegamacimona dáamie íena daide:

—Odo jáiacadicue, mei íadi fueñe cue ore cue moo túille dinó cue ílleza, íemo íena ráiacadicue; afe méifomo odo jáiticue, —daide.

²² Jira Jesús ie uai ote:

—Mai cuedo bi. Juzíñamuimo náfueñedino tíide izóidimaci; mai mei jadíe ua tíitimie afémaci ráilleza. O cuedo bi, —daide.

Jesús jairifo naa jorai bagua diga llícaitate

(Mr 4.35-41; Lc 8.22-25)

²³ Ie mei Jesús naa ie llófuegamaci diga áillue nocaedo jáidiaíoi.

²⁴ Afe mei jorai ruicáfenemo jáidiaíoiimo, daa jamánomo riírede jairifo náidacailla. Afe jairíomona jorai bagua afecae acónillaina íbáiacade izoide. Mei íadi afe llezica Jesús inide.

²⁵ Iemona ie llófuegamaci ie cazítatiaíoi. Cazítajano íena daidiaíoi:

—¡Ocuíraima, cai jállota! ¡Ja buízaidicaíza! — daidiaíoi.

²⁶ Jira afémie uai ote:

—¿Níbái mei iere jacínaitiomoi? ¡Omoi nai figo íñoñediomoi! —daide.

Iemona afémie náidacaillano jairifo naa jorai dīga lletade. Daií ie daina llezica jorai bagóñeno uái ite.

²⁷ Iemona afécaemo itímiaí caimare fáigacaidiaíoi. Fáigacaillano daidíaíoi:

—Bie mei, ¿níie come? ¡Bímie daina uaina jairifo naa jorai dīga íinote! —daidíaíoi.

Gerasa éniemo ite fiénide jóriaí úicaiga íaillinoí rafue

(Mr 5.1-20; Lc 8.26-39)

²⁸ Afe mei Jesús jorai enéfenemo Gerasa éniemo dúcidemo, mena iima raiáfuaímona Jesús diné bite. Afe íaillinoí fiénide jóriaí úicaiga. Afe íaillinoí jamánomo jacire illáirede. Afedo jóide iodo buna jáinide.

²⁹ Jesús afe íaillinoí lleta llezica caillíoidiaillinoí:

—Jesús, Juzíñamui Jitódioza. ¿Níbái mei cócomo jíricaidio? ¿Nai aferui dúciñedemo benó coco duere fínuaíbitio? —daidíaillinoí.

³⁰ Afe llezica afe áinori tóica meróniaí güitíaíoi.

³¹ Jira afe fiénide jóriaí Jesumo izire jicádiaíoi:

—Bie come íaillinoímona jino cai o oréadi, táinomo oréñeno baie meróniaímo cai oreri, —daidíaíoi.

³² Jira Jesús íaioína daide:

—Mai afénomo omoi jai, —daide.

Afe fiénide jóriaí afe íaillinoímona jino billano meróniaímo jaide. Afe mei afe meróniaí jorai arimo ite íconido jabída jóraimo cocídiaíoi. Afénomo coróbaizidiaíoi.

³³ Iemona afe meróniaí úíñotino jacínaillano botádiaíoi. Jófuemo dúcillano nana aféfuiaí llotíaíoi.

Daje izói fiénide jóriaí uícaiga íaillinoimo finócafue llotíaíoi.

³⁴ Iemona nana afe jofue comini Jesús illánomo jáidiaíoi. Afémiena cíollano, afe íaíoi éniemona oni jáillena izire jicádiaíoi.

9

Jesús tízitaitimie jílloate
(Mr 2.1-12; Lc 5.17-26)

¹ Afe mei Jesús áillue nocaemo ana jaillano jorai enéferaimo ruica jaide. Iemo dama ie jófueмо dúcide.

² Afénomo tízitaitimie Jesumo atidiaíoi, naa ie bírallu diga. Afémaci ínuana Jesús cíollano, iráredimiéna daide:

—Cue izíruigamie, mai caimare ii, mei omo ite fiénidifuiái jae dógaza, —daide.

³ Jira ocuica uai llófuetinomona dáarie comeci anado daidíaíoi: “Bímie baie jáímie fiénidifuiái dóina dáinado Juzíñamuina icíritade.”

⁴ Jesús afémaci comécido dáinana onóillano daide:

—¿Nibái mei fiéni omoí comeci facádiomoi?

⁵ Mei daíí daina ménade uáimona ¿ñie uai iere llotáimina? Afe ménade uai be ñie: O fiénidifue muiñócaza. Iemo jáíe uai bie izói daina: Náidacaillano, maca. (Iraíe uai jamánomo llotáirede, mei omoí eróicana íficaideza.)

⁶ Ie jira Nanoide íima Jitódicueza, bíniemo cue illa llezica, comínimo ite fiénidifue cue muiñolle ríino jino ómoimo cíotaiticue, —daide.

Afemona afe tízitaitimiena Jesús daide:

—Mai náidacai, náidacaillano o bírallu llínota o jofomo jai, —daide.

⁷ Afemona tizitaitimie náidacaillano, ie jofomo jaide.

⁸ Nana comini áfena cíoillano iere jacinaitiaioi. Afemona Juzíñamuimo ñúfuena nitádiaioi: “Mei Juzíñamui áillue ríno bie cómemo fecádeza,” daidíaioi.

Jesús Mateo uáidote

(Mr 2.13-17; Lc 5.27-32)

⁹ Jesús afénomona oni jaide. Jaillano Mateo dainámiena ciode. Afémie gobierno ibátaga úcube llínoraíma. Ie jira afe úcube oránomo ráiide. Jesús íena daide:

—Mai cuedo bi, —daide.

Ie jira afe Mateo náidacaillano iedo jaide.

¹⁰ Afe jiáiruido Jesús naa ie llófuegamaciri jofo eromo íaioi güilla lezica, aillo jiáie úcube llínofiredino naa jiáie fiénidino dáanomo güitíaioi.

¹¹ Mei íadi Fariséuai áfena cíoillano afémie llófueganomo jicánotiaioi:

—¿Ñibái mei omoi llófuetimie úcube llínofiredino diga naa fiénidinori güite? —jicánotiaioi.

¹² Afena Jesús cacáillano, íaioina daide:

—Iociredino iránidino daje izói manóriraimana jítaiñediaioi, mei jiáifodo iráredino manóriraimana jitailla.

¹³ Bie jaijai Juzíñamui Cuegáuai dainana omoi onóizairi. Afe be níuui: “Conímana omoi duéruillena daje izói cuena omoi duéruillena jítáidícue. Mei íadi omoi fatá cuemo fia fecaca ríllenai jítaiñedicue,” daide. Ie jira dani ñúemacina abi mamédinona

uáiduaibiñedicue, mei jáifodo fiénidino íaioi
comeci ifue méidollena biticue, —daide Jesús.

Iaioi fíamairillena Jesumo jicánotiaioi
(Mr 2.18-22; Lc 5.33-39)

¹⁴ Afe mei Juan Bautístado jáidino Jesumo
dúciillano jicánotiaioi:

—Mei cai bie fariséuai diga ¿nibái fíamairitagacai,
mei íadi o llófuegamaci fíamairiñediaioi? —daidíaioi.

¹⁵ Jira Jesús uai ote:

—¿Airena rafue llezica áfemo uáidogano, meita
zúurenari güñidiaioi? Daií iñédeza; ringo otímie íaioi
cígimo illa llezica caimare güitíaioi. Mei íadi ringo
otímie íaioi mona báiruaibillirui dúciite. Aféruido
comeci zúurenari güñieitiaioi. Ringo otímie izói
birui cuedo jáicadino cígiri itícueza, —daide.

¹⁶ Jesús nane jáie onótatífue llote:

—Jaca ninomo dáamie tífoñegaroimona jaitada
jácaie inícuirromo nitáñediaioi. Daií nitáadi afe
cómoroi jácaroina fieni finode; mei nai jócoñega
cómoroi jofo jainánuamona jácaroimo ite cúaidinona
aillo oni cuatácana jaide.

¹⁷ Daje izói comue vino jácara igorai finoina iciru
izoide raamo totánide. Dámie daií totáadi afe
comue vino afe jácara iciruna eroide raana cúataite.
Afemona afe iciru naa vino diga táinomo fáifite.
Iemona comue vino comue igorai finoina iciruna
eróidemo jónefirega. Iemona afe naga ñue éenoga.
(Afe bie dáiñado Jesús ie comue llófueinafue, íemo
íaioi jaiái llófuegafue dáanomo ínonide, dáanomo
náfuenide, íaioiimo llófuete.)

*Jairo jiza íemo jíáingo Jesús iniroi jétaibitingo
Jesús jíllotate*

(Mr 5.21-43; Lc 8.40-56)

¹⁸ Jesús bífuiaido úrilla llezica, judío illaíma Jesumo dúcide. Dúciillano, afémie anamo fueco dine bíjicaillano daide:

—Cue jiza ja tíide, mei íadi o bíllaza, mei aféngomo o onoi bítaibiri afengo jíllolleza, —daide.

¹⁹ Afe jira, Jesús náidacaillano afémie diné jaide naa ie llófuegamaciri.

²⁰ Afémie iodo jailla llezica, jíáie iráredingo afémiemo bite. Afengo afe irárenamona doce diga fimona dícotaite. Jesús comini cígido rillire jailla llezica, afengo Jesús jinófene dinena ie iniroi fueda jétaibite.

²¹ Mei afengo comécido daide: “Daa ie iniroi cue jetáadi jíllotícue,” daide.

²² Iemona Jesús meine abido gírecaillano aféngona cíoillano daide:

—Ízíruigango, caimare o iri. O íinuamona ja jíllodioza, —daide.

Daí daina llezica afengo jíllode. Afemona afengo ja íocirede.

²³ Jesús illaíma jofomo dúcia llezica, aillo comini come tíllari cáillcailli éediaíoi. Afe llezica jíáimaci toticai zuure fúudíaiíoi.

²⁴ Jesús áfena cíoillano daide:

—Benómona oni omoi jai. Afeza tíñedeza fia inide, —daide.

Afémie dáinari comini íemo zadáidiaíoi.

25 Mei íadi Jesús afémacina jino orede. Oriano jofo jaide. Jofo jaillano afe tídingo ónoído llínnote. Llínua llezica afengo caifo náidacaide.

26 Iemona Jesús finócafue nana afe éniemo itígobiaido jica jalleide.

Jesús mena uínidimie jíllotate

27 Afénomona Jesús jáidemo, mena uínidimie ie óodana caillícana bite. Daidíaillinoi:

—Davidmona comuídime Juzíñamui oreca Mesía ímie, mai cócomo dúecai, —daidíaillinoi.

28 Afe mei Jesús jofo eromo jáidemo, afe íaillinoi Jesumo dúcide. Iemo Jesús íaillinoína daide:

—Cuemo ómicoi jicácafueña finóredicueza ¿meita ínotiomicoi? —daide.

Jira afe íaillinoi daide:

—Ocuíraima, jii ínoticoco, —daidíaillinoi.

29 Iemona Jesús íaillinoi ui jetánota daide:

—Ómicoi ínua dieze, ómicoimo cómuíteza, —daide.

30 Daií ie daina llezica, íaillinoi ui ñue cíoide. Afe mei Jesús íaillinoína riire daide: “Bie ómicoimo cue finócafue bumo lloñeno ómicoi iri,” daide.

31 Afena afémie rairuide íadi, afe íaillinoi jino bil-lano, nana afénomo Jesús ui mánuana llócadiaillinoi.

Jesús uáinidimie jíllotate

32 Afe mei Jesús afénomona jáidemo, fiénide jóríai úicaiga uáinidimie, Jesumo atídiaoí.

33 Iemona Jesús afe fiénide jóríai jino orede. Afemona uáinidimie ja úrite. Aferi comini caimare fáigacaillano daidíaoí:

—Bie izóidifuenta jaca Israel nairai cígimo cíóñedicaí, —daídíaíoi.

³⁴ Mei íadi fariséuaí daídíaíoi:

—Jesús dama fiénide jóriaí illaíma ríinodo afe úicaigamíe fiénide jóriaína jino orede, —daídíaíoi.

Jesús comínimo dúecaide

³⁵ Afe mei Jesús nana aféniemo ite jófuiaimo naa onífedo itícuaido llófuiaide. Afénuiaimo ite Juzíñamui uai llófueriracuaido llófuete. Afémíe Juzíñamui illáimana illarui ñuera rafue llocana uite. Iemo nana jíáíforiedemo izi cácade iráredinona jíllotate.

³⁶ Meita nana daí itínona cíoillano, afémacimo Jesús dúecaide, mei úiñoñegano izóidiaíoi. Ie jira oni ráide ovéjaíai izóidiaíoiza. Afémaci duere finócaíai, daje izói duere zefuide buna ráiruiñegano izói itíaíoi.

³⁷ Afemona Jesús ie llófuegamacina daide:

—Uáfueza, jacáfaimo ite raa ailla llezica jofo óitino iñena izói, birui Juzíñamui illáimana illánomo jofo órega comíni aillo ite. Mei íadi afémaci jofo óitino figo iñede. (Afe jofo óitino jíáímacimo ñúefue llóitino.)

³⁸ Ie jira jacafai Naama izóidimiemo jíáíe ñúefue llóitimacina omoi jícarí, afémaci afémíe oréllena.

10

Jesús doce dígamíe ie oni oréllino nizede

(Mr 3.13-19; Lc 6.12-16)

¹ Afe mei Jesús doce dígade ie llófuegamaci uáidote. Uáiduano fiénide jóriaí comínimona oni

orelle ríino íaioimo fecade. Daje izói nana jáiforiede duico ogano jíllotalle ríino afémacimo fecade.

² Be afe doce dígadimaci oni oréllino mámeçiai: Nánoramie Simón, dáamiçna Pedro daína, íemo ie ama Andrés, íemo Zebedeo jitó íaillinoi Santiago Juan diga,

³ íemo Felipe, íemo Bartolomé, íemo Tomás, íemo gobierno íbátaga úcube llínoraíma Mateo, íemo Alfeo jitó Santiago, íemo Lebeo dáamie mámeçi Tadeo,

⁴ íemo Iere Járidotimacimo jaináidimie Simón, íemo uire Jesús féçaitimie Judas Iscariote.

*Jesús ie llófuegamaci jáígobiaimo llófuellena orede
(Mr 6.7-13; Lc 9.1-6)*

⁵ Jesús bie doce dígamieçna ie oréaçana llezica íaioi táijille izói llote. Daide:

—Judíoñedino éniemo omoi jáiñeno iri. Daje izói Samaria éniemo ite jófuaímo jáiñeno iri.

⁶ Mei jáífodo Israel náiraímo ovejai féiraila izói féiraitinomo omoi jairi.

⁷ Monamo ite Juzíñamui illáimana illirui áinozillana llocana omoi uiri.

⁸ Íráredinuai omoi jíllotairi. Tíidinuai meine abido omoi cáatari. Daje izói íaire chíñaitimieçna ñue omoi finori. Daje izói comínimo ite fiénide jóriai jino oreri. Bie izói omoi táijille rínona raiñoñoeno ómoimo fecádíçue, íemona áfedo jáímacina raiñoñoeno omoi canori.

⁹ Jabe omoi jaille llezica úcubena uiñeno iri.

10 Omoï cirítico uiñeno iri. Jaca daa o abïmo jíidïroi ðiga jairi. Daje izói ðaï icona uiñeno iri, íemo jíái macara jigüida uiñeno iri. Mei jíáimacina omoï cánua jira, áfemo táijiraima jaca raiñóñeno écafiregaza.

11 Omoï jáillinomo ite comini jófuego omoï dúcia llezica, ñue ínofiregamie illano omoï jeno. Afénomo nai oni omoï jáíñeille ðino uái omoï iri.

12 Jofo jaillano, afémaci ñue daí uáidori. “Caïmare uái omoï iri,” afémacina daíri.

13 Afe jofo comini caïmare omoï llínoiadi, omoï afémaci ie ñue mameca uai afémacimo fiébiteza. Mei íadi omoï ðaina uaina afémaci náfuëñenia, afémacimo omoï mameca ñue uai abïdo ómoïmo bíiteza.

14 Mei íadi afémaci ómoïna llínoacañenia, daje izói omoï llógamo cacáreacañenia, afe jofómona, daje izói afe jófueмона oni omoï jai. Omoï jailla llezica omoï éibamo ite íaie afémacimo teténocairi. Afedo íaioï comécimo ite íaifue nai íaioïmo íllana ónoítiaioï.

15 Mei ua ómoïna dáitícue, íraicaiño riire jicánolliruimo dúcina llezica, bie ómoïna ruifíruite comini, Sodoma Gomorra ðiga jofue comini duere zefuilla baïmo, iere duere finólliaioï.

Cristo ícoïnia duere cai zefuíllifue

16 Omoï cacai. Ovejai illáirede jazici jico cígimo ória izói ómoïna orédícue. Jaio abï rairuilla onona izói abï omoï onoiri. Mei íadi afe llezica fíiciri illáienina izói omoï iri.

17 Ñue abí omoï rairuiri, mei comini jabóidíllainimo ómoïna fécaítiaioïza. Juzíñamui uai lloraco eromo omoï fáítiaioïza.

18 Iemo ríillainimo, daje izói jamánomo ocuídillainimo cue ícoinia ómoína uitíaióiza. Iemo afe omoi íaiói úilledo afe illáinimo cuedo úritiomoi. Daje izói afe judíoñedinomo cuedo úritiomoi.

19 Mei íadi illáicomínimo omoi íaiói uille llezica, “¿Ñíie izói úriticai?” dáinamo comeci faiñeno iri; daje izói “¿Ñíie uallaí llóiticai?” daíñeno iri. Mei omoi úrille llezica, Juzíñamui ómoína úritaiteza.

20 Afe llezica daní omoi comeci izói úríñeitiomoi. Moo Juzíñamui Ñuera Joreño ómoído úrilleza.

21 Afe llezica comíní daní íaiói nahí ámana Crístomo ínotimiena illa jira, jíáimacimo íena fállena fécaítiaíoi. Daje izói móotíai daní íaiói Crístomo ínote jítótíai fállena fécaítiaíoi. Iemo jíái jítótíai daní íaiói móotíaido éoicana eróítiaíoi, íemo íaióina titátaitiaíoi.

22 Nana comíní cue ícoinia ómoído éoicana eróítiaíoi. Mei íadi fuillínomo fáicanocaiñeno ñue ínoicaitimíe dama jíllóite.

23 Daa jofue comíní omoi duere finóadi, jíáíe jófuego omoi jairí. Mei ua ómoína dáíticue, nana Israel jófuiado nai omoi jáíñenia úcodo raíre dúcíticueza; mei Nanoide íma Jító Crístodicue.

24 Llófuegamacimona llófuetimíe baimo jamánomoidimíe íñede. Daje izói ocuífíregamíe íe ocuídímíe baimo ocuínide.

25 Llófuegamíe íe llófuetimíe illa izói írede. Daje izói ocuífíregamíe íe ocuídímíe illa izói írede. Jofu naama izóidicueza, Beelzebú daína Taífe mámecí cuemo íaiói jíatádi, jofu ero úruíai mámecína dájena jítaítiaíoi. Iemo afe úruíaina cue baimo fieni úritiaíóiza.

*¿Nñimiena jacírui redicai?
(Lc 12.2-7)*

²⁶ Ie jira comínina jacíruiñeno iri. Mei nana báinino daina uailai jino uáfodo cíozite. Daje izói nana báinino itífuiaina jino uáfodo onuille.

²⁷ Birui jítifomo úrilla izói báinino ómoimo cue llógana, uire uáfodo monari comínimo omoi lloiri. Daje izói ómoína báinino cue daina uai, comini dáanomomo uáidota ficire lloiri.

²⁸ Omoi íeizi titáitnona jacíruiñeno iri; mei omoi joreña titánidiaioiza. Mei jiáifo boode iraimo cai íeizi naa cai joreño duere finótaitimiena omoi jacírui.

²⁹ Onódiomoiza mena duera ófocuizai duera úcubedo ibárega. Mei daí íaioí ráifiñede íadi, afémacimona omoi Moo Juziñamui daíñenia dácuño tiide izói ana báilñeite.

³⁰ Mei uafue, omoi ifócimo ifótiraiaí illa dígatirai facádoga.

³¹ Mei daítadeza jacíruiñeno omoi iri. Omoi, aillo ófocuiñuai baimo ráifidiomoi.

*Comini eróicana Jesuna jiéruitino
(Lc 12.8-9)*

³² Comini eróicana nana cuena jiéruitinona monamo ite cue Moo eróicana jiéruiticue.

³³ Mei íadi comini eróicana cuena jáanotinona, afe izói monamo ite cue Moo uíecori afémacina jáanoiticue.

*Comini conímana ruifruitatallena biticue
(Lc 12.51-53; 14.26-27)*

34 Comini dájena uái illifue biniemo lluáibiticueza daiñeno iri. Mei jáifodo dájena uái illifue lluáibiñeno, fuirilla izoide lluáibiticue.

35 Cuemo ñnuamona dáamie ie moo dinena íena ruifruicaite. Afe daí cue bíllamona dájena uái ññeitiaillinoi. Daje izói ei cuemo ñnua jira afengo jiza dinena ruifruibicaite. Afe daí cue bíllamona dájena uái ññeitiainguai, íemo jái cuemo ñnuamona mio ie jifaiño dinena ruifruibicaite. Afe daí cue bíllamona dájena uái ññeitiainguai.

36 Iemona illa dígamie dama ie jofo ero comini dinena éogamierna mámeitiaíoi.

37 Ninó daa come ie moo, ie eina cue baimo izíruia, afémie cuemo dúinide. Daje izói ninó daa come ie jitona, ñibai ie jízana cue baimo ie izíruia, afémie cuemo dúinide.

38 Iemo jái, comini dama afémie titácanamo náfuiano cuedo jáiacañedimie afémie cuemo dúinide.

39 Ie jira ie cáanano rairuíacadimie áfena táinomo fáifitaite. Mei jáifodo cue ícoinia ie cáanano táinomo fáifitimie afe fáifidena baimo ziiño illinona máíñoite.

Jirídua izóidifuiái
(Mr 9.41)

40 Iemo Jesús nai úrillano daide: Omoína caimare uáidotino, daje izói cuena caimare uáidote. Iemo cuena caimare uáidotino daje izói cuena orédimiena caimare uáidote.

41 Juzíñamui uai jino llóraima Juzíñamui dibénedo bíllado afémiena caimare uáidotimie, dájeze afémie jirídua izói jirídoite. Daje izói ñúemiena caimare

uáidotimie afe jiaimie ñue íllado, afémie jirídua izói jirídoite.

⁴² Daje izói ninó daa come cue llófuegamacimona jabóidimiemo daa due jiza mánaide jáinoina jirótaadi, afémie cuedo jailla jira, afe jirótatimie uáfueña íeiena mameca raana jirídoite, —dinori Jesús ie oréllimacimo llófuete.

11

Juan Bautista orécano (Lc 7.18-35)

¹ Jesús ie doce dígade llófuegamaci íaioi táijille izói llófuiana fuilla méifomo, Jesús oni afe éniemo ite jófuiaimo jaide, afénomo ite comini llófuellena.

² Aféruido Juan Bautista llavéracomo illa llezica afémie Jesús finócafuiaina fidide. Ie jira iedo jáidinomona dáarie Jesumo jicánuaitate.

³ Jesumo dúcillano jicánotiaioi:

—¿Meita o biite Cristo dainámiedio? ¿Ñibai nai jiaie bíitimie úiñoredicai? —daidíaioi.

⁴ Jira Jesús afémacina daide:

—Omoi ciona, omoi cacana izói Juaamo omoi lluájiri.

⁵ Bífuiái afémiemo lluájiri: Uínidino ñue ciódiaioi, macañedino macádiaioi, íaire chíinaitino íaioi chíiemona ñue jacáitagaiaioi. Iemo jefona cacáñedino ñue cacádiaioi, íemo dáarie tíidino meine abido cáadinona jáidiaioi. Daje izói dúredino jíllona uaina llogáiaioi.

⁶ Cuemo íñoñeilli uaina baiñédimie ióbite.

⁷ Juan orécano meine abido jailla méifomo, Jesús Juaado comínimo úrite; daide:

—Mei táizicimo ¿minícana cióizaidiomoi? Nibai dáamie ie daina uaina méidofiredimiena cióizaifirediomoi.

8 Afe izóidimiena omoi cióizaiñenia, ¿mei nie izóidena cióizaidiomoi? ¿Meita nibai ñue cióide ráifide iniroi jitáoidimie cióizaidiomoi? Onódiomoiza ráifide ñúecuiroi jitáoifiredino jaca illaini jofomo ífirediaioi.

9 Mei írainomo ¿minícana cióizaidiomoi? ¿Nibai Juzíñamui uai jino llórainmana cióizaidiomoi? Jii. Uáfueza. Juzíñamui uai llórainma baimo jamánomoidimiena cióizaidiomoi.

10 Juan baie Cuegáuai daínámie. Jaiai uícodo nai cue biñena llezica, aféuaimo Juzíñamui, afémie dibénedo cuena daide:

O bille io ñue finóllena izói, comini íaioi comécido ñue omo jíeruillena, cue lluájitimie o uícodo orédicue.

11 Uáfena ómoína dáiticue, nana comínimona ite Juzíñamui uai llórainimona Juan Bautista baimo jamánomoidimiena iñede. Mei jíáifodo Juzíñamui illáimana illánomona jabóidimie Juan baimo jamánomoide.

12 Mei íadi Juan Bautista bíllamona ua biruimo aillo comini ríifuedo raa báirua izói, monamo ite Juzíñamui illáimana illánomo iere izire jofó jáiacadiaioi. Afe ríifuedo afénomo jofó jáiacadino bie izói comécidiaioi: “Afe illánona anáfenuano jofó jáiticaí,” daíí comeci facádiaioi.

13 Nana Juan uícomo ite Juzíñamui uai llóraini naa Moisés lloga ocuica uai diga Juzíñamui illáimana illáruido úritiaioi. Iaiói úrilla méifodo Juan bite.

14 Iemo jiáifue ómoimo llóiticue. Omoi ñnoiacaniadi, bífuena ñnorediomoí. Naui lloga biíte Elías be nímie Juan; mei Juan Elías daínámiena bíteza.

15 Mai cacáreacadino, omoi cacai.

16 Iemo Jesús nai úrillano daide: Biruúllaido itínona, ¿ñie izói íaioina mámeiticue?

17 Jofue cigi ibírimo jifánote úrue izóidiaioí. Afémaci conímamo ebírede rúado caimátaiacadiaioí, mei íadi áfena fairioñediaioí. Daje izói conímama zúurede rúado fíraacadiaioí, mei íadi daje izói áfemo cacáreiacañediaioí.

18 Afe bie izói ómoimo ite. Mei Juan Bautista billa llezica afémie fimarillano figo güiñede, daje izói ríji jiróñede. Ie jira “Fiénide jóríai úcaigamedio” íena daidíomoí.

19 Afe mei cue, afe Nanoide ñma Jitó daínámiedicue biticue. Billano, jiáimaci izói güiticue, íemo jiródicue. Afemona nane bie izói cuena daidíomoí: “Bímie iere güilláredimie, jéerie jírofredimie. Fiéndino nabáidimie. Daje izói gobierno ibátaga úcube llínoraini nabáifiredimie.” Daíi cuedo úritiomoí. Comini Juzíñamui orécanona bie izói fiéni daidíaoí íadi, Juzíñamui baitácafue dama ie finócafuiaido jino cíozite, —dinori Jesús daide.

*Jófuiaimona dáarie Jesús uaina cacáreacañediaioí
(Lc 10.13-15)*

20 Iemona Jesús jiáie jófuiái comini íaioí ñnoñena jira fueñe lletade. Mei afémie uaido daína comuide cíorainina ráamona nabene afémaci cígimo

finódeza. Mei íadi afeno comini íaioi comeci ífuea nai méidoñediaioi. Afémie daide:

²¹ —¡Corazín jofue comini nii dúerena! ¡Daje izói Betsaida jofue comini nii duere zefuilla! Mei íaioi cígiri cue finoca ciórainina raa, áfena Tiro comini daje izói Sidón comini cígimo nauí finódicuenia, nibai raire jaiai úcodo íaioi comeci ífuea méidotiaioi. Uafue íaioi comeci ífuea méiduamona, ja diga fimona jaide. Afe llezica zúunaia jitáfirega jítiroi jitáacadiaioi. Daje izói aféruimo íaioi zúunailla jino ácatallena jízefo ífomo jutáacadiaioi.

²² Mei jíáifodo ómoína dáitícue, íraicaiño riire jicánolliruimo Tiro Sidón diga duere finóbina baímo Corazín íemo Betsaida comini duere finólliaioi, —daíí daide.

²³ Íemo Capernaum jofue comini Jesús lletade. Afémaci dibénedo daide:

—¿Meita íaioi íinoga jofue monamo úirede? ¿Daíí comeci facádiaioi, ero ua? Mei jíáifodo íaioína daidícue, tíidino illánomo ana dotaca izói niné táinocaitalliaioi. Mei íaioi cígimo cue finoca ciórainina raa nauí Sodoma jófueo finódicuenia, afe jofue nai biruimo nia íte.

²⁴ Mei íadi jíáifodo Capernaum comínina dáitícue, íraicaiño riire jicánolliruimo Sodoma comini baímo jicánolliaioi, —aquíe izói Jesús íaioína lletade.

*Cuomo billano omoí ocózinairi
(Lc 10.21-22)*

²⁵ Aféruillaído Jesús daide:

—Mona Ocuíraíma Moo Juzíñamui, omo ñúefue jóoneitícue, mei Juzíñamui dibénedo onóigafuíai úrue

izoide, comécina níifuenide jamai comínimo jino cíotatioza; mei íadi bínie ráfuená baitádinomona aféfuiai o retáidoga.

²⁶ Jii, Moo, mei o daí jítáidíozá.

²⁷ Jesús nai úrioidé: Cue Moo, nana uafue onóigafuiai ja cuemo llotío. Moo Juzíñamui, o Jitódícue, mei íadi buna uáfodo cuena ñue onóñena. O cue Móodioza, dama o ñue cuena onódío. Daje izói buna uáfodo ona ñue onóñena. Cue, o Jitódícueza, dama ona ñue onódícue. Iemo jíái daje izói o Jitó onótaacagano ñue ona ónoítiaíoi.

²⁸ Iemo comínina daide: Omoi ñúefuiai finóacanamona zefuínaitino cue diné omoi bí; íemo jíái fiénidífue ábiana méeruitino daje izói cue diné omoi bí. Omoína ocózinaitaitícueza.

²⁹ Mai cue diga táijífírena izói ñúefuiaiina finóllena omoi onoiri; mei omoi diga táijífíredícueza. Afe dájena táijínana cúemona omoi onoiri. Mei comécina járidoñedícueza. Daje izói comécina mánaidícueza. Afemona omoi comeci uái ocózináillinona báitíomoíza.

³⁰ Omoi diga cue táijínana féinide. Daje izói ómoímo cue ocuállafue jaca ómoína zéfuitañeite, — dinori úrite Jesús.

12

Jesús llófuegamaci ocózináillaruímo trigo íimoíai dícoiano otá güitíaíoi

(Mr 2.23-28; Lc 6.1-5)

¹ Aféruído Jesús naa íe llófuegamaciri ocózináillaruído trigo ritino jacafai cígido macade.

Afe llezica ie llófuegamaci iere jufínailano, trigo ímoiai otá güitíai.

² Afena fariséuai cíoilano Jesuna daidíai:

—Ero, o llófuegamaci ocózinaillaruimo rairuírede táijinamo táijidiai.

³ Mei íadi Jesús íaiina daide:

—¿Omoi ico jaii illaíma David finócafue cúegana facádoñediomoi? Aféme naa ie nabáñiairi iere jufínaitiai.

⁴ Afe llezica Juzíñamuimo gairíracomo jofojaiillano rairuica panes otá güitíai. Mei íadi afe páaniai afémemona rairuírede, daje izói ie nabáñiaimona rairuírede. Afe pan dama lletáiraini güirede.

⁵ ¿Mei nane jíie Moisés ocuica uai cúegana facádoñediomoi? Afénomo daina: Juzíñamui gairíracomo táijide lletáiraini, ocózinaillaruimo ocózinañediai, mei daí íaii illa fiénidífueñede.

⁶ Mei ómoína dáitícue, birui benomo afe gairíraco baimo jamánomoidíme ite.

⁷ Bie jíie Juzíñamui Cuegáuai llógana nai onóñediomoi. Afe be níuui: “Fatá fia fecaca rille baimo cuena izíruillena jítaidícue.” Bíuaina omoi onóadi nífuena finóñedinona “Duere cai finótali” dáíñeitiomoi za.

⁸ Mei uáfueza, ocózinaillarui Nanoide Hima Jitó Cristo daínámie ocuilla uai anamo ite.

Onoína llirídíme rafue

(Mr 3.1-6; Lc 6.6-11)

⁹ Afe mei Jesús afénomona jaide. Jaillano Juzíñamui uai llorácomo jofojaide.

10 Afeco eromo ónoina llirídime ite. Afe comini Jesumo fiénidifue jitállena jenódiaioi. Iemona afémiena jicánodoidiaioi:

—¿Meita iráredime ocózinai llaruimo jíllotarede? — daidiaioi.

11 Jira Jesús afémaci uai ote:

—Omoimona daa cómemo oveja íadi, afe oveja ocózinai llaruimo ifomo baíadi ¿meita caifo óñega?

12 Mei uafue, daa come oveja baimo jamánomo ráifide. Afemona ñúefue fínuana ocózinai llaruimo rairuñega.

13 Iemona Jesús afe iráredimiena daide:

—O onoi jino zúita, —daide.

Jira ie onoi zúitamona, enéfene izói ñuera.

14 Iemona fariséuai jino jaillano, Jesús fállena mamérizaidiaioi.

Jai ai uai llóraima Jesudo daína uai como zuilla

15 Aféfuena Jesús fidíillano, afénomona oni jaide. Ie jailla llezica aillo comini afémiedo jaide. Iemo Jesús nana iráredino jíllotate.

16 Afe llezica afémie íaioina llotatañede: “Cue bie izói íllana bumo lloñeno iri,” íaioina daide.

17 Bie izói zuide jai ai uai llóraima Isaías lloga uai ñue ícoimo fuitállena. Afe uai be ñie:

18 Bímie nizada cue oga ocuífíregamie.

Afémiena iere izíruiticue, íemo afémieri iere ióbidicue.

Cue Ñuera Joréñona afémie úicaitaiticue.

Afémie cue mameca jaícina jóidifuiaina náiraímo jino llóite.

19 Afémie ríifuedo llóñeite.

Daje izói cáillicailli úriñeite.

Iemo jíái jofue cigi macáraodo ie uaina cácaiñeille.

20 Comécina náinidinona ruifíruifñede. Afémie íaioi comécina náiretaite.

Daje izói dúiacade uillide mechera meine abido omoi boota izói, afe izói jabo íinote comini afémie fáicanocaiñeite. Fáicanocaiñeno ñue íaioina íinotaite.

Afe ícoimo nana duéredinona fáicanocaiñeitemo afémie jáicina illáimana illíruimo dúciite.

21 Iemona nana náiraiái afémiemo ocuítiaioi.

*Taife ríino Jesumo illa afémiemo jitádiaioi
(Mr 3.19-30; Lc 11.14-23; 12.10)*

22 Afe mei uínidimie Jesús diné atídiaioi. Afémie fiénide joriai uícaiga úrinidimie. Afémiena Jesús jíllotate. Iemona afémie ja ciode, daje izói ñue úrite.

23 Ie jira nana comini áferi caimare fáigacaillano daidíaioi:

—¿Meita afe be níimie jaiái illaíma Davidmona comuítagamie? —daidíaioi.

24 Fariséuai áfena cacáillano daidíaioi:

—Bímie fiénide joriai illaíma Belzebú dainámie ríinodo afémacina jino oréfirede, —daidíaioi.

25 Jesús daí íaioi comécido dáinana onóillano íaioina daide:

—Ninó daje náiraina ite comini conima diga fuiríadi, afe nairai ráidoizillano niné táinocaite. Daje izói daje jofue comini eneno ráidoiziadi, afe jofue are íñeite. Iemo jíái daaco ero comini eneno ráidoiziadi, afémaci are íñeite.

26 Iemo daje izói, mei Satanás dama íemo jaináidino jino oréadi, dani Satanás mairídino oni éenorie jáitiaioi. Mei íemona afémie ocuille ríino íñeite.

27 Omoï cuena: “Belzebumo ite ríinodo fiénide jóriai jino orédio,” daidíomoï. Afe omoï daina uáfuedenia, jiáifue ómoïmo jicánoiticue. ¿Mei bu ómoïdo jáidino fiénide jóriai jino orelle ríino iga? Ie jira dani afémaci ñue onóñeno taino omoï llua jino cíotatiaioï.

28 Mei jiáifodo Juzíñamui Ñuera Joréñodo afe fiénide jóriaina jino orédicue. Iemo bifue bie izóï daiíacana: Juzíñamui illáimana illarui ja ómoïmo dúcide.

29 Mei uáfueza, ríiredimiena fueñe o máíñenia, ¿ñie izóï dáamie ie jofomo jaillano ie jofo ero ráaiena bairóredio? Bairónidio. Nano fueñe afémie máirede. Ie mei ie ráaiena bairórede. (Afe daií Cristo Taifena jaca anáfenorede.)

30 Cue dibénemo íacañedimie cuena uáitate. Cue diga dájena táijiñedimie, cue raana oni jutádimie izoide, mei afémie jiáimaci cuena ínotañedeza.

31 Ie jira ómoïna dáitícue, naga come ie finoca fiénidifue, Juzíñamuimo jicáadi dórede; daje izóï nana ie úrilla fiénidifue dórede. Mei íadi ninó dáamie Juzíñamui Ñuera Joréñona íaire dáiiadi, afe uai jaca dónide.

32 Iemo jiái ninó dáamie Nanoide Iima Jitó Crístona íaire dáiiadi, afe afémiemo ie lloia dórede. Mei íadi Juzíñamui Ñuera Joreño jánana fiени úritimie afe ie úrilla íaifue birui dónide. Daje izóï uire jaca ninomo dónide.

*Naga amena ie llizíllajido onórena izóï, daje izóï naga come ie úrillafuiaido ónorede
(Lc 6.43-45)*

33 Ñuera aménamona ñuera ráajina llizide. Daje izói fiénide amena jaca fiéni llizide. Mei uáfueza naga amena ie llizillado ónorede.

34 Jaió izóidinodiómoi. Ja fiénidinodiómoiza ¿ñie izói ñue úrirediómoi? Mei uáfueza, cai fue cai comécimo jebuide raado úrite.

35 Ñuera come ñúefuedo úrite, mei ie comécimo ñúefue illaza. Daje izói fiénidimie fiéni úrite, mei ie comécimo fiénidifue illaza.

36 Iemo nane ómoína dáititue, íraicaiño Juzíñamui caimo riire jicánolliruimo, nana ráiruiñega fiéni cai úrilla uai, daje izói abi cai rairuiñena úrilla uai diga, jáanoñeno “j#” daíredicai.

37 Mei uafue, o úrilla dieze Juzíñamui omo izire jicánoiteza. Jiáimiena “O níifuenidimiedio” dáite; ie mei jiáimiena “Dama o ícoinia daí itio,” dáite.

Fiénide comini ciórainina raa finóllena Jesumo jicádiaioi

(Mr 8.12; Lc 11.29-32)

38 Afe mei fariséuaimona dáamierie Jesuna daidíaioi, daje izói Ocuica Uai llófuefiredino diga:

—Llófueraíma, ciórainina raa o finuana cióacadicai, —daidíaioi.

39 Jira Jesús afémaci uai ote:

—Bigíma fiénidino botade jiruédingo izoide ja Juzíñamuina zóofetiaioi. Iemo ciórainina raa cuemo jicádiaioi. Mei íadi navi Juzíñamui uai llóraíma Jonás onótagafue baimo jiáifuena llóñeilliaioi.

40 Mei Jonás daaruiámani íemo daámani naio afe áillue chamu eromo illa izói, afe izói Nanoide fima Jitó Cristo énie anamo daaruiámani íite, daje izói daámani naio.

41 Jaiai Nínive jófuemo ite comini bigima comínimo riire jicánolliruimo bimácimo fiénidifue jítaitiaioi. Mei Nínivemo ite comini Jonás Juziñamui uai íaioimo llua llezica íaioi comeci ífuea méidotiaioiza. Mei íadi birui benomo Jonás baimo jamánomoidimie ite.

42 Daje izói sur dibénemo jica ite nairai illaingo, bigima comínimo riire jicánolliruimo, bimácimo fiénidifue jítaite, mei afengo jica énie fuédamona Salomón comeci onógafuemo cacáreizaibiteza. Mei íadi birui benomo Salomón baimo jamánomo baitádimie illa.

*Jino oreca fiénide joriai meine dáamiemo bite
(Lc 11.24-26)*

43 Jesús nai llícañeno úrite: Fiénide joriai cómemona jino jáiadi, táiziciaido ie uái illino jenócana uite. Ie uái illino baiñenamona bie izói comeci facade:

44 “Meine abido cue billa cómemo jáitícue,” daide. Afe joriai meine afe cómemo bítemo, jofo taico izoide baizáibite. Daje izói rafode ñue finócaco izói baizáibite.

45 Iemona afémie siete diga jamánomo afémie baimo fiénide joriai uájide. Afémaci nana afe cómemo jofo jáidiaioi. Afemona afe come nauí ie fiénina baimo birui jamánomo fiénide. Afémiemo illa izói, afe izói ómoimo íficaite, mei bigima fiénidigimaza.

*Jesús ei naa ie ámatiairi
(Mr 3.31-35; Lc 8.19-21)*

⁴⁶ Jesús nai comínimo úritemo, ie ei naa ie ámatiairi dúcide. Afémaci jofo jinófecomo itíaiói. Afémie diga úriacadiaíói.

⁴⁷ Afe llezica dáamie Jesuna daide:

—O ei, o ámatiairi jino benomo itíaiói. Afémaci o diga úriacadiaíói, —daide.

⁴⁸ Mei íadi Jesús afe lluaíbitimiena daide:

—¿Mei bu cue eina? Daje izói ¿mei bu cue ámatiaina? —daide.

⁴⁹ Daií dánamona afémie llófuegamacina fuedo uidánote. Uidánuano daide:

—Bimaci cue eina, daje izói bimaci cue ámatiaina.

⁵⁰ Mei ninó dáamie monamo ite cue Moo comeci jitailla izói finódime bie come cue ámana, daje izói cue miríngona, daje izói cue eina, —daií Jesús afémacina daide.

13

Afémaci onótaité ríjifiredimie rafue

(Mr 4.1-9; Lc 8.4-8)

¹ Afe monado Jesús jofómona jino jaillano, jorai fuédamo ráinazaide.

² Iemo afémie illánomo aillo comini ofilla jira, afémie bai nocaemo ráiizaide. Afe llezica nana comini fuédamo fiébidiaíói.

³ Mei áfemona diga ráfuiaina afémaci llófuete. Afémaci onoiga izóidedo afémie íaiói llófuete. Daide:

—Jacáfaimo rífiredimie rizájilla.

⁴ Ricana ie uilla llezica, afe júdaica íjiaimona dáarie iomo baiide. Baiilla mei ófocuiñuai güizábitiaíói.

⁵ Ie mei jiáijiai énie figo iñena noñiciaimo baide. Aféjiai raire zicode, mei afe énie lliáideza.

⁶ Iemo jáinaonideza jitoma egáiñuamona, zafénaillano tíidiaioi.

⁷ Ie mei nane jiáijiai éegiai cigiri cocídino. Afe éegiai móonaillamona aféjiai íracotaillano tíidiaioi.

⁸ Mei íadi jiáijiai ñuera éniemo baide. Aféjiai ñue ailla. Dáaride cien diga llizíllajiai comuítate. Jiáiri sesenta diga llizíllajiai comuítate. Iemo jiáirimo treinta dígaji comuide.

⁹ Bíemo cacáiacadino mai cacai.

Ñibái mei bie comini onoiga izóidedo úrilla, Jesús jino llote

(Mr 4.10-12; Lc 8.9-10)

¹⁰ Iemona ie llófuegamaci billano Jesumo jicánotiaioi:

—¿Ñibái mei cominimo íaioi onoiga izóidedo úritio? —daidíaioi.

¹¹ Jira Jesús uai ote:

—Monamo Juzíñamui illáimana illirui uáfodo ónoñega ráfuiaina, afémie ómoina onótate. Mei íadi baie comini áfeniaina ónotanidiaioi.

¹² Mei ua, Juzíñamuina iere onóacadimiemo ie báitaja baimo jiáiena írede. Iemona afémiemo aillo íite. Mei íadi Juzíñamui dibénedo onóacañedimiemona íemo ite due jiza onónana bairórede.

¹³ Ie jira afémacimo íaioi onoiga izóidedo úriticue. Mei afémaci ñúefuena ciódiaioi, mei íadi nai cíoiñedino izói itíaioiza. Daje izói cacádiaioi, mei íadi nai cacáñedino izói itíaioi.

14 Mei áfemona Juzíñamui uai llóraīma Isaías afémacina jicana daína uai ñue ícoimo fuilla. Be níuui:

Omoi uáfodo cácaitiomoi mei íadi afe dáinana óñoñeitiomoi.

15 Mei bimaci comeci ríiredinona abido jaide.

Daje izói afémaci figo cacáacañediaīoi.

Afémaci ui ibaica izói ite. Daīi itíaīoi íaīoi uído cíoñeillena, íemo jiáí íaīoi jefodo cácañeillena; daje izói íaīoi comécido ñúefuiaīi óñoñeillena.

Iemona íaīoi cue jíllotallena abido cuemo bínidiaīoi, daīi Isaías daide.

16 Mei íadi dani omoi uído omoi ciónamona, daje izói dani omoi jefodo omoi cacánamona ióbidīnodīomoi.

17 Uáfueña ómoína dáitiecue, diga Juzíñamui uai llóraini bie omoi ciónana cíoacadiaīoi, naa aillo jiáie ñue comíniri. Mei íadi áfena cíoñediaīoi. Daje izói bie omoi cacánana cacáacadiaīoi, mei íadi cacáñediaīoi.

*Jesús ríjifiredimie rigájiaīi rafue ñue jino llote
(Mr 4.13-20; Lc 8.11-15)*

18 Jira bíemo omoi cacáreiri. Rífredimie rafue bie izói jino daide.

19 Monamo ite Juzíñamui illáimana illarui uaina dámie cacáadi, mei íadi afémie áfena íñoñeniadi, afémie comeci afe bie io izoide. Ji, afe rigájiaīi iomo baídino izoide. Afe izói comécido jabo ie onoiga ñuera uaina Taife báruaibite.

20 Afe rigájiaīi nii afe nofciāi emódomo cocídino jana, ñúefuiāina raire cacáillano caimare otino coméciāi.

21 Mei íadi afémaci raire zicode raa riire jaináñena izói, Juzíñamui mo afémaci figo jaináñenamona are iñédiaioi. Mei íadi ñuera uai ícoinia jacire facátafuiái, íemo duere finóllena rácafuiái afémacimo comuíadi, ñúefuena fáicanocaitiaioi.

22 Afe éegiaí illano jana Juzíñamui ñúefuena cacádiaioi ía, bínie ráaniaimo comécina fáifiredino. Ìere ráanaiacana afémacina jífujete. Nana aféfuíai Juzíñamui ñúefuena íracotailla izói ínotañede. Iemona afe uai afémíemo ñue áide izói íñede.

23 Mei íadi afe rigájiaí ñí afe ñuera éniemo baídino jana bie izói ite. Bimaci Juzíñamui ñúefuena cacáillano afe uaina jeire otíaioi, mei áfena ñue onódiaioiza. Uamona ìere aite rigájiaí izói afémaci aillo ñúefuíaí finófrediaioi. Afémacimona dáarie jamánomo aillo ñúefue finódiaioi, íemo jíáimaci aillo ñúefue finódiaioi. Iemo nane jíáie ía jabo aillo ñúefue finódiaioi.

Riga trigo cígimo fiénide raróciaí zícua rafue

24 Iemo nane Jesús bie íaioi onoiga izóidífue llote: —Monamo ite Juzíñamui illáimana illarui bie izoide. Dáamie ñuera íjiaí íe jacáfaimo rite. (Aféruillaído comíni díga ráaniaí daane riñeno énenorie ritíaioi.) Bímie íe jacáfaimo jíáiena jaicuíñeno daa trigo rite.

25 Mei íadi naama ínia mei íe díga ícírítimie trigo cígimo fiénide raróciaí rizáíbite. Rillano oni jaide.

26 Afe trigo móonailamona íímoiaí comuilla llezica riga fiénide raróciaí cíozite.

27 Afemona tájítafíregano jacafai náamamo llujáide: “Ocuíraima, o ritátaga cai ríganíai níbai

ñuera. Mei afe cígimo fiénide ráitiai ¿ninómona comuide?”

²⁸ Jira afefai naama daide: “Nibai ninó cue diga icíritimie bie rizáibiga.” Mei jira afe tájitafigamaci íena daide: “¿Afe fiénide ráitiai cai áiruailleza meita airótatio?”

²⁹ Mei afémie íaioina daide: “Dama íteza, aiññoeno iri, mei afe fiénide ráitiai aiññoíomoinia naa trigo diga aiññoíomoiiza.

³⁰ Dama trigo diga daane móonaiteza, aiññoñegania ñuera. Afe mei jofo ollíruimo, cue tájitafigano óreiticue fueñe afe fiénide ráitiai óllena. Afe uano afe ráitiai jobaille eneno icútuaina maitátaiticue. Afe mei cue trígona éenoracomo éenotaiticue.”

Mostaza daina riga raa íjiai rafue

(Mr 4.30-32; Lc 13.18-19)

³¹ Iemo nane Jesús bie jíáie onótaitifue llote:

—Monamo ite Juzíñamui illáimana illarui mostaza daina riga raa íjiai izoide. Dáamie afe íjiai ie jacáfaimo rite.

³² Uáfueza, afe íjiai nana jíáie rífigajiai jofomo jéenide. Mei íadi móonailla llezica nana juzítotiai caifomo are zairide. Afe llezica caifo amena dñori aillo zairide. Afemona áfena ícairuaimo feede ófocuiñuai jillaina nizáibitiaioi, —daide. (Afe izói Juzíñamuimo ínotino dúemaci íadi, jamánomo aíllomacina jébuioicaitiaioi.)

Levadura daina pan fáitara rafue

(Lc 13.20-21)

³³ Iemo nane Jesús bie jíáie onoiga izóidifue llote:

—Monamo ite Juziñamui illáimana illarui pan aillo fáitate levadura izoide. Daa ringo daámani jul-leco harínana oruítajano, áfemo due jiza levadúrana tamede. Iemona nana afe iféllana mullétano oni aillo fáitate, —daide. (Afe izói diga jiáimaci Jesumo ínuamona, Juziñamuimo jaináidino aillo jébutiaíoi.)

Jaiái daínáuái fuitállena Jesús íaíoi onoiga izóidifuiáido comínimo úrite

(Mr 4.33-34)

³⁴ Nana bífuiái Jesús íaíoi onoiga izóidifuiáido comínimo llote. Onótaitifue afémie llóñenia comínina ñie izói daíñede.

³⁵ Jaiái Juziñamui uai llóraíma daina uai ñue ícoímo fuitállena, afémie daí llófuete. Afe be níuái: Onótatífuiáido jino úriticue.

Juziñamui énie fínua llezícamaña figo óñoñegafuiái jino llóiticue.

Trigo cígimo comuide fiénide ráitiaí ifue Jesús jino llote

³⁶ Afe mei Jesús nana comíni jino fíiano jofe eromo jaide. Afécomo Jesús llófuegamaci afémiemo jicánuaíbitiaíoi:

—Jacáfaimo comuide fiénide ráitiaí rafue caímo jino ñue llóiri, —daídíaíoi.

³⁷ Jira Jesús íaíoína daide:

—Afe ñuera íjiaí ritímie jana Nanoide Hima Jitó Cristo.

³⁸ Afe jacafai jana bie énie. Afe ñuera rigájiaí jana Juziñamui illáimana illáruimo jaináidino. Afe fiénide ráitiaí jana Taífemo jaináidino.

³⁹ Afe fiénide ráitíai rizáibitímie dama Taife. Afe llizíllajíai jofó otá éenua jana énie fuillírui. Iemo afe llizíllajíai jofó otino jana Juzíñamui abí imaci.

⁴⁰ Ie mei afe fiénide ráitíai jobáillena oni eneno jóonia izói, afe izói énie fuillírui mo fiénidíno mo zúite.

⁴¹ Aféruimo Nanoide Hima Jitó Cristo ie abí imaci óreite, jáimana fiénidí fue finótatino eneno óllena, naa fiénidí fue finódíno.

⁴² Afémacina iraimo dótaite. Afénomo iere éenaitíai; iere izí cácaillamona murímurítíai.

⁴³ Ie mei Juzíñamui jitailla izói finódíno íai; Moo illáimana illírui mo jitoma uieco meáire egáíñua izói íai; maiñoca Juzíñamui ebíredífuena jino cíotaitíai. Omoi cacáacania, cacai.

Retáidoga ráifide raa jino onótaití fue

⁴⁴ Monamo ite Juzíñamui illáimaitagamacina íacadíno bie izói fínoítíai. Enie anamo ónonino retáidoga ráifide raa jénua izói fínoítíai. Nie monado daa come afe retáidoga ráifide raa baite. Bailla mei, abído dáanomo áfena retáidote. Afe mei jofomo íóbicana jaillano nana íemo ite raa fécajide. Raa fécajano oga úcubedo afe retáidua énie íbajide.

Perla daína iere ráifide zírjijino onótaití fue

⁴⁵ Nane daje izói monamo ite Juzíñamui illáimaitagamacina íacadíno perla jenoda fécaíredímie izói fínoítíai. Afémie jicado jenode.

⁴⁶ Iere ráifide perla daa ie baía, nana íemo ite ráaniai fécajano, ie ciona ráifidíjijí íbajide.

Chamu ora llóji onótaití fue

47 Daje izói nane monamo ite Juzíñamui illáimana illarui, jóraimo dótafirega chamu ora llóiji izoide. Afe llóiji nana jáíforiede chámuna ote.

48 Afe llóiji oruilla lezica, facódino oni fuédamo jáinácana uite. Afénomo raináillano, ñuera chamu diga nizédaioi. Fiénidino oni dótano ñuera chamu íaioi cirígaimo iráidiaioi.

49 Afe izói énie fuillíruimo comínimo íite. Juzíñamui abi imaci billano ñúemaci fiénidimacimona oni eneno ofítaite.

50 Iemo fiénidinona iraimo óreite. Afénomo iere éenaitiaioi. Izi cácanamona murímuritiaioi.

Comue ráifide raa naa jácaie diga

51 Afe mei Jesús íaioina jicánote:

—¿Meita omoi nana bífuiaina onódiomoi? —
daide.

Jira afémaci daidíaioi:

—Jii, Ocuíraima onódicaí, —daidíaioi.

52 Iemona Jesús íaioina daide:

—Cue ocuica uaina ñue llófuefiredimie, monamo ite Juzíñamui illáimana illirui dibénedo llófuia llezica bie izói íficaide. Aillue jofo naama ie éenoga ráamona comue raa jino úana onode. Iemo jáíruido jácara raa mei íadi nai ñuera raa, jino úana onode. Afe izói afe ñue llófuefiredimie nana ie onógafuiaimona cue cómfue naa jáiaí lloga jácafue diga jino llúana onode, —daide.

Jesús Nazaret jófuego jaide

(Mr 6.1-6; Lc 4.16-30)

53 Jesús nana bie jino ñue onótatífuiaí llua méifomo dama ie éniemo jaide.

54 Dúciizaillano afénomo ite Juzíñamui uai llorácomo llófuete. Aferi comini caimare fáigacaidiaioi. Daídíaioi:

—Bímie ¿ninómona diga ráfuiaina onode? Bie ciórainina raa ¿ñie izói finode?

55 Bímie baie rabíciaino tájifiredímie jitó. Ie ei María. Daje izói afémie ámatiaí Santiago, José, Simón, Judas benomo cairi ite.

56 Daje izói ie miríngotiaí cai cígimo itíaioi. ¿Mei ninómona nana bífuena onode? —daídíaioi.

57 Iemona afémie llógamo náfueacañediaioi. Mei jira Jesús íaioina daide:

—Nana jáímaciaí Juzíñamui uai llóraimana jíeruitiaioi, mei íadi dama ie comuillano comini íena jámairuitiaioi, daje izói naa ie jofo ero comíniri, —daide.

58 Ie jira afénomo ciórainina raana aillo finóñede, mei afémaci afémiemo íinoñediaioiza.

14

Juan Bautista tilla

(Mr 6.14-29; Lc 9.7-9)

1 Aféruillaido Galilea énie ocuídillaima Herodes, Jesús jalléinana fidide.

2 Fídiano ie diga itínona daide:

—Bímie tíllamona meine abido cáadímie Juan Bautista. Iemona afémiemo ciórainina raa finolle riino ite, —daide.

3 Mei jaiaí nano Herodes Juana maitá llavéracomo uitátate. Mei nauí Herodes ie ama Felipe aí Herodías daínango aina ote. Ua mei, Juan Heródesna riire lletádeza. Ie lleta jira íena llavétate.

4 Juan daína uai be ñie:

—O bie ringo o ai izói uícainidío, —daide.

⁵ Daií daina jira Herodes Juaana fáiacade. Mei íadi comínina jacíruite, mei “Afe Juan Juziñamui dibénedo úrifiredeza,” daidíaiói.

⁶ Afe méifodo, Herodes ie jocóinamona jíáie fimona fuilláruimo dúcide. Aféruido ie cumpleaños rafue finua llezica, iráizillena llogano eróicana Herodías jiza bai zaizáijide. Afengo záillana Herodes iere ebíruite.

⁷ Afena iere gáinamona Herodes riírede uaido daide:

—Ninó o jicáacanana rairuíñeno íredicue, —daide.

⁸ Iemona afengo ei uícodo llua izói Heródena daide:

—Juan Bautista ifoci plátomo jóneta cuemo ati, —daide.

⁹ Aferi ocuídillaíma Herodes zúucaide. Mei íadi uícodo riírede uaido dáinana nana iráizillena llogano cacádiaíoi. Jira jíáifodo méidoñeno nano fueñe ie daina izói ocuide.

¹⁰ Iemona llavéracomo llaveca Juan ifócina jaitátate.

¹¹ Afe mei jáitano plátomo jóniano aféngomo izájidiaíoi. Afe méifodo afengo afe ifócina ie eimo ite, afengo Juan ua tíillana onóillena.

¹² Afe mei afe Juan diga jáicadino uillano ie abi raiájidiaíoi. Afe mei Jesumo llúájidiaíoi.

Jesús cinco mil comíni ecade

(Mr 6.30-44; Lc 9.10-17; Jn 6.1-14)

¹³ Jesús Juan fáajana fidíillano dama ruica táinomo nocaedo jaide. Mei íadi comíni ie jáillana fidíillano naga jófuiamona ie illánomo arido jáidiaíoi.

14 Iemo Jesús afe nocáemona ari jailla llezica, diga comini ofíllana ciode. Cíoillano íaioimo dúecaide. Afémiemo atica iráredinuiaina jíllotate.

15 Ja nauízaiilla llezica ie llófuegamaci afémiena daízaibitiaioi:

—Ja nauide. Benomo buna iñede. Nana comínina mai jófuego oreri, afe áinori ite dúegobiaimo íaioi güille íaioi íbajillena, —daidíaioi.

16 Jira Jesús afémacina daide:

—Afémaci nai jáinidiaioi. Afémaci dani omoi eca, —daide.

17 Jira afémaci uai otíaioi:

—Cinco diga páaniai, íemo mena chamu afe baimo jáiaena caimo iñede, —daidíaioi.

18 Jira Jesús íaioina daide:

—Mai áfena cuemo ati, —daide.

19 Afe mei nana comínina daide: “Ráitiai emódomo ana omoi ráii,” daide. Afe llezica Jesús cinco diga páaniai mena chamu diga llíinota, monamo érocaillano Juzíñamuina “Figora” daide. Daí daina méifodo Jesús afe pan ditada ie llófuegamacimo ite, afémaci nana comínimo fecállena.

20 Afe güillano nana comini ñue jeirediaioi. Iaioi güilla mei, güiga állana ie llófuegamaci doce cirigai oruítatiaioi.

21 Afe güitino cinco mil diga íñiaia. Iemo afe baimo ringóniaia naa úruiairi fácadoñega.

*Jesús jaínoi emódodo macade
(Mr 6.45-52; Jn 6.16-21)*

22 Afe mei Jesús ie llófuegamacina daide: “Mai ifódino ruica enéferaimo nocaedo omoi jairi. Afe llezica bie comini ráinoiticueza,” daide.

23 Comini ráinua mei Jesús caifónedumo dama Juzíñamuimo úrizaide. Nauízaiilla llezica Jesús afénomo dama ite.

24 Afe llezica íaioi jailla nocáe bai dáaferaimo ite. Mei íadi jorai bagua meine íaioina ñuitáñuitade. Afe llezica jairifo meine íaioina fúuoide.

25 Como monáioicaidemo Jesús jainoi emódodo afémaci diné macácana jaide.

26 Afe jainoi emódodo jáillana cíoillano, caillíoidiaoi. “Janaba billa,” dainano iere jacínaitiaoi.

27 Mei íadi Jesús íaioina daide:

—Cueza, jacínaiñeno omoi iri. Abí omoi mame, —daide.

28 Jira Pedro afémiena daide:

—Ocuíraima, mei ónia, o illánomo mai jainoi emódodo cue mácata, —daide.

29 Jira Jesús íena daide:

—Mai mei bi, —daide.

Iemona Pedro nocáemona ana jaillano jainoi emódodo Jesús diné macácana jaide.

30 Mei íadi jairifo riire jáiñua cacáillano abi jácidote. Afe llezica afémie ja anábaiacade. Anábaioicaiilla llezica afémie caillide:

—¡Ocuíraima, iñédicueza, cue llino! —daide.

31 Daií daina llezica, Jesús ónoído llínota daide:

—¡Ñi o due ñnua! ¿Ñibái mei o ñnogafuena fáicanocaidio? —daide.

³² Nocaemo caifo íaillinoi jailla llezica, afe jairifo llíicaide.

³³ Iemona afécaemo itino, Jesús anamo dújuillano íena daide:

—Uáfuenta, Juzíñamui Jitódioza, —daidíai.

*Jesús Genesaret éniemo ite iráredino jíllotate
(Mr 6.53-56)*

³⁴ Jorai ruica jáitajano Genesaret éniemo dúcidiaioi. (Afe énie jáífodo mameina Galilea.)

³⁵ Iemo afeno comini ñue afémiena onónamona, nana afénomo itígobiamo conímána fidítatiaioi. Afemona afénomo ite iráredinuiaína Jesumo atídíai.

³⁶ Daa afémie inícuero fueda jetánollena izire jicádíai. Iemona nana ie inícuero fueda jetádino jíllodiaioi.

15

*Cómena íaire fínnode raa
(Mr 7.1-23)*

¹ Afe mei dáarie Jerusalémóna bite fariséuai naa ocuica uai llófuefiredinori Jesumo jicánuaibítiaioi:

² —¿Níbái mei o llófuegamaci cai uzútiai daína uaina oni caitáfirediaioi? Mei afémaci fiénidífue múiñua jana, nai güiñena llezica onoi jócuana finóñediaioiza, —daidíai.

³ Mei afe ibana Jesús íaioimo jicánote:

—¿Mei nibái omoi Juzíñamui riire ocuica uai oni caitáfirediomo dani omoi jaiái daína uaimo náfuellena?

⁴ Mei Juzíñamui caina daide: “O moo o ei diga caimare omoi uícairi. Dámie ie moona ie ei diga íaire dáia, afémie títeza,” daide.

⁵ Mei jíáfodo daífiredi omoi. Dámie ie moona ie ei diga bie izói daírena daífiredi omoi: “Moo, ona canónidicue, mei nana cuemo ite raa Juzíñamuimo fecállena cue mamécaza.”

⁶ Iemo ninó dámie daí dáiiadi, ie moo ie ei diga canolle afémie mo dúiñede, daí daífiredi omoi. Daí omoi dáinamona Juzíñamui ocuica uai jámairuitadi omoi, dani omoi jaiai daina uáillaimo náfuellena.

⁷ ¡Comeci diné ráatailla mei, abina ñue cíoidinodi omoi! Jaiai Juzíñamui uai llóraima Isaías ie ciegánicomo omoi dibénedo uáfodo úrite. Be afe uai:

⁸ Bie comini fia fuedo cuemo ñúefue mamédiaioi, mei íadi íaioi comececi diné íairedeza, cuemo jaináñede.

⁹ Diga ebírede ráfuiado cuemo caimátaidiaioi íadi, afe caimátailla ráifiñede, mei afémaci jíámaci llófuia jamai come ocuica uáillaiza.

Isaías Juzíñamui daináuai bie izói cuete.

¹⁰ Afe mei comini uáidota Jesús íaioina daide:

—Cacáillano ñue omoi onoiri.

¹¹ Come fuedo jofo jaide raa afémiena íairetañede. Mei jíáfodo come fuémona bite uai, afémiena íairetate, —daide.

¹² Afe jira ie llófuegamaci Jesuna daízaibitiaioi:

—¿Meita onódioza, o daina uáillaina cacáillano fariséuai icíritiaioi? —daídíaioi.

¹³ Mei íadi Jesús jíáfodo uai ote:

—Naga Juzíñamuimo uáfuenta jaináñedimie mon-amo ite cue Moo riñega raa izóidiaioi. Afémaci come gáñega riga raa naa jáinaori aiñólle izói táinocaitalliaioi.

¹⁴ Afe baie fariséuai dama daiítadiaioiza; áfemo lloñeno. Mei afémaci uínidino izóidino. Iemo afe llezica jáie uínidino ifódiaioi. Uínidimie jáie uínidimie ifóadi, nágaillinoi dáafomo báitiaillinoi, —daide.

¹⁵ Jira Pedro Jesuna daide:

—Bie uai jino caimo féinino llone, —daide.

¹⁶ Jira Jesús jicánote:

—¿Omoi jái nai onóñediomoi?

¹⁷ ¿Onóñediomoiiza, fuedo jofo jaide raa jébe goimo jaide; afe mei abímona jino faiga?

¹⁸ Mei íadi come fuémona jino bite uailai ana comécimona comuide. Afe bie uailai dama afémiena íairuitade.

¹⁹ Mei diga íaifuiái come comécimona comuide. Fieni comeci fácafuiái comuide. Daje izói daje comécimona jáíima fáiacanafuiái comuide. Iemo jáíima ai diga íacanafue come comécimona comuide, naa jáie iere jiruírenafuiári. Iemo jái meríillafuiái come comécimona comuide. Daje izói táinona úrilla uailai, naa jáíimana íaire daináuailairi come comécimona comuide.

²⁰ Afe bífuiái cómena iere íairuitanona orede. Mei íadi fiénidifue múñua jana onoi jócuana finóñeno dáamie güíadi, áfena cómena íaifueredimiena oréñede, —daide.

*Jicánemaci ringo Jesuna ínote
(Mr 7.24-30)*

21 Afénomona Jesús oni jíáie éniemo jaide. Afénomo Tiro jofue Sidón jofue diga ite.

22 Afénomo Canaán énie ingo Jesús diné caillícana bite:

—Cai ocuífirede jaiái illaíma David comuítagamie, cuemo dúecai. Cue jiza fiénide jóriái uícaigaza, iere duere zefuide, —daide.

23 Mei íadi Jesús aféngona niie izói daiñede. Mei jira ie llófuegamaci íemo izire jícaíbitiaíoi:

—Mai ie uai fáirio, mei cai méifodo duere caillícana bíteza, —daídíaíoi.

24 Jira Jesús daide:

—Juzíñamui dani Israel náiraimona oni féiraite ovejai izóidino mameda cuena orede, mei afémaci Juzíñamui lloga uailái jeire oñédiaíoiiza, —daide.

25 Mei íadi afengo Jesús diné billano afémie anamo dújude. Dújuillano aféniemo jicade:

—¡Ocuíraíma, mai cue cano! —daide.

26 Jira Jesús aféngona daide:

—Uruiaí izoide Judíuaí ónoimona pan bairoda jicóniaí izoide jicánemacimo illa fiénide, —daide.

27 Mei afengo jaca nai daide:

—Cai Ocuíraíma, jii uáfueza, mei íadi jicóniaí naama güígamona ana baíide íruaina güífrediaíoi, —daide.

28 Mei jira Jesús aféngona daide:

—O ico iere ínotioza. Cuemo o jícaze, daí íteza, —daide.

Daí dáina llezica afengo jiza jíllode.

Jesús aillo iráredinuaí jíllotate

29 Afénomona Jesús oni jaillano Galilea jorai fuédado jaide. Afe mei caifónedu ícoimo ráiizaide.

30 Iemo afémie illánomo aillo comini gairilla. Afe jáidino diga jáíforie iráredino uitíai. Afémiemo ídainidino atídíai, íemo uínidíni, íemo uáinidino, íemo ónoínidíni, íemo diga jáíe iráredino afémiemo atídíai. Dieze átiano Jesús anamo jóonetíai. Iemona afémie nana afémacina jílloate.

31 Afe afémie fínuari comini caimare fáigacaidíai, mei eróidíai oímo uáinidino úritíai oíza. Iemo ónoínidino ñue jílloíai oíza. Iemo ídainidino ñue macadíai oíza. Iemo uínidino ñue ciódíai oíza. Iemona Israel nairai Juzíñamuimo ñúefue nitadíai.

*Jesús cuatro mil dígade comini ecade
(Mr 8.1-10)*

32 Afe llezica Jesús ie llófuegamaci uáiduano daide:
—Bie comínimo dúecaidíe. Ja daruíamani benó cue diga itíai oíza. Iemo íai güíllena ja íñede. Afémacina íai jofomo ecáñeno oréacañedicue, io anamo íai zafénaíza dáí, —daide.

33 Iemo ie llófuegamaci íena daidíai:
—Mei benomo comini jofue íñeíza, bie aillo comini ecállena ¿ninómona óíticai? —daidíai.

34 Jira Jesús afémacimo jicánote:
—¿Omoímo niga páaniai ite? —daide.
Jira afémaci daidíai:
—Siete diga pan ite íemo due chámuna ite, — daidíai.

35 Afe mei nana comínina: “Ana omoí ráí,” daide.

36 Daí dáina méífomo siete dígade panes naa chamu diga llínota, Juzíñamuina “fere figora”

daide. Afe mei ditada, ie llófuegamacimo ite, afémaci nana comínido fecállena.

³⁷ Afena nana güitíai*oi*. Iai*oi* güilla mei nana ñue jeiredia*oi*. Afe mei íai*oi* güiga állana siete diga cirigai oruítaia*oi*.

³⁸ Afe güitino cuatro mil dígadimaci. Afe baimo ringónia*i* naa úruiairi fácadoñega.

³⁹ Afe mei Jesús afe gairide comini rainode. Ráinua mei ana nocaemo jaillano oni Magdala éniemo jaide.

16

*Fariséuai naa saducéuai diga cíorainina raa finóllena jicádia*oi**

(Mr 8.11-13; Lc 12.54-56)

¹ Fariséuai naa saducéuai diga Jesumo eróizaidia*oi*. Iemo afémie fiéni facátallena monámona comuide cíorainina raana finótaacadia*oi*.

² Mei íadi afe llezica afémie jíáifodo uai ote:

—Nauíacana llezica mona jíairenia uire jiti ñue mónaite daífiredi*oi*.

³ Iemo jíitiramo dibénemo mona jíáire nairíadi, bie mona fiénite, daífiredi*oi*. ¡Comeci íáirena mei, jino abi diné ñue cíoidinodi*oi*! Uire jíitiramo ñue mona monaille llote raana ñue onódi*oi*. Mei íadi birui o*oi* cígimo cue finoca onótatifuia*ina* onóñedi*oi*.

⁴ Biruido ite íinoñede fiénidino cíorainina raana finóllena jicáfiredia*oi*. Mei íadi nauí Juzíñamui uai llóraima Jonásmo zúidifue íai*oi* onótatífue. Afefue baimo jíáifuena llóñeillia*oi*, —daide.

Daií daína mei, afémacina fáicanocaillano Jesús oni jiáinomo jaide.

Fariséuai taino llófrenafue levadura daína pan aillo fáitate raa izoide

(Mr 8.14-21)

⁵ Jesús llófuegamaci jorai ruícafenemo jailla llezica, pan féideza uiñédiaioi.

⁶ Afe mei Jesús íaioina daide:

—Ero, fariséuai naa saducéuaimo ite levadura daína pan aillo fáitate raa izóidemoná abí omoi rairuiri, —daide.

⁷ Mei jira llófuegamaci dani conímana daidíaioi:

—Nibai pan cai atíñena jira afémie daií daide, —daidíaioi.

⁸ Jesús áfena comécido onóillano daide:

—¿Nibái mei páanidicai daidíomoi? ¡Omoi íco nai figo íñoñediomoi!

⁹ ¿Nai cinco páaniai ditada cinco mil comíni cue écamo jaca uíbicaíñediomoi? ¿Nai áfena ñue onóñediomoi? Aféruido fiébidinona ¿niga cirigai oruítatiomoi?

¹⁰ Iemo daje izói siete dígade páaniai cuatro mil comínimo cue fecá mei ¿niga cirigai fiébidinona iráidiomoi? ¿Afemo jiái daje izói uíbicaíñediomoi?

¹¹ ¿Minícamo jizídiomoi levadúrado cue úrillana nai onóñena? Nai fariséuai, naa saducéuaimo ite levadúramona abí omoi rairuiri cue daína uaina jamai paando úriñedicue; jiáifue lloticue.

¹² Afemona ie llófuegamaci ie dáinana ñue onódiaioi. Pan aillo fáitate levadúramona abí rairuillana lloñédeza. Mei jiáifodo fariséuai

naa saducéuai jino lloga taino llófuiamona abí rairuíredeza.

*Pedro Jesús Crístona jino jaícina llote
(Mr 8.27-30; Lc 9.18-21)*

¹³ Afe mei Filípomo dúide Cesarea éniemo Jesús dúcina llezica, ie llófuegamacimo jicánote:

—Cue Nanoide fima Jitódicueza. Afe dibénena ¿niie izói comini daidíai? —daide.

¹⁴ Jira afémaci daidíai:

—Dáamierie “Bie Juan Bautista” daidíai, jaímaci “Bie Elías” daidíai, íemo nai jaímaci “Nibai Jeremías, nibai jaíe Juzíñamui uai llóraima,” —daidíai.

¹⁵ Mei jira Jesús daide:

—Omoi ¿mei niie izói cuena daidíomoi? —daide.

¹⁶ Jira Simón Pedro uai ote:

—Juzíñamui nizeca Cristo dainámiedio. Daje izói caade Juzíñamui Jitódio, —daide.

¹⁷ Jira Jesús afémie uai ote:

—Jonás jitó Simón, o iere ióbidio. Mei ailli o daina uai cómemona omo llóñegaza. Mei jaífodo monamo ite cue Moo Juzíñamui omo lloga.

¹⁸ Ona Pédrodio dáitícue. Mei jae cuena o daina uai riírede oni dotánide nofici izóideza. Iemona afe bie riírede nofici izoide uáitanide dainamo cuemo ñnotinona comuítaitícue. Iemona titáfirede riino cuemo ñnotinona anáfenoñeite.

¹⁹ Iemo jaí monamo ite Juzíñamui illáimana il-lano naze zuitáfirena llave izoide raa omo íitícue. Iemona biniemo o rairuícafuena, daje izói monamo ráiruiteza. Afe izói biniemo o ráiruiñegafuena monamo ráiruiñelle, —dinori Jesús daide.

20 Afe mei Jesús ie llófuegamacina Crístona ie íllana bumó jino llotátañede.

Jesús ie tãlle llote

(Mr 8.31-9.1; Lc 9.22-27)

21 Aféruimona Jesús Jerusalemo ie jáizaillena ie llófuegamacimo jino uáfodo llote. Iaiõina daide: “Jerusalemo cue dúcille mei ocuífiredede éicomini, naa lletáriraini illáiniri, íemo jáíi ocuica uai llófuefiredinori nana ìere cuena duere fínoitiaioi. Omoimo llotícueza cuena títaitiaioi, mei íadi daruiámani íllemona meine abido cáadimiena íitícue,” daide.

22 Afe jira Pedro Jesús bai uillano íena lletade. Daide:

—Ocuíraima cacai, Juzíñamui afe izói gáíñede. ¡Aféfuiai jaca omo zúíñeiteza! —daide.

23 Mei jira Jesús oni gírecaillano afémiena daide:

—Satanás uícaigaoza. Cúemona oni jai; cue llótaidotioza. Juzíñamui comeci faca izói o comécina facáñedio. Jamai come comeci faca izói o comécina facádio, —daide.

24 Afe jira Jesús ie llófuegamacina daide:

—Ninó dáamie cuedo jáiacania dama ie comeci jítáillana féitarede. Féitano cuedo jáirede. Afémie cuedo jailla ícoinia tíidena, afémie áfena izire ónide.

25 Mei ninó dáamie ie cáananona rairuíacadimie áfena táinomo fáifitaite. Mei jáíifodo cue ícoinia ie cáananona táinomo fáifitimie afe fáifidena abido máíñoite, jaca ninomo zííñoia ie íllena.

26 Mei daa come nana bínie ráaniai aillo náamataadi, íemo afe llezica dama ie comeci afémie táinocaitaiadi, nana ie maiñoa ráaniai afémiena

jíllotañeite. Mei daa come ie comécina ¿nieze ibárede?

²⁷ Mei uáfueza, Nanoide ñima Jitódicueza. Cue Moomo ite ebíredinuiái naa ie abi imáciri uire bíitícue. Iemona illa dígamie íaioi finócaza fécaítícue.

²⁸ Uáfueña ómoina dáitícue, benó cue diga itínomona dáarie nai tíñeitiaioimo illáimana cue bíllana cíoitiaioi, —daide.

17

Jesús abi jíáifo méidoficaide (Mr 9.2-13; Lc 9.28-36)

¹ Seis dígarui jailla mei, Jesús Pedro, Santiago, Juan diga uite. Dígamie dani eneno iere caifónedumo uite.

² Afénomo íaioi eróicana ie abi jíáifo méidoficaide. Ie uieco jitoma izói queníreficaide. Daje llezica ie inícuiro jamánomo úzereficaide. Luz egáiñua izói úzere.

³ Afe llezica, Moisés, Elías, Jesús diga úrillana cíodiaioi.

⁴ Jira Pedro Jesuna daide:

—Cai Ocuíraima, ñi cai benó caimare cai illa. O jítaíadi daámani jofóchupi benó cai ñilli; daa óochupi, jíáie Moisés ie, íemo jíáie Elías ichupi, —daí daide.

⁵ Daí Pedro úrioina llezica, iere quenírede mona ero uíllie, íaioi ferínocaide. Afe uílliemona da uai cácaide. Afe uai daide:

—Bie iere cue izíruiga Jitó. Afémiemo omoi cacáreiri, —daide.

6 Afe uaina cacáillano ie llófuegamaci éniemo fuego diné bíjicaidiaioi. Afémaci iere jacínaitiaioi.

7 Afe méifomo Jesús íaioina jetánota daide:

—Jacíruiño caifo omoi náidacai, —daide.

8 Afemona érocaidiaioimo, ja buna cióñena. Dama Jesús ciódiaioi.

9 Afe íduaimona fei íaioi billa llezica, Jesús afémaci ocuide:

—Bie omoi ciona rafue bumo lloñoeno iri. Nanoide íima Jitódicueza, tíllamona nai meine abido cue cáañeille dinó lloñoeno omoi iri, —daide.

10 Iemona ie llófuegamaci Jesumo jicánotiaioi:

—¿Níbái mei ocuilla uai llófueraini Elías raire uícodo bírena, daiífirediaioi? —jicánotiaioi.

11 Jira Jesús uai ote:

—Uáfuenta Elías fueñe bille. Billano naga ráaniaina ñue finoite.

12 Mei íadi: “Elías ja bite” ómoína daidicue. Mei bimaci afémiena onóñediaioi. Afémiena onóñenamona afémaci comeci óiacana izói afémiena finódiaioi. Iemo birui Nanoide íima Jitódicueza, afe izói cuena duere zefuítaitiaioi, —daide.

13 Iemona ie llófuegamaci, Jesús Juan Bautístado íaioimo úrite, comécido daidíaioi.

*Jesús fiénide joríaí uícaiga jítócomena jíllotate
(Mr 9.14-29; Lc 9.37-43)*

14 Idumona ana comini illánomo bitíaioimo, dámie Jesús anamo dújuzaibite. Dújuzaibillano daide:

15 —Cai Ocuíraima, mai cue jitomo dúecai. Fiénide joríaí íena naillítafirede. Aferi afémie iere duere zefuide. Afémie diga ícaiño iraimo baiífiredede; jíáíruido illemo baiífiredede.

16 Benomo o llófuegamacimo cue atica, mei íadi afémaci afémiena jíllotaniaiaioi, —daide.

17 Jira Jesús uai ote:

—¡Aiii! ¡Níena jamánomo ínofinidiomoi! Níufuena jámairuitiomoi. Omoi ñue cue rairuúllena, ¿ñie dinó omoi cígimo íredicue? Afe jitócome cuemo ati, —daide.

18 Atia mei, Jesús afémiemo ite fiénide jóriaí izire rairuide. Rairuúllano jino orede. Afe daií daína llezica, afe jitócome jíllobicaide.

19 Afe mei Jesús llófuegamaci bai eneno Jesús diga úrite; jicánotiaioi:

—¿Mei nibái cai afe fiénide jóriaí orénidicaí? —daidíaioi.

20 Jira Jesús íaioína daide:

—Omoi nai figo ínoñediomoiza, afe fiénide jóriaí nai jino orénidiomoiza. Uáfuenta ómoína dáitícue, ua due omoi ínoiadi iere juáredifuenta finórediomoi. Omoi ínogafue mostaza iji jamánomo dúena izoide íadi, áfedo iere juáredifuenta fínoitíomoi. Bie áillue caifóneduna “Oni jai” o daiíadi, afedu oni jíainomo jáite. Uáfuenta omoi ínoiadi, jánaideza finónide raa ómoimo íñeite.

21 Mei íadi bie izoide fiénide jóriaí dama cai güíllena güíñeno fímairillado íemo jíái Juzíñamuimo cai úrillado jino orérede.

Jesús nane ie tílle dáanomo jino llote

(Mr 9.30-32; Lc 9.43-45)

22 Galilea éniado íaioi macácailla llezica, Jesús ie llófuegamacimo ie tíllifuenta íaioimo llote; daide:

—Nanoide ìima Jitódicueza, nairai duere finóllena uillícue.

²³ Afe mei cuena titaitiaioi. Mei íadi daruíamani ìllamona meine abido cáadimiena íitícue, —daide. Aféfuena cacáillano iere zúucaidiaioi.

Juzíñamuimo gairíracomo dúide úcube Jesús ibade

²⁴ Jesús naa ie llófuegamaciri Capernaum jófuemo dúcidiaioi. Dúcina llezica, Juzíñamuimo gairíracomo dúide úcube jicáfiredino Pédro mo jicánuaidiaioi:

—¿Omoi llófueraima afe raiñoca úcubena íbaiñete? —jicánotiaioi.

²⁵ Jira Pedro:

—Jii, íbaite, —daide. Afe mei Pedro jofo jailla llezica, Jesús fueñe Pédrone daide:

—Simón, ¿ómona nñe izói cíoide? Bínie illaini ¿nñe comínimo úcube jicáfirediaioi? ¿Meita dani ie comínimo? ¿Mei jíáífodo jicánemacimo? ¿Nñe comínimo? —daide.

²⁶ Jira Pedro:

—Jicánemacimo, —daide.

Iemo Jesús íena daide:

—Ie jira dani ie comini íbánidiaioi. Iemona afe ailli omo íaioi jicaca raiñoca úcube íbánidícue, ¿ero ua? Jii, íbánidícue.

²⁷ Mei íadi bu cai íciñeillena, áfena íbaitícue. Ie jira jóraimo jaillano fácuai. Fueñe riábite chamu o oíri. Otá ie fue eromo daa úcubetuni báitioza. Afe úcubetuni cócomo jicaca úcube záitaiteza. Afétuni uano afémacimo o ibari, —daide.

18

¿Ñie come iere jamánomoina?

(Mr 9.33-37; Lc 9.46-48)

¹ Aféruido ie llófuegamaci dáanomo gairíllano Jesumo jicánotiaioi:

—Monamo ite Juziñamui illáimana illáruimo ¿ñie come iere jamánomoina? —daidíaiioi.

² Afemona Jesús daa jíiza uáiduano íaiioi cígiri naidánete.

³ Daií ñiano daide:

—Uáfueña ómoina daidícue, omoi illafue jamai comécina mánairede úrue illa izói méidoredíomoi. Afe izói omoi íñenia jaca monamo ite Juziñamui illáimana illánomo jofo jáiñeitíomoi.

⁴ Mei íadi bie úrue izoide dama ie abi jacire maméñedimie monamo ite Juziñamui illáimana illáruimo jamánomoidimie. Iemo daje izói bie nífuenide úrue illáfueña dama ie illáfueña méidotimie, afémie jamánomoina.

⁵ Daa come cue mámecido bie izoide dúeza llínoiadi afémie ja dáaruído cuena llínote.

Fiénidifuomo come baiílla iere jacírede

(Mr 9.42-48; Lc 17.1-2)

⁶ Ñie come daa bie izoide cuemo ínote dúeza fiénidifuomo baiítaiadi, afémie jamánomo duere finórede. Monáillaji iere afóredinomo ie cimoi mo áillue nofici cuinada dotalle baimo ñuera.

⁷ Jiáie comínina fiéni finótaoicaidino jñi dúerenal! Oni nibéfodo fiénidifuomo baiítifuiái jaca ífirede; mei íadi afémie afémaci fiénidifuomo baiíta ícoñia afémie jñi dúerenal!

⁸ Iemona, o finócafuedo oni nibéfodo fiénidifuemo o baiíadi, dama o onoi jáitaja izói, afefue finuana fáicanocairi. Daje izói ninó o jáillado fiénidifuemo o baiíadi, dama o idai jáitaja izói, afénomo jáillana fáicanocairi. Mei júbene onoi diga daje izói júbene idai diga izói o íllana zíñona illínomo o jáiadi iere ñuera, mei íadi nágafezi diga, comini duere finólliraimo o baiíadi iere figóñede.

⁹ Daje izói minícamo o eróillamona fiénidifuemo o baiíadi, dama o uíji cuerónota oni jica dota izói, áfeniaino eróillana fáicanocairi. Mei júbene uina fiidimie zíñona illínomo o jáiadi jamánomo ñuera. Mei íadi mena ui diga comini duere finólliraimo o dotábiadi iere figóñede.

*Oveja oni féirailla izoide rafue
(Lc 15.3-7)*

¹⁰ Bie úruiaimona daaza jámairuiñeno omoi iri. Mei ómoína daidícueza, afémacimo uíñote Juzíñamui abí imaci, monamo ite cue Moo uiécomo jaca ífirediaioiza.

¹¹ Mei Nanoide fima Jitódicueza, oni nibéfodo féiraitino jíllotaibiticue.

¹² Omoimona ¿niie izói comeci facádiomoi? Daa cómemo cien diga ovéjaiai ia, íemo afémacimona daa oveja féiraiadi, afémie afe noventa y nueve diga ovéjaiai ie cirínoracomo fiénocaite, afe féiraite oveja jénuaillena.

¹³ Afe féiraite oveja bailla llezica, áferi afémie jamánomo ióbide. Ua nana jáíe noventa y nueve diga féiraiñede ovéjaiai baimo, afe baiga féiraitimieri jamánomo ióbide.

14 Afe izói monamo ite Moo Juzíñamui bie dúezaiaimona jaca daa féiraitacañede.

*Cai ámatiaimona dámie omo fieni íadi, afémiena caimare uáidorediomoí
(Lc 17.3)*

15 O ama omo fieni úriadi, uái daií jaillano dama afémiemo úrizairi; afémie fieni illa afémiemo ñue lloiri. Afémie áfena náfueiadi, ja afémiena ñue cáimacaitadio. Afémie diga ñue nabáiritio.

16 Mei íadi afémie áfena náfueñeniadi o uai nábitena mena come jíiriri. Afe mei afémiemo úrizairi, mei afémiemo nana nitácafuiái mena come nibai daámani come uai nabáifirenado záitarede.

17 Mei íadi afémie afémacimo cácareacañenia, Juzíñamuina ínote aillo dáanomo gairídino lloiri. Iemo afémie afémacina nai náfueñenia mai afémie Juzíñamuimo ínoñediemiema omoí mameri. Daje izói gobierno raiñoca úcube íáirede jícafiredinona omoí jámairuia izói afémiena omoí jámairuigamiema mameri.

18 Uáfueña ómoína dáititue, bíniemo nana omoí féitañega jíáimaci fiénidifuiái, daje izói monamo féitañega. Iemo jíáfodo bíniemo omoí féitaga jíáimaci fiénidifuiái, afe izói monamo féitaga.

19 Nane dáanomo ómoína dáititue, ómoimona ménamie bie éniemo dájena mamedá Juzíñamuimo jícaadi, monamo ite cue Moo ómicoí jíca izói fínoiteza.

20 Mei mena come, nibai daámani come cue mámedido dáanomo gairíadi, afénomo afémaci cígimo iticue, —daide.

21 Iemo Pedro Jesumo jícanote:

—Cai Ocuíraima, cue ama cuemo fienu ítena ¿dígacaiño caimare íena uáidoredicue? ¿Meita siete dígacaiño caimare íena uáidoredicue? —daide.

²² Jira Jesús uai ote:

—Siete dígacaiño daiñedicue. Mei jiáifodo jamánomo aillo dígacaiño íena caimare uáidoredio. Uafue jaca ninomo o ámana caimare uáidoredio, —daide.

Caimare uáidoiacañede táijitafiregamie izoide rafue

²³ Jesús nai úrioicaide; daide:

—Ie jira monamo ite Juzíñamui illáimana illirui bíniemo ite illaíma finócafue izoide. Aféllaíma nana ie táijitafiregano íemo ibáacaga raana záitaiacade.

²⁴ Afe záitalle táinia mei daa táijitafiregamie illáimamo atídiaoí. Afémiemo jamánomo aillo iballe ite.

²⁵ Mei íadi afémie úcubenide. Ie jira ie ocuídímie daide: “Mai bímie, ie ai naa ie úruiai riire ocuífirellinona feca, cuemo dúide ie ibárega raa záitalleza,” —daide.

²⁶ Iemona afe táijitafiregamie ie ocuífiredímie anamo dújullano íemo izire jicade: “Cue Ocuídímie, cuemo járitaño. Fíaicana nana omo íbaiticue,” daide.

²⁷ Iemo afe ocuídímie afémiemo dúecaide. Dúecaillano afémie ibárega raa íbátáñede. Afe llezica ja afémienu rairuíño macátate.

²⁸ Mei íadi afe táijitafiregamie oni jailla llezica, jiáie afémie izoí táijitafiregamie baizájide. Afe táijitafiregamiemo fuéñeidímie mo íbállena due ite.

Ie jira ie cimoi llínota íena títaite izói finode. Afe llezica daide: “Mai cuemo ibárega raa iba,” daide.

²⁹ Iemona ie llaitádimie anamo dújullano íemo izire jicade: “Cuemo raire járitaño. Fíaicana nana omo íbaiticue,” daide.

³⁰ Mei íadi afémie áfena náfueño llavéracomo íena llavétate, ie ibárega íbañelle dino.

³¹ Jáie táijitagano áfena cíoillano, iere zúucaidiaoi. Iemona nana afe llezica íficaillafuena íaioi ocuídímie mo lluájidiaoi.

³² Iemona ocuídímie nanóidímiena jírítade. Jírillano íena daide: “Iere fiene táijitafiregamiedio. Mei izire cuemo jicádoza, nana cuemo o ibárega raana dínó fáicanocaidicue.

³³ Omo cue dúecailla izói, daje izói o nabaimo dúecairedio,” daide.

³⁴ Afe jira afe ocuídímie iere ríicaide. Ríicaillano ie nabaimo dúecañedímiena riire duere finótate, nana ie ibárega íbañelle dino.

³⁵ Bie izói dáinado Jesús ie úrillana záitate. Daide: —Ella dígamie comécido ñue ie ámana uáidoñenia monamo ite cue Moo afe izói ómoina duere fínoite, —daide.

19

Íma ie ai dótajado Jesús lletade (Mr 10.1-12)

¹ Jesús bie uaido úrilla méifomo Galilea éniemona jaide. Jaillano Jordán imani ruícafellemo ite Judea éniemo dúcide.

² Díga comini Jesudo jailla, íemo afénomo aillo iráredinuiaina jíllotate.

³ Afe mei fariséuaimona dámerie Jesús zanóllena facátaibitiaioi. Afémiemo jicánotiaioi:

—¿Meita daa come ie áina fia come comeci dáinamona dotárede? Afe izoide ¿meita rairuírede? —daidíaioi.

⁴ Jira Jesús uai ote:

—¿Jaiai Juziñamui Cuegáuaina facádoñediomoi? Afénicomo bie izói llote. Fueñe comini comuitatimie ringo iima diga finode.

⁵ Nane dáanomō daide: “Bie izóidemonā dáamie ie moo ie ei diga fáicanocaitē, afe ie ai diga dájena íaillinoi íllena. Iemonā afe íaillinoi daade come izói íite.”

⁶ Afemonā ménañedeza, daade come izoide. Ie jira jae Juziñamui daade come finócaza, comini oni eneno dotánide, —daide.

⁷ Mei jira jicánotiaioi:

—¿Iemo nibái mei Moisés lloga uaimo áina dotárede daide? Dótaitimie ie dotaca aimo cuegábena írena. Afébena aféngomo íllano, afémie aféngona dotárede, —daide.

⁸ Jira Jesús íaioina daide:

—Mei afe omoi comeci ínoacañenamona Moisés omoi ai dotállena rairuíñede. Mei íadi nanómonā daíí mámeñega.

⁹ Cue ómoina dáititcūe, daa come ai jiruíreiñeniadi dotáadi, jíaie ringo óiadi afémie fiénide jiruífue finode. Daje izói oni dotácango otímie jiruífue finode, —daide.

¹⁰ Iemonā ie llófuegamaci íena daidíaioi:

—Mei o lloga ringo iima nabaina jaca íadi, ua ráfueza, ¿meita áireiñeno fia cai jáicaille iere baimo ñuera? —daidíaioi.

¹¹ Jira Jesús íaioina daide:

—Nana comini bífuena ónonidiaioi. Dama Juzíñamui onótallino bífuena ónoite.

¹² Híñiaimona dáamierie áina ónidiaioi. Dáarie fiēni jocóinamona áina ónidiaioi. Jiáimiai cominimona finócari áina ónidiaioi. Iemo jiáimiai Juzíñamui illáimana uai llócaillena jaca áina oñédiaioi. Bie uai jeire óredimie jeire óiteza, —dinori Jesús úrite.

*Jesús úruiai ñue íllena finode
(Mr 10.13-16; Lc 18.15-17)*

¹³ Afe mei úruiai Jesumo atídiaioi, ie onoi afézaimo bitano afémie Juzíñamui afémacido úrillena. Mei íadi ie llófuegamaci úruiai atídino rairuide.

¹⁴ Mei jiáifodo Jesús daide:

—Dama úruiai cue dine bíteza; afémaci rairuíñeno omoi iri. Mei monamo ite Juzíñamui illáimana illáruimo jáitino bie úruiai izóidiaioi, —daide.

¹⁵ Jesús afe úruiaimo onoi bitano íaioina ézicite. Eziciano oni jiáigobemo jaide.

*Ráarede jitócome Jesús diga úrilla
(Mr 10.17-31; Lc 18.18-30)*

¹⁶ Iemo jiáiruido daa jitócome Jesumo úrizaibite. Dúciillano íemo jicánote:

—Ñuera llófueraima, ziiñona cue illino cue maiñóllena ¿nie ñúefue fínoitícue? —daide.

¹⁷ Jesús íena daide:

—¿Nibái mei cuena ñúemiedio daidio? Dama Juzíñamui ñuena. Abi diné jiáie ñúemiena íñede. Mei jiáifodo ziiñona illínomo o jáiacania, Juzíñamui cai ocuilla uai jeire o oíri, —daide.

18 Jira afe jitócome íena daide:

—¿Nee mei aféuai? —daide.

Jira Jesús afémiena daide:

—Jiáimana titáñeno iri. Jiruíreiñeno iri.

Meríriñeno iri. Jiáie cómemo taino lloñeno iri.

19 O moo o ei diga caimare jacírui. O abina o izíruilla izói, o jiáie cómena o izírui, —daide.

20 Jira afe jitócome íena daide:

—Nana bífuiaina jízananomona jeire oticue.

¿Afe baimo nifue nai cuemo fiébilla? —daide.

21 Jira Jesús íena daide:

—Nífuenino comécina jaícina jóidimie o íacania, mai jaillano omo ite ráaniai o fecari. Fécano afe iba úcube dúeredinodo fecari. Afemona monamo ite zíñona ráifide raa óiena íteza. Afe nana o fecalle mei, mai cuedo bi, —daide.

22 Mei íadi afe jitócome Jesús daí dánana cacáillano abido zuure jaide, mei afémie iere ráaredeza.

23 Iemona Jesús ie llófuegamacina daide:

—Uáfuena ómoína dáitícue, iere aillo ráaredimie mei íadi ie ráaniaina cue baimo afémie izíruiadi, iere féirede Juzíñamui illáimana illíruiamo jáillena.

24 Nane dánomo dáitícue, caméllona mameide áillue rille eedo uífodo enéfemo jailla juánide, mei jíáfodo aillo ráaredimie Juzíñamui illáimana illíruiamo jaille iere juárede, mei ie ráaniai cue baimo afémie izíruiteza, —daide.

25 Ie llófuegamaci áfena cacáillano iere fáigacaidiaíoi. Iemo dani jofo conímaíaimo jicánotiaíoi:

—Iemona ¿níimie jíllorede? —daidíaíoi.

26 Jesús íaioimo eróicana daide:

—Comínimona bie izóidifue finónide, mei íadi Juzíñamuimona nana finórede.

27 Iemona Pedro íena daide:

—Cai Ocuíraima, caimo ite raana nana fiénocaillano odo ja jáidicai. Iemona mei ¿minica máiñoiticai? —daide.

28 Jesús íaioina daide:

—Uáfuenta dáititue, uire jiáiruido naga ráfuiái cómfuíaína jáite. Aféruimo Nanoide íima Jitódicueza ebírede illaíma ráíiranomo ráititue. Afe llezica omoi cue diga jáicana jira, doce dígade illaíma ráíiranomo ráitíomoi. Afénamona doce dígade Israel náiraíai ñue jaícina jicánoitíomoi.

29 Iemo cue ícoínia naga jofona fiénocaidimie, daje izói ámatíai naa ie móotíairi fiénocaidimie, daje izói naa úruíairi fiénocaidimie, íemo jiái ie illano zóofenocaidimie, afémaci cien dígacaiño íbálliaíoi. Daje llezica afémaci zíñona illínona máiñoitiaíoi.

30 Mei íadi biruí aillo uícoficaidino aféruimo óodaficaite. Daje izói biruí aillo óodaficaidino uícoficaitiaíoi.

20

Jírícoremo oreca táijiraini izoide rafue

1 Monamo ite Juzíñamui illáimana illírui jírícore naama finoca izoide. Afémie jítiramo raire ie táijiramaci jénuaide, ie jírícue óllena.

2 Afémie ie táijiramaci íballena afémacimo jaícina llote: “Daarui táijina íba dieze úcube illa dígamiemo íbaititue,” daide. Daí dainano ie jacáfaimo táijillena orede.

³ Afe mei jitoma nuévemo ítemo oni gairíranomo jíáie táijitino jénuaide. Afe gairíranomo dáarie táijiñeno itino baite.

⁴ Iaioina daide: “Mai batí cue jacáfaimo táijizairi. Nauife dibénemo ómoimo ñue íbaiticue,” daide. Iemo afémaci dinomo táijizaidiaioi.

⁵ Afe jacafai naama jitoma jaíciri ítemo meine nane jíáie táijitino jénuaide. Daje izói nane nauife dibénemo jénuaide.

⁶ Iemo nane ja nauízaidemo ocuídime gairíranomo jíáie táijitino jénuaide. Dinomo jíáie táijiñedino baizájide. Iaioina daide: “¿Níbái mei omoi nágarui táijiñeno benó ífirediomo?” daide.

⁷ Jira afémaci íena daidíaioi: “Mei bu caina táijitañede,” daidíaioi. Iemona afémie íaioina daide: “Omoi daje izói cue jacáfaimo táijizairi. Iemona ómoimo dúide dieze ñue íbaiticue,” daide.

⁸ Ja nauídemo, jacafai naama táijitagano úiñotimiena daide: “Mai táijidino dáanomo uáiduano iba. Iirainomo jáidino fueñe ibari, íemo nano fueñe jáidino méifodo ibari,” daide.

⁹ Iemona nauízaiacademo jáidino dúcidiaioi. Afémacimona illa dígamie ñue íaioi táijina iba llíinotiaioi. Daa denario daina úcube illa dígamie llíinotiaioi.

¹⁰ Afe mei nano fueñe táijizaidino ducina llezica, “Jíáimaci baimo aillo úcubena llíinoiticaí,” daí comécido facádiaioi. Mei íadi nana illa dígamie dájerize daarui táijina iba dieze úcube llíinotiaioi.

¹¹ Ucube llínua llezica, ocuídime mo ríicaidiaioi.

¹² Iena daidíaioi: “Bie írainomo dúcidino daa

hora táijidiaioi. Mei íadi daa cai o íbaze íaioina íbádio. Cai náamonaze uzíredemo táijidicai,” daidíaioi.

13 Mei íadi afe ocuídímie íaioina daide: “Omoi cacai. Omoimo fiñi íñédicue. Fueñe cai úrilla llezica ¿ómoimo dáaruina táijina íba dieze úcube íbaiticue daíñédicue? Jii, daidicue. ¿Afe llezica áfena jíeruiñediomoi? Uáfueza, jíeruitiomoi.

14 O táijina íba llínota, mai jai. Bie íraínomo dúcidinona daa o cue íbaze íbáacadicue.

15 ¿Meita cue úcube cue dotáacana dieze dotánidicue? ¿Meita jíáimie cue dúecaillano aillo cue fécarí úradoidio?” dinori ocuídímie úrite.

16 Afe izói fueñeidino óodaficaitiaioi, íemo jíái óodaidino uícoficaitiaioi. Mei uafue, jíirigano aillo íte, mei íadi nízécano dúemaci, —dinori Jesús daide.

Jesús nane dáanomo íe táille llote

(Mr 10.32-34; Lc 18.31-34)

17 Jerusalén íodo Jesús jailla llezica, doce dígade íe llófuegamaci bai eneno uillano daide:

18 —Birui omoi ciona izói Jerusalemo jáidicai. Daje izói Nanoide fima Jitódicueza onódiomoi. Afénomo lletáriraini illaíma, naa ocuica uai llófueraini cue titállena mámeitiaioi.

19 Mámiano onínemacimo cuena fécaitiaioi, cue íaioi jífánodoillena. Daje izói ráziaido cuena fáitiaioi. Afe mei cuena cruzmo córaitiaioi. Mei íadi daruíámami íllemona meine abído cáadímiena jáitícue, —daide.

Santiago Juan díga íaillínoí íi Jesús díné daa rafue jícánuaíbite

(Mr 10.35-45)

20 Afe mei Santiago Juan diga íaillinoi ei Jesuna daiízaibite. “Mai cuemo dúcairi,” daide. Bíaillinoi moo Zebedeo. Afengo naa afe íaillinoiri Jesús anamo dújuzaibitiaioi.

21 Jira afémie aféngona jicánote:

—¿Minica óiacadio? —daide.

Jira afengo daide:

—Ílláimana o illíruimo dúcille llezica, cue jitó íaillinoimona dáamie o nabézimo rainari, íemo jíáimie o jarífezimo rainari, —daide.

22 Jira Jesús íaioina daide:

—Omoi cuemo jicaca raana nai figo onóñediomoi. ¿Meita duere cue zefuille izói zefuírediomicoi? Cue duere íaioi finolle izói ¿meita ocuírediomicoi? —daide.

Jira afe íaillinoi: —Jii, —daide.

23 Iemona íaillinoina daide:

—Iere uáfueza. Duere cue zefuilla izói duere zéfuitiomicoi. Daje izói cue duere íaioi finua izói afe izói duere finólliomicoi. Mei íadi cue nabezi, cue jarífezimo ómicoi ráinaille cue daiínidicue. Dama cue Moo uícodo mamécamie ráirena, —daide.

24 Jíáie diez dígade ie llófuegamaci afe jicánuana cacáillano, afe íaillinoimo ríicaidiaioi.

25 Iemona Jesús dánomo nana íaioi uáiduano daide:

—Onódiomoiza náiraiái illaini íaioi úiñogana ocuífirediaioi. Iemo íaioimona iere ocuídillaini afémacimo ite ríinodo iere jacire ocuífirediaioi.

26 Mei íadi omoi cígiri daií íñeite. Mei jíáfodo ómoimona jamánomoidimiena íacadimie, omoi anamo tájidimie izói írede.

27 Daje izói ómoimona uícofiacadimie omoi riire ocuícamié izói írede.

28 Afe izói Nanoide ñima Jitó omoi cígimo ite. Mei jii, jiáimaci cuena canóllena biñédicue, mei jiáifodo nana comini cánuaiibitícue. Uafue aillo comini íaioimo ite fiénidifuiái oni dóllena tízaibitícue, —dínori Jesús úrite.

*Jesús mena uínidimie jíllotate
(Mr 10.46-52; Lc 18.35-43)*

29 Jesús naa ie llófuegamaciri Jericó jófueмона jino jailla lezica, diga comini afémiedo jáidiaioi.

30 Jáidiaioimo afe io abimo mena uínidimie ráidiaillinoi. Ja Jesús afe íaillinoi abido jáizaillana cacádiaillinoi; cacáillano riire daidíaillinoi:

—Ocuíraima, jaiai illaíma Davidmona comuítagamié mai cócomo dúecai, —daidíaillinoi.

31 Jira comini íaillinoína rairuídíaioi. Afe íaillinoína, “Uriñeno, llícai,” daidíaioi. Mei íadi afe íaillinoi llícaiñeno jamánomo caillíoidiaillinoi:

—Ocuíraima, jaiai illaíma Davidmona comuítagamié, mai cócomo dúecai, —daidíaillinoi.

32 Jira Jesús mózide. Mózillano afe íaillinoi jírrillano jicánote:

—¿Ñie izói jitáidiomicoi afe izói ómicoi cue finóllena? —daide.

33 Jira afe íaillinoi uai ote:

—Ocuíraima, cióacadíco, —daidíaillinoi.

34 Jira Jesús afe íaillinoimo dúecaillano, íaillinoi ui jetade. Jeta lezica ñue ciódiaillinoi. Afe mei Jesúsóri jáidiaillinoi.

21

Jesús Jerusalemo jofu jai

(Mr 11.1-11; Lc 19.28-40; Jn 12.12-19)

¹ Ja Jerusalemo áinozidiaioimo, Betfagé duera jófuemo dúcidiaioi. Afe jofue Olivo daina idu áinori ite. Afénomona Jesús ie llófuegamacimona ménamie orede.

² Oriano íaillinoina daide:

—Baie ómicoi uícomo ite duera jófuemo ómicoi jai.

Aféno mo cuinaca búrrana cíoitioicoi, naa ie úrue diga. Afe zuitada cuemo atiri.

³ Afénomo comini jíáfodo dáiiadi, “Cai Ocuíraima jítaillano jíacaza; bie búrrana raire abido omo óreite,” daíri, —Jesús daide.

⁴ Bífuiái íficaide jaiái Juzíñamui uai llóraini cuela uai ñue ícoimo fuitállena. Afe uai daide:

⁵ Jerusalena mameide jofue comínina daíri:

“Ero, o illaíma comécina mánaidimie izói billa.

Burra emódomo ráicabite.

Afe méere de raa abífirede burra úrue emódodo bite,” —daide.

⁶ Afe mei ie llófuega íaillinoi jaillano Jesús íaillinoi ocuilla izói finódiaillinoi.

⁷ Afe burra naa ie úrue atídiaillinoi. Atiano íaioi inícuirona afe búrrana jobé diaioi. Afe mei Jesús afe emódomo ráinazaide.

⁸ Afe llezica aillo comini Jesús jáillao inícuirona jobé diaioi. Jáímaci rafóruai jáitajano íemo jobé diaioi.

⁹ Dáarie Jesús uícodo jáidiaioi; jíáímaci óodana jáidiaioi. Nana daje izói riire úritiaioi:

—Jaiái illaíma Davidmona comuítagamiemo ñúfue mai cai daíilli. Juzíñamui mámecido bitímie

caimare íteza. Juzíñamuimo ebíredifue cai mamelli,
—daidíai0i.

¹⁰ Jesús Jerusalemo jofo jailla llezica afe jofue
comini diga rafue júfidotia0i. Diga comini afémie
dibénedo jicánotia0i:

—¿Bie bu? —daíízitia0i.

¹¹ Jira jiáimaci daidíai0i:

—Bímie Galiléamo ite Nazaret jofue ímie. Afémie
Jesús, Juzíñamui uai jino llóraima, —daidíai0i.

*Jesús Juzíñamuimo gairíraco ráfua izóí ñue finode
(Mr 11.15-19; Lc 19.45-48; Jn 2.13-22)*

¹² Afe mei Jesús Juzíñamuimo gairíracomo
jofo jaillano, afecho eromo ite ráaniai fecádino
naa íbároidinori jino jiude. Afénomo ite úcube
méidofiredino táijinabani Jesús oni cáicoide. Daje
izóí fíicirillai fecádino íai0i ráiracuai Jesús oni
cáicoide.

¹³ Afémacina daide:

—Juzíñamui Cuegáuai daide: “Cue jofo daa
cuemo úrifireracona íte.” Mei íadi bicona
merírifiredino jofo izóí finódiomoi, —daide.

¹⁴ Afe Juzíñamuimo gairíracomo Jesús illa llezica
dáarie únidimíai, naa ídainidino Jesumo bitíai0i.
Afémie afémacina jíllotate.

¹⁵ Mei íadi lletáiriraini illaini, naa ocuica uai
llófuetinori Jesús uaido dáinamona comúdena
cíoillano rícaidia0i. Daje izóí afe gairíraco eromo
ite úruiai Juzíñamuimo caimátailla uai cacáillano
bimaci iere rícaidia0i. Mei afe úruiai daidíai0i:
“Jaiái illaíma Davidmona comútagamie iere
ebíredeza,” daidíai0iza.

¹⁶ Jira bimaci rícaillano Jesuna daidíai0i:

—¿Baie úruiai úrillana cacáñedio? —daidíai.

Jira Jesús íai uai ote:

—Cacádicue. ¿Bie rafue úrilla cúeina uaina facádoñediomoi? Afe jai David daina uai Juzíñamuina bie izói daide:

Uruiai ebire ñúefuena óiena jae rotátatio, —afe daí Jesús íaiimo llote.

¹⁷ Afe mei ie jicánotinona fáicanocaillano Jesús oni Jerusalémona Betania jófueмо íniaide.

*Jesús llizíñede higuera daina amena faidode
(Mr 11.12-14, 20-26)*

¹⁸ Afe jítiramo Jesús meine Jerusalemo bítemo iere jufínaite.

¹⁹ Afe io abiri higuera daina aménana ciode. Jesús afénomo áinozide, afena llizilla riéllena. Mei íadi llizíllajiaina íñédeza, daa ie íbiaina ciode. Mei jira Jesús afe higuérana daide:

—Jaca benómona llízíñeitio, —daide.

Daí daina llezica afe higuera dúide.

²⁰ Ie llófuegamaci áfena cíoillano fáigacaidiaioi. Iemo Jesumo jicánotiaioi:

—¿Ñie izói ite bie higuera amena raire dúilla? —daidíai.

²¹ Jesús íai uai ote:

—Uáfueña ómoína daidícue, ua o íñoiadi daa bie aménamo cue finua izói finórediomoi, íemo jíai afe baimo aillo finórediomoi. Bie caifóneduna “Caifo áijicaillano oni monáillaimo báizai” o daíadi, afe bie caifónedu o uai jeire uano, oni dinomo baízaita.

²² Juzíñamuimo omoi úrilla llezica, ua o íñoia nana omoi jicácana ñue llíñoitiomoi, —daide.

*Illáicomini Jesús ocuífrena ríino jicánotiaioi
(Mr 11.27-33; Lc 20.1-8)*

²³ Afe mei Jesús Juzíñamuimo gairíracomo jofa jaide. Jaillano afénomo llófuemarite. Afe llezica lletáriraini illaini naa judíuai eicomíniri Jesumo jicánuaidiaioi:

—¿Nié ríinodo o raana finófireño? ¿Afe ríino bu mei omo fecaca? —daídíaioi.

²⁴ Jira Jesús íaioi uai ote:

—Cuemo omoi jicánua izói, ómoimo daafue jicánoiticue. Cue jicánolle uai ñue omoi óiadi, bie raa cue fínua ríino ómoimo llóitícue.

²⁵ Mei Juan ¿bu comini báutizallena ocuica? ¿Meita Juzíñamui ocuica? ¿Mei nibái comini ocuica? —daide.

Mei íadi uai oñeno, áfena dani conímamo júfidotiaioi; daídíaioi:

—Juzíñamui ocuica cai daííadi, Jesús caina dáite: “¿Nibái mei afémiena ínoñediomoí?”

²⁶ Mei jíáfodo, comini ocuica, cai daííadi, comínina jacíruiticai; mei nana comini “Juan Juzíñamui dibénedo úrifirede” daídíaioiza.

²⁷ Iemona bie izói Jesuna daídíaioi:

—O jicánoga jaca onóñedicai, —daídíaioi.

Jira Jesús íaioina daide:

—Daje izói bie raa cue fínua ríino ómoimo llóñeitícue, —daide.

Mena jító íaillinoi illa izoide rafue

²⁸ Daíí daina mei, Jesús íaioina daide:

—Bíena ¿nie izói daídíomoí? Daa iima mena jítórede. Iaillinoi moo dámiena daide: “Cue jító, mai cue jíricore illánomo tájizairi,” daide.

29 Afe jító uai ote: “Jáiacañedicue.” Mei íadi afe mei ie comeci jáífodo fácano, afénomo táijizaide.

30 Afe mei afe moo jáíie jitomo úrizaide. Daje izói íena daide. Iemo bie jáíito íena daide: “Jíi, táijizaiticue.” Mei íadi afémie táijizaiñede.

31 Meita bie ménailinoimona ¿ñie jító ie moo jitáinana fínua? —daide.

Jira íena daidíaioi:

—Nanóidimie, —daidíaioi.

Jira Jesús íaioina daide:

—Uáfuena dáititucue, gobierno jicátafirega úcube llínnotino, naa íímamo jiruífiredede ringóniari naa jáíie afe izoide fiénidino Juziñamui illáimana illánomo raire omoi uícodo jáitiaioi.

32 Mei nauí Juan Bautista ñue omoi íllena llófuiaibite, mei íadi áfena íinoñediomoi. Mei jáífodo afe úcube llínoraini naa jiruíredingotiaiari ie dáinana ínotiaioi. Mei íadi omoi baimaçi comeci ífue méiduana ciódiomoi íadi, afémiemo ínollena omoi comeci ítífuiaina méidoñediomoi, —daide.

Fiénide táijinamací izoide rafue

(Mr 12.1-12; Lc 20.9-19)

33 Mai bie jáíie ráfueмо omoi cácarei. Jacafai naama jíricojiai éroide úvaiai rillino finode. Fínuano afeno nágafene cirínote. Cirínuano afe úvaiai zaizíllico finode. Afe llezica caifo jica tígicaco nite nana afe rigániamo ñue rairuíllena.

Afe mei afémie afécaie ie úíñotimacimo fecade, ie biñena dino. Afe dígamona íemo íbádiaioi. Daíí fécano afémie jáíie éñiemo jaide.

34 Afe mei úvaiaí llizille llezica, ie ocuífíregano orede, náamamo dúide dibene jicállena.

35 Mei íadi afe táijidino jacafai naama orécano llaitádiaioi. Lláitano dáamiēna rázido fatíaioi. Jiáimiena titádiaioi, íemo jiáimiena nófiēna níjidiaioi.

36 Ie mei jacafai naama nane jiáie ocuífíregano orede. Nano fueñe ória baímo orede. Mei íadi afénomo táijidino daje izóí nane nana afémacina fiēni finódiaioi.

37 Iirainomo afe jacafai naama ie jitó orede. “Afémiena nibai caimare náfueitiaioi,” daide.

38 Mei íadi naama jitó bíllana cíoillano afe táijidino conímana daidíaioi: “Bímie bie énie uire máíñoitímie. Mai cai falli. Afe mei bie énie dani cáieiteza,” daidíaioi.

39 Afe mei afe jitó llaitádiaioi. Lláitano jacafai baímo uillano íēna titádiaioi.

40 Mei jira Jesús jicánote:

—Afe jacafai naama billa llezica, afénomo táijidinona ¿niē izóí níbaite? —daide.

41 Jira íēna daidíaioi:

—Afémie afe táijitatinomo dúecaiñeno íaioina títaite. Afe mei jiáie ñue táijidinomo ie énie nano íanori fécaite, mei náamamo dúina dieze llizíllaji raire afémiēmo izájifireitiaioiza, —daidíaioi.

42 Jira Jesús daide:

—¿Cue dibénedo Juzíñamui Cuegáuaina jaca facádoñediomoi? Aféuai bie izóí daide:
Jofo níraini jámairuillano oni fádoica jáillirai ja ñuera jáillirai izóidēna jaide.
(Bie daíacade comini jámairuillano ruifíruigamie ja ñuera jica jalleide illáimana jaide.)

Bie cai Moo Juziñamui finoca.
Afe fue iere caimo ebire cacaide.

⁴³ Mei íadi ómoína daíticue, Juziñamui illáimana ómoimona oni bairolle. Afe mei Juziñamuimo duide dibene ízaifredinomo ie illáimana fécaite.

⁴⁴ Iemo afe nofici dainámiemo éicitaitimie niné tibérotaita. Iemo afe nofici jáimiemo baiñadi jízefo izói afémiena fínoite, —daide.

⁴⁵ Lletáriraini illaini naa fariséuairi Jesús afe izoide ráfuiái llúana cacáillano daidíaiói, “Afémie ico caido úrite,” daidíaiói.

⁴⁶ Iemona afe Jesuna llaitáacadiaíói, mei íadi comínina jacíruillano llaitáñediaíói. Mei nana comíni, “Jesús Juziñamui dibénedo úrite,” daidíaióiza.

22

Airena llezica finoca ráfuego mameca uai

¹ Jesús nane dáanomo úrizaide. Afémie jáífuego mameca uaido úrizaide. Iaióina daide:

² —Monamo ite Juziñamui illáimana illírui bie izoide. Illaima ie jító áirena llezica rafue fínua izoide.

³ Ie ocuífregano orede, nauí uícodo llogano jíirillena. Mei íadi afe uáidogano bíacañediaíói.

⁴ Ie jira afémie jáíie ocuífregano dáanomo orede. Uáidoganona bie izói daiíri daide: “Íráiziñi güille ja nana ñue uédeza. Farede juráreto fatícueza. Ja nana ñue finócaza. Airena ráfuego mai nana omói biri.”

⁵ Mei íadi áfemo irázillena llogano náfueñediaíói. Afémacimona dáamie ie jacáfaimo jáizaide. Jáímie ie ráaie oni fécajide.

⁶ Jiáimaci illaïma oreca jírízaidino llaítádiaioi. Lláitano íaioina duere finoda titádiaioi.

⁷ Jira afe illaïma iere ríicaide. Ríicaillano ie úiñote fuiríraini orede, ie orécano fatino titállena; afe llezica afémaci jofue jobáillena.

⁸ Afe mei nane jiáie ie ocuífíreganona daide: “Áirenafue nana ñue finoca. Mei íadi fueñe uáidogano fiëni itíaiõiza bínidiaioi.

⁹ Iemona jofue cígido macáraomo omoï jai. Afénomo nana o cíoillimacina iráizizaibiri o daiíri,” daide.

¹⁰ Iemona afe ocuífíregano jino macáraomo jáidiaioi. Jaillano nana íaioi ciónamacina: “Íráizizaibiri,” daidiaioi. Fiénidino naa ñúemaciri nana dáanomo íaioina gairítate. Afemona iráizillico ja comínina oruide.

¹¹ Afe mei afe illaïma ie jíriganona onóillena jofojaide. Iaioïmo eroilla llezica daa áirena ráfuego jítáfíregaroi jítáoiñedimiena ciode.

¹² Jira íena daide: “O áirena ráfuego jítáfíregaroina jítáñeno ¿o nie izói jofobitio?” daide. Mei íadi afémie uai ollíuui ñede.

¹³ Ie jira illaïma güirábanimo tájjidinona daide: “Bímie riire omoï maiíri; maiáno afémie jino jítifomo dotari. Afénomo afémie duere éheiteza, daje izói izírenari murímuriteza,” daií afe illaïma ocuide.

¹⁴ Iemo Jesús nai úrillano daide: Uáidogamací iere aillo ite, mei íadi eneno nizécano dúemaci, —daide.

*Gobierno ibátaga úcube rafue
(Mr 12.13-17; Lc 20.20-26)*

15 Iemona fariséuai Jesús úrilla uai féitaiacadiai*oi*. Féitajano fiénidifue afémiemo jóoneacadia*oi*. Afe izói finóllena dáanomo maméritia*oi*. Afe izói finóllena dáanomo maméritia*oi*.

16 Iemona afémacimo jaináidino, daje izói naa Heródesmo jaináidinori Jesuna daiíllena orédia*oi*:

—Llófueraima, onódicaiza ua rafue daiífiredio. Daje izói Juziñamui diné cai jáillio uáfuea llófuefiredio. Afe llezica comini daináuaimo náfuefinidio. Iemo jino cíoidifuiaina cominimo riire jicánoñedio.

17 Ie jira o comeci dainafue jino caimo lloiri: ¿Romano jamánomoidillaima ibátaga úcube ibádicainia ñuera? ¿Ñibai fiénide? —daidíai*oi*.

18 Mei íadi Jesús afémaci facátamarillana onode. Jira íaioina daide:

—Comeci íáirena mei abina ñue cíoidinodiomoi. ¿Ñibái mei cuena jíitaiacadiomoi?

19 Afe ibátafirega úcubetuni cuemo ácata, —daide.

Iemona daa denario daina úcubetuni atídia*oi*.

20 Afena cíoilano Jesús íaioimo jicánote:

—Afétunimo ¿bu uiéco jana illa? Iemo afétunimo ¿nie come mámecei cúeina? —daide.

21 Ie uai otía*oi*:

—Romano jamánomoidillaima mámecei illa, —daidíai*oi*.

Jira Jesús íaioina daide:

—Jamánomoidillaímamo dúide diga mai íemo fecari. Daje izói Juziñamuimo dúide diga Juziñamuimo fecari, —daide.

22 Afena afémaci cacáillano iere fáigacaidia*oi*. Iena zóofiano oni jáidia*oi*.

*Tiide comini meine abido cáaillena jicánotia*oi*
(Mr 12.18-27; Lc 20.27-40)*

23 Aféruído saducéuaimona dáarie Jesumo úrizaidiaioi. Saducéuai: “Tíidino meine abido cáaiñeite,” daiífirediaioi. Afe daií Jesumo jicánuaibitiaioi:

24 —Llófueraima, Moisés caimo cuetá fiécabemo daide: “Daa come tíia, afémie ama ie fecíngona órede, afémie úruiaí ie tíide ama méifomo comuillena.”

25 Mei nauí cai cígimo siete diga ámaredimiaina ite. Nanóidimie áireillano nai úruenidemo tíide. Tíillano ie méifoide ama afe fecíngo ote.

26 Iemo daje izói afémieri íficaide. Afe mei nane jiáimie daango ote. Afémiemo daje izói íficaide. Daií fiébiñeno nana fuitíaioi.

27 Afémaci nana tíilla méifomo afengo nane tíide.

28 Iemona tíidino meine abido cáailiruimo, mei siete dígamie daango óteza, ¿afengo nie íima aina mámeite? —daídíaioi.

29 Jira Jesús íaioi uai ote:

—Juzíñamui Cuegáuai naa afémiemo ite riínori omoi onóñenamona fiéni úritiomoí.

30 Tíidino meine abido cáailano áinitiaioi. Daje izói jiáinomo íaioi jízaníai iníreitañeitiaioi. Mei jiáífodo monamo ite Juzíñamui abi imaci ízoitiaioi.

31 Mei íadi tíidino meine abido caana dibénedo ¿afe Juzíñamui ómoímo Cuegáuaina facádoñediomoí? Afémie bie izói daide:

32 “Dáaruído Abraham Juzíñamuidicue, naa Isaac, Jacob diga,” mei afémaci Juzíñamui illánomo cáadiaioiza. Mei uáfueza, Juzíñamui tíidino íeñede mei jiáífodo cáadino ie, —daide.

33 Daií Jesús dáinana cacáillano comini ie llófuemarillari fáigacaidiaioi.

*Iere jamánomo ínorega caimo ocuina uai
(Mr 12.28-34)*

34 Fariséuai Jesús saducéuai líicaitajana cacáillano, dáanomo gairídiái.oi.

35 Afémacimona daa ocuica uai llófueraima Jesús facátaiacade. Jira íemo jicánote:

36 —Llófueraima, nana ocuica uáillaimona ¿níuaina jamánomoina? —daide.

37 Jira Jesús daide:

—“O Juzíñamui nana o comécido izírui, naa o joréñori, íemo o ifoci úrillado.”

38 Aquíe uai nana ocuica uáillaimona jamánomoina. Afe uai raire uícodo ínorede.

39 Afe méifoide uai daje izoide. Aféuai daide: “Dama o abina o izíruiilla izói, afe izói o jíáie cómena izírui.”

40 Bie ménade ocuilla uai nana Moisés ocuilla uaillai jillaci. Daje izói Juzíñamui uai jino llóraini llócaiga uai bíemona comuide, —daide.

*¿Mei bu jito Cristo?
(Mr 12.35-37; Lc 20.41-44)*

41 Afe fariséuai nai dáanomo itíái.oi,mo,

42 Jesús íái.oi,mo jicánote:

—¿Crístomo nie izói comécido daidí.oi,mo? Afémie nano ie comuítatimie ¿mei bu? —daide.

Jira íena daidí.oi,oi:

—Afémie Davidmona comuítagamie, —daidí.oi,oi.

43 Iemona Jesús íái.oi,oi,na daide:

—Mei ¿nie izói David, Juzíñamui Ñuera Joreño llúado afémie jitona “Cue Ocuíraima” daírede? David daí daína uai cúeina:

44 Monamo ite cai Moo Juziñamui cue Ocuíraimana daide:

“Bené cue nabézimo o ráiri, o éoigamací cue anáfenolle dino.”

45 Mei David afémiena “Cue Ocuíraima” dáidi, ¿nie izói Cristo Davidmona comúdimiena maméirede? —daide.

46 Daí daina uai buna ónide. Iemo aféruimona jíaie facátalle jicánua uai maméñediaoi.

23

Jesús fariséuaimo naa ocuica uai llófueñinori íaioi fiénidifue llote

(Mr 12.38-40; Lc 11.37-54; 20.45-47)

1 Afe jira Jesús nana comínina naa ie llófuegamaciri daide:

2 —Ocuica uai llófueñiredino naa fariséuairi Moisés ocuica uai jino llóllena mamécaiaioi.

3 Afemona afémaci llógana jeire omoi oíri. Daje izói nana afémaci ómoína dainana náfuerei. Mei íadi afémaci illa izói iñeno iri. Mei comínimo íaioi úrilla izói iñediaioiza.

4 Afémaci comínina iere riire ocuide. Afe íaioi ocuica uaina comini finónide. Mei íadi dani afémaci afe ocuica uaina due jiza jetáacañediaioi.

5 Ñúemaci daíllena nana íaioi finócafuiái comini eróicana taino finóñirediaioi. Daje izói ñúemaci daíllena Juziñamui uai cúeina ozócimo jítajana gáidiaioi. Afe izói afe uai jíaimaci ie ónoimo maitá úicaillena gáidiaioi. Iemo jíai íaioi jíatáfrega árerói fuemo ite ebire cíoillena jíaimaci baimo finórifirediaioi.

6 Iemo ráfuemo íai*oi* güizájiadi afémaci ñuera ráiillinuai jenófiredia*oi*. Daje izói Juzíñamui uai llorácomo íai*oi* jáiadi illaini ráíiranuai jenódia*oi*.

7 Afe izói jino jofue cígimo ite macáraodo íai*oi* jáiadi, comini caimare íai*oi* uáiduana gáidia*oi*. Daje izói “Cai Llófueraimadio” dáinana gáidia*oi*.

8 Mei íadi “Cai Llófueraimadio” daií daiítañeno iri. Mei nana omoi ámatia*i*; íemo jái omoi Llófueraima jaca daade; afémie Cristo.

9 Afe izói bie éniemo buna cue Móodio daiíñeno iri. Mei omoi Moo dáadeza. Afémie monamo ite.

10 Daje izói jáíimacina “O cai Illáimadio” daiítañeno iri. Mei o Ocuídime dáadeza. Afémie Cristo.

11 Omoimona jamánomoidimiena jáíimana canófiredimie.

12 Mei uáfueza, jamánomo abí jacire mamédime jamáimiena jáite. Mei jáífodo abí íinoñeno jiba cómedicue daídime jamánomoidimiena jáite.

13 Ocuica uai llófuetino naa fariséuairi, comécina íairena mei abina ñue cíoidiomoiza, ¡nii omoi dúerena! Mei comini jofo jáíñeillena, monamo ite Juzíñamui illáimana illano nazena íbáífirediomoi. Mei diga Juzíñamui ñue ocuífaiuai lluno, aféfuaiana abido náfueñediomoiza, dani o illafue ñue jáícina jóíñena jira. O lloga iodo uáfueña jáíñedioza. Afe llezica afénomo jofo omoi jáiacañediomoi. Daje izói afénomo jofo jáiacadino rairuídiumoi.

14 Ocuica uai llófuetino naa fariséuairi, comécina íairena mei abina ñue cíoidiomoiza, ¡nii omoi dúerena! Fecíngotiai jofóniai bairófirediomoi. Afe llezica ñúemaci daiíllena comini eróicana

Juzíñamuimo are úrifirediomi. Ie jira omoi jáimaci duere zefuille baimo duere finólliomi.

15 Ocuica uai llófuetino naa fariséuairi, comécina íairena mei abina ñue cíoidiomoiza, jñii omoi dúerena! Nágagobiaido jáidiomi daa come omoi ñnoga uai dibénemo omoi itátallena. Itata mei, afe come omoi baimo fiénidimiena orédiomi. Iemona omoi afémieoiri, comini duere finolle iraimo zíiñona duere zefuillena mamécaomi.

16 Uina cíoiñede io ifódino izóidiomoiza, jñii omoi dúerena! Comínina bie izói daífirediomi: “Daa come iere uafue daiillena, Juzíñamui ico mámece llínoiadi afefue ráañede. Mei íadi afémie afécomo nitaca oro mámece llínoiadi ie daina uai jeire órede,” daidiomi.

17 ¡Abina onóñede únidino izóidiomi! ¿Ñiie mei jamánomoina? ¿Meita afe jamai oro? Ieñedeza. Mei afe oro Juzíñamui icomo jóoniamona ñuera raana jáideza.

18 Nane jáífue daífirediomi: “Daa come iere uafue daiillena, altar daina Juzíñamui íena rille fecárabani mámece llínoiadi afefue ráañede. Mei íadi afémie afénomo fecaca raa mámece llínoiadi ie daina uai jeire órede,” daidiomi.

19 ¡Abina onóñede únidino izóidiomi! ¿Ñiie mei jamánomoina? ¿Meita afe fecaca rille? Ieñede. Afe Juzíñamuimo fecárabani afénomo fecaca raana ñue finode.

20 Mei jñi, Juzíñamui íena rille fecárabani mámece llínotimie daa afe ibani llínoñede, mei jáífodo nana afébanimo fecaca raana llínote.

21 Daje izói Juzíñamuimo gairíraco mámece

llínotimie daa afe gairíraco llínoñede, mei jiáifodo afeco ite Juzíñamui mámecei llínote.

²² Nane daje izói iere uafue daiíllena mona mámecei llínotimie, Juzíñamui illáimana ráirano mámeceina llínote. Daií llínua llezica Juzíñamui mámecei llínote, mei afe Juzíñamui afénomo ráiideza.

²³ Ocuica uai llófuetino naa fariséuairi, comécina nai íairena mei abina ñue cíoidiomoi, jñi omoi dúerena! Nana omoi ríganiamona jamánomo jéenide rábiaina Juzíñamui íena oni jóonefirediomoi. Menta daina jéenide rábiai, naa anis daina dúebiai diga, íemo jiái comino daina rábiai facádota oni eneno jóonetiomoi. Mei íadi ocuica uáimona jamánomo jitáiredifuiaina náfueñediomoi. Afe jitáirediuaí be ñie: come comecei jaícina jóoinana, íemo jiáimaci dúecaifirena, íemo Juzíñamuimo ínofirena. Nai afe jiáifuiái omoi zóofeñena llezica, afe bífuiái raire fueñe jeire órediomoi.

²⁴ Táino omoi llúamona uina cíoiñedino io ifódino izóidiomoi. Ráañede uáillaimo iere izire nícidofirediomoi, mei íadi jamánomoide ñuera uaimo náfueñediomoi.

²⁵ Ocuica uai llófuetino naa fariséuairi comécina nai íairena mei abina ñue cíoidiomoi, jñi omoi dúerena! Mei jiróraco naa plato diga jinófene ñue jocódiomoi, mei íadi afe ero dinena íairede. Daje izói comini cíoicana abi ñue finódiomoi, mei íadi omoi comecei dine merírilla, naa jiáie comini raa báiruamona ógana oruide.

²⁶ Uina cíoiñede fariseo ímie: Mai jiróraco naa plato diga ero jócua izói omoi illafue ñue méidori.

Iemona omoi comeci ñúefuiaina oruúbicaite. Afemona afe jiróraco jinófene íainina izói, afe izói omoi jinófene íainiteza.

27 Ocuica uai llófuetino naa fariséuairi, comécina nai íáirena mei abina ñue cíoidiomoi, ¡nii omoi dúerena! Uzeredena biga ñue cíoide tíidino ráillena nigaco izóidiomoi. Jinófene ebire cíoide mei íadi ero dine tíidino ícuruaina oruide, nana jáífoide íáiredinuai diga.

28 Omoi comeci dine afe izóidiomoi. Comini eróicana jinófenena ñue cíoidinodiomoi. Mei íadi comeci dine jáímacina fiени jífuefirenana oruide, íemo jáíe fiénide uáillaina oruide.

29 Ocuica uai llófuetino naa fariséuairi, comécina nai íáirena mei abina ñue cíoidiomoi, ¡nii omoi dúerena! Mei jaiái Juzíñamui uai jino llóraini raiafo ebire finófirendiomoi. Daje izói jaiái ñue itino emódomo jóonega noñibicina ebire finóndiomoi.

30 Daií fínuano daiífirendiomoi: “Cai jáiaigima illáruillaido itícaínia, afe Juzíñamui uai jino llórainina fatátañedicaí,” daiífirendiomoi.

31 Daií dáinado afe Juzíñamui uai jino llóraini fatino erófene igímadicaí daídíomoi, —daíde. Jira Jesús afémaci diga icírillano bie izói daína:

32 —¡Omoi jáiaigima taineca fiénidífue ñue ícoimo omoi fuitari! —daíde.

33 Jesús nai afémacimo úrite:

—¡Jaióniaí izóidíomoi! ¡Omoi nairai titade jaizai izoide! ¿Mei ñue izói duere finóbille iráimona jíllóitíomoi?

³⁴ Afe jira Juzíñamui uai llóraini, íemo iere baitádino naa llófuefiredinori ómoimo óreitícue. Mei íadi afémacimona dámierie títaitiomoí. Daje izóí jiáimacina córaitiomoí. Iemo jiáimacina Juzíñamui uai lloraco eromo rázido fáitiomoí. Iemo jiáimacina naga jófuiaido rácaitiomoí.

³⁵ Daíí omoí íllamona nana jaiai ñúemaci titáfírena ícoiniadi ómoimo daíí íficaite. Uáfueza, jaiai Abel fáinamona benomo Berequías jitó Zacarías omoí faja llezica, nana afémaci ícoinia duere zéfuitiomoí. Juzíñamuimo gairíracó íemo Juzíñamuimo rille fecárabani dáafenedo afe Zacaríana fatíomoí.

³⁶ Uáfueña ómoína dáitícue, nana bie fagano ícoinia birui itino duere zéfuitiaíoi.

*Jerusalén jófueri Jesús eede
(Lc 13.34-35)*

³⁷ Jerusalén comínimo dúecaidícue. Juzíñamui uai llórainina fáfírediaíoi. Daje izóí Juzíñamui orécanona nófíena níjidiaíoi. Díga icaiño átava ie úruiaí íáicona bícua izóí íaíoiña rídoiacadícue. Mei íadi íaíoi cue ríduana gáíñediaíoi.

³⁸ Cacaí, Juzíñamui ómoína zóofeiteza.

³⁹ Mei ómoína daidícue, meine abído cuena cíofíneitiomoí. “Juzíñamui mámeçido bitímie ñue finóbilleza,” omoí daílle díno cuena cíofíneitiomoí, — díno Jesús úrite.

24

*Juzíñamuimo gairíracó júdaizille Jesús llote
(Mr 13.1-2; Lc 21.5-6)*

¹ Daií daina mei Jesús Juzíñamuimo gairíracomona jino jaide. Jino jailla llezica ie llófuegamaci: “Bie ebire finoca gairíracomo éroi,” Jesuna daidíai*oi*.

² Mei íadi Jesús íai*oi* uai ote:

—¿Bie nana ciódiomoi? Uáfueña ómoimo llóiticue. Bie niroca nófie daa fiébiñeno nana niné jújicaite. Afeno jofue nana niné táinocaite, —daide.

Enie fúiacana cai onuille rafue

(Mr 13.3-23; Lc 21.7-24; 17.22-24)

³ Iemona Olivo daina ídumo jáidiai*oi*. Afénomo Jesús ráinana mei ie llófuegamaci báinino íemo jicánotiai*oi*:

—O daina jofue niné táinocaillifue, ¿niiruído daií zúite? Afena cai llone. O meine billena cai onótaite raa, ¿nie izói eroide? Daje izói énie fúillena ¿nie izói onóiticaí? —daidíai*oi*.

⁴ Jira Jesús íai*oi*na daide:

—Comini omoi jífueiza abí rairuiri.

⁵ Mei diga comini cue mámecido billano “Cristodicue” dáititai*oi*. Afémaci aillo comínina jífueitai*oi*.

⁶ Aillo jobáirillana fidiitomoi. Dáarie áinori cácaitiomoi, íemo jááiena jica cácaitiomoi. Mei íadi áferi jacínaiñeno omoi iri, mei daií íficairedeza. Mei íadi énie fuillíruíñede.

⁷ Mei jii daa nairai jíáie nairai diga fúirite. Iemo daa énie jíáie énie comini diga jobáirititai*oi*. Afe llezica aillo náirai*ai* júbietaititai*oi*, íemo aillo dúicuai íite, íemo ñuizaingo diga ígobai*ina* ñúite.

⁸ Comini duere zefuíllemona nana bífui*ai* como tainéinafue.

9 Afe llezica ómoina duere finólleña fécaitiaioi. Duere finoda ómoina titaitiaioi. Cue ícoinia nana comini ómoina éoitiaioi.

10 Aféruillaído aillo comini Juzíñamuimo ínuana féitaitiaioi. Dani conímana éoitiaioi. Daje izói conímana fállena fécaitiaioi.

11 Afe llezica taino llotino iere íite. Afémaci: “Cai bie Juzíñamui dibénedo úriticai,” dáititiaioi. Afémaci aillo comínina jífuecana uite.

12 Aféruimo diga fiénidifuiái comuállamona, aillo comini conímana izíruillana féitaitiaioi.

13 Mei íadi fuitállinomo ñue nífuenino íitimie jíllóite.

14 Iemo afe bie Juzíñamui illáimana illano ñuera rafue nágagobiaído llóitiaioi, nana náiraiaí áfena onóillena. Afe mei énie fuillíruimo dúciite.

15 Jaiaí Juzíñamui uai jino llóraima Daniel, íirairuimo biite iaire fínuaibitimiedo úrite. Afe bíitimie diga ráaniaina táinocaitaite. Afe fiene fínuaibitimie Juzíñamui gairíraco eromo ite rairuírede ñúenomo jáillana o cióadi, jica botáredíomoi. Bíuai facádotimie afe uaina ñue onoiri. Onóillano abí rairuiri.

16 Afemona Judea éniemo itino oni caifóneduaímo botárede.

17 Daje izói daa come ie jofó caifófebanimo íadi, ie jofó eromo ite raana jofó jaillano bairóñeno afénomona bótaiteza.

18 Daje izói jacáfaimo íitimie abido ie jofomo ite ínícuiruaina uáibiñeite.

19 Aféruillaído namócingotiaina, ¡nií dúerenal! Daje izói monoi jirode úrue llíidíngotiaina, ¡nií dúerenal!

20 Nocíruillaído jino o bótañeillena, Juzíñamuimo jicari. Daje izói ocózinaillaruimo o bótañeillena o jicari.

21 Mei aféruimo iere aillo duere zefuállifuiái líteza. Enie comuállanomona bené afe izóidena íñede. Iemo jíái afe méifomo afe izói íñeite.

22 Mei jíi, aféruillai Juzíñamui due mozíñoñedenia buna jíllona. Mei íadi ie nizécanona izíruillano, aféruillaina afémie nano íanori mozíñoite.

23 Iemona dáamie ómoína: “Be Cristo,” daííadi, daje izói: “Cristo batí ite,” daííadi afémiemo íinoñeno omoi iri.

24 Mei Crístona abi mamede jífueridino bíteza. Daje izói afémaci: “Cai bie Juzíñamui dibénedo úriticai,” dáítiaíoi. Afémaci uaido dáinamona áillue comuídena fínoítiaíoi, naa fáigacaitade ráaniaíri. Afedo comínina jífueiacadiaíoi. Dama Juzíñamui nizécanona jífuefillena facátaitaíoi, mei íadi jífuetañeítiaíoi.

25 Ja nana bífuiái uícodo ómoímo llotícueza.

26 Ie jira: “Ero bai batí táizicimo Cristo ite,” afémaci daííadi afénomo jáiñeno omoi iri. Daje izói: “Ero, bico eromo Cristo ite,” daííadi afémiemo íinoñeno omoi iri.

27 Mei ameo fuiri llairilla llezica jica afáifene ícoímo cíocaila izói, afe izói cue billíruí jica cíocaizaíbite; Nanoide íima Jitódícueza.

28 Iemo inóniaí gairízaífirenamona rille rifáillanona ñue omoi onona izói, afe izói abido cue cíocaillemona raire ómoína duere finóllena uáfuena ónoítioíoi.

*Nanoide fima Jitó Cristo billirui nie izoite
(Mr 13.24-37; Lc 21.25-33; 17.26-30, 34-36)*

²⁹ Afe duere zefuillirui záailla méifomo, jitoma dúite. Daje izói fiui égaiñoñeite, íemo jiái ucúduai monámona ana cócitiáioi. Afe llezica nana monamo itínuiái riire mozióide ráaniai niráiricaite.

³⁰ Afe mei Nanoide fima Jitó Cristo bille jana monamo cíocaite. Afena cíóillano nana énie nairai éenaitiaioi. Nanoide fima Jitó Cristo ana billana cíoitiaioi. Afémie mona ero uílliedo bite, naa íemo ite riino naa ebíredino diga.

³¹ Afe mei ie abi imaci óreite, afémaci riire bainada fúullemona nana Juzíñamui eneno nizécano nágafeniaimona dáanomo jíirillena. Iemona jica énie fuédaiaimona, íemo énie enéfeniaimona bíitiaioi.

³² Higuera daina aménamo mamécafuena omoi onoiri. Ie onócairo como fueñe zícua llezica, ja fimona ánozide, daidíomoi. Daje izói afe amena rábiai jino firuilla llezica, ja fimona ánozide daiífiredíomoi.

³³ Afe izói jitoma dúilla, íemo afémonado nana jiáie zuide raa omoi cíóyadi, íirairui ánozillana ónoitiomoi. “Ja dúciacade,” daiífiredíomoi.

³⁴ Uáfuena ómoimo llotícue, bigíma nai tíñeille llezica nana bie raa jino zúite.

³⁵ Mona énie diga fuite, mei íadi cue uaillai jaca fúíñeite. Cue lloga raa nana zúite.

³⁶ Mei íadi cue billirui ónoñega. Daje izói cue bille hora buna onóñena. Juzíñamui abi imaci onóñediaioi. Daje izói Juzíñamui Jitó áfena onóñede. Dama Moo Juzíñamui ónoiga.

37 Noé illáigimamo comini fieni illa izói, afe izói Nanoide hima Jitó billíruimo comini daí ítiaíoi.

38 Aféruillaído aillo noci nai bíñena uíodo, comini Noé llogáuaimo náfueño daa güilla llotíaíoi. Güillano jirófirediaíoi. Afe llezica íaíoi fieni illafue meídoño, áireoidiaíoi, íemo íaíoi jízaníai iníreitaoidiaíoi. Jaca daí itíaíoi abina Noé áillue nocáe eromo jaide.

39 Iaíoi duere zefuíllemo due jiza comeciñediaíoi mo áillue noci íaíoi mo bíide; áferi coróbaizidiaíoi. Nanoide hima Jitó billirui afe izói íite.

40 Aféruimo mena hima jacáfaimo illa llezica, afe íaillinoimona dáamie Juzíñamuimo ínotimie caifo monamo uille, ie mei jíáimie fiébicaite.

41 Daje izói mena ringo trigo lláia llezica, daango caifo uiga, jíáingo fiébicaite.

42 Caade izói abí omoi onoiri, mei cai Ocuíraima billirui ónoñegaza.

43 Mei íadi bífuenta onódiomoiza; jofo naama merírizaíbitimie bíllana onóadi, afémie ie jofo rairuállano iníño cáate. Daí afémie merírizaíbitimie ie jofona tuíñotañeite ie raa meríllena.

44 Ie jira jica ia abí ñue omoi finori. Mei due jiza comeci fácañeitíomoi mo, Nanoide hima Jitó bíteza.

*finofrede ocuífiregamie naa ínofinidimie diga
(Lc 12.41-48)*

45 ínofirede ocuífiregamiemo omoi comeciiri. Afémie ñúefue baitádimie. Ie ocuídimie nana jofo

ero comínina uíñotaite. Güille hóramo dúcia llezica afémie afémacina écaite.

⁴⁶ Naga ie naama ocuícana ñue finófiredimie afémie billíruimo caimare ite, mei ie ocuica ñue fínuana cíoizaibiteza.

⁴⁷ Uáfuenta ómoína dáitícue. Afemona jofo naama nana ie jofo eromo ite ráaniaina afémiena uíñotaite.

⁴⁸ Mei íadi ocuífíregamie fiénidimiena jáiadi, íemo afe llezica: “Cue ocuídímie are bíñeite,” comécido dáidiadi, afe ocuífíregamie jaca ínofínide.

⁴⁹ Daíí daína mei afémie jáíe ócuífíregano duere fínoite. Afe llezica afémie jífáidino díga güizájite.

⁵⁰ Iemo ie ocuídímie billíruimo afémie comécíñeitemo, ie naama dúciite. Daje izói ocuífíregamie ónoñega hóramo dúciite.

⁵¹ Dúciillano afémiena jamánomo duere fínoite. Afe mei comeci diné nai íáirena mei abina ñue cíoidino íere duere zefuilla izói, afe izói afémiena duere zefuítate. Afemona afémie íere éite. Eiano izírenari murímurite, —dínori Jesús úrite.

25

Diez dígade jítáingomo mamécáfue

¹ Jesús nane jíáfue llote:

—Monamo ite Juzíñamui illáimana illírui diez dígade jitaingo izoide. Aféngotíai ínreille ráfue mo jáidiaíoi. Jailla llezica íaíoi mecheraíai uitíaíoi. Ríngo otímie íaíoi uáidollena afénomo jáidiaíoi.

² Afénguaímona cinco dígango finóbiñeno ebena jaide. Iemo jáíe cinco dígango ñue finóbillano jáidiaíoi.

3 Afe finóbiñeno ebena jáidingotiai íaiói mechéraiái fuilla mei méidolle íjina uíñediaíói.

4 Mei jáífodo afe ñue finóbidingotiai íaiói méidolle íjina botéllado uitíaiói jáí íaiói mechéraiáiri.

5 Mei afe ringo otímie are biñenamona, nana jítáingotiai ja iníacadiaíói. Iemona ua iníaidiaíói.

6 Afe mei dáaferui llezica riire uáidua uai cácaaide: “Ringo otímie ja bíteza. Raíre afémie omoi uáiduari,” daide.

7 Afemona nana afe jítáingotiai náidacaillano íaiói mechéraiái unediaíói.

8 Afe llezica afe cinco diga finóbiñeno ebena bitínguai, jáíe cinco diga ñue finóbidingotiaina daide: “Cai mechéraiái ja bóñedeza. Omoimo ite eneno atíca íjimona cai ine,” daidíaíói.

9 Mei íadi afe ñue finóbidingotiai finóbiñedingotiaina daide: “Omoimo fecánidicai. Mei ómoimo fecádicainia caimo fiébiñede. Afe izói ómoimo fiébiñede. Batí fecáriracomo dani jénuaidiomoinia ñuera.” Jira aféngotiai jáidiaíói.

10 Mei íadi finóbiñedingotiai oni aceite íbajilla llezica, ringo otímie dúcide. Afe ñue finóbidingotiai afémie diga áirena ráfuego jofa jáidiaíói. Afe mei afémie naze ibaide.

11 Ibajilla mei aceite íbajidingotiai dúcidiaíói. Dúciillano daidíaíói: “Ocuíraíma, naze caimo tuiño,” daidíaíói.

12 Mei íadi afémie jofona uai ote: “Uáfueña ómoína onóñedicue,” daide.

13 Iemo Jesús nai úrillano daide: Nanoide íima Jitó Cristo billirui ónonideza, iníñeno abí omoi rairuiri. Ie bille mona ónonideza. Daje izói ie dúcille hora

buna ónoñega, —daide.

Talenta daina ráifide úcubemo mamécafue

14 Jesús nane jiáifue llote:

—Monamo ite Juzíñamui illáimana illarui bie izoide. Daa ocuífiredimie oni jiáigobemo jáiacana llezica, ie ócuífirregano uáidota íemo ite úcube afémacina úiñotade.

15 Ocuídímie afémacimona daa cómemo cinco mil úcubetuni fecade. Iemo jiáimíemo mena mil dígatuni fecade. Iemo nane jiáimíemo daa milna fecade. Afémacimona illa dígamie ie ifoci onona dieze fecade. Daií fécajano oni jiáie éniemo jaide.

16 Cinco mil dígatuni igámie, afe úcubena afémie níciduamona, afe baimo cinco mil áfemo bai nabaide.

17 Daje izói mena mil dígatuni igámie afe baimo jiáie mena mil áfemo bai nabaide.

18 Mei íadi daa milna igámie ie ocuídímie úcube oni énie ifomo retáidote.

19 Afe mei, are íllamona afe ocuídímie ocuífirregamíai diné meine bite. Billano íaiói úiñoga úcube onóillena afémacimo jicánote.

20 Cinco milna igámie fueñe billa. Billano afe baimo ie nabaica jiáie cinco mil ie ocuídímíemo izáibite. Izájillano daide: “Cue Ocuídímie, o cuemo iga cinco milna baimo jiáie cinco milna nabáidícueza. Be o diez mil dígatuni,” daide.

21 Jira ie ocuídímie íena daide: “Cue ocuícana iere ínofiredio. Cue ñuera ocuícamedio. Due omo cue fecácana ñue ínotio. Afemona afe baimo jiáiena ona úiñotaiticue. Cue illáimana illánomo mai caimare coco jai,” daide.

22 Afe mei nane mena milna iga ocuífíregamíe dúcide. Afémíe daíde: “Cue Ocuídímíe, mena milna cue itío. Afe bai nane jíáíe mena milna nabáídícue. Be o cuatro mil dígatuni,” daíde.

23 Jira ie ocuídímíe íena daíde: “Cue ocuícana íere íñofíredío. Cue ñuera ocuícamíedío. Due omo cue fecácana ñue íñotío. Afemona afe baimo jíáíena ona úíñotaitícue. Cue illáimana illánomo mai camare coco jai,” daíde.

24 Mei íadí afe mei, daa mil dígatuni iga ocuífíregamíe dúcillano ie ocuídímíena daíde: “Cue Ocuídímíe, o íere ríimíenana onódícueza. O ríñeganomona jaca ófíredío. Daje izói trigo tuiránomo táíjíñeno afénomona trigo ófíredío.

25 Ie jira ona jacíruillano o cuemo iga úcubé éníemo cue retáídoga. Mei íadí o úcubé meine cue atícaza. Be níe,” daíde.

26 Iemona ocuídímíe íena daíde: “Fíénide ocuífíregamíedío. Daje izói ráiraiere de ocuífíregamíedío. Cue ríirenana onódío ía, ¿níbái mei bie izói itío? Cue ríñeganomona cue ófírenana onódío. Daje izói trigo tuiránomo táíjíñeno, afénomona cue ófírenana onódío.

27 Afemona cue úcubé jóoneranomo fecáredío. Iemo meine cue bíllemo afe úcubena naa jíáíe baimo nabáícatuni díga llínoredícue,” daíde.

28 Iemona ocuídímíe afénomo itínona daíde: “Bímíemo íte mil dígatuni otá, afe díez mil dígatuni ofítatímíemo íne.

29 Igámíe nane baimo írega. Afemona afémíemo baimo aillo íite. Mei íadí íñegamíemo due íemo íte meine bairórega.

30 Iemo bie ráifiñede ocuífiregamie jino jítifomo dota. Afénomo éeheiteza. Afe llezica izírenari murímuriteza,” daide. Daí daide Jesús.

Nana náiraiamo izire jicánollirui

31 Jesús nai úrioides: Mei Nanoide Iima Jitó Crístodiceza, illáimana ana cue bille llezica, nana cue abi imáciai diga bíiticue. Billano ebire finoca illaíma ráiranomo ráizaibiticue.

32 Nana nairai comini cue uícomo gairítalliaoi. Afe íaioi bille llezica, ovejai úñoraíma chívuaimona ovéjaíaina oni eneno nízia izói, afe izói Nahí Illáimana cue illemona nana náiraiaina oni enénorie jóoneiticue.

33 Cue nabézimo ovejai izóidino jóoneiticue. Iemo chívuai izóidino cue jarífezimo jóoneiticue.

34 Afe mei cue nabézimo itínona dáititicue: “Cue Moo ñue finócamaci, mai omoi bi. Juzíñamui énie comúitaja llezica ómoiena mameca illáimana illínomo jofo jai.

35 Mei cue jufíruilla llezica, cuena ecádio. Daje izói cue jiróacana llezica cuena jirótatio. Iemo jái jífocinino cue mácaja llezica cuena jofo inítatiomoi.

36 Iemo cue inícuironina llezica cue itíomoi. Daje izói cue dúicotaila llezica cuena uáidotíomoi. Daje izói llavéracomo cue illa llezica, cuena méiñuaibitiomoi,” daide.

37 Iemona cue nabézimo ite nífuenidino cuena dáitiaioi: “Cai Ocuíraíma, ¿mei nírui o jufíruillana cíollano ona ecádicai? Daje izói ¿mei níruido o jiróacana llezica ona jirótaticai?

38 Iemo jíái, ¿mei nñruído o jífocinino o mácaja llezica ona inítaticai? Iemo jíái ¿nñruído o inícuiironina llezica o iticai?

39 Iemo jíáie ¿nñruído o dúicotaila llezica o méiñuaidicai? Daje izói llavéracomo o illa llezica ¿nñruído o méiñuaidicai?” daidíai.

40 Jira Illáima cue íllamona uai óiticue: “Uáfuenta ona dáititue, nana afe bie comécina mánaide cue ámatiamo omoi finócafuiái, aféfuiai ja cuemo finódiomoi,” dáititue.

41 Afe mei cue Illáimana cue ráirano ie jarífezimo itinona dáititue: “Cúemona oni omoi jai. Omoi fiñi faidócanodiomoiza. Comini zíñona duere finolle iraimo omoi jai. Afe irai Taife, nana ie abi imaci diga íena finoca.

42 Mei cue jufíruilla llezica cuena ecáñediomoi. Cue jiróacana llezica cuena jirótañediomoi.

43 Afe izói jífocinino cue jáicana llezica cuena jofo inítañediomoi. Cue inícuiro iñena llezica cuena iñediomoi. Duico cue ua llezica, daje izói llavéracomo cue illa llezica cuena uáiduaibifinidiomoi,” daide.

44 Jira afémaci cuena dáititiai: “Cai Ocuíraima, mei nñruí o jufíruillana ciódicai, daje izói o jiróacanana, íemo jífocinino o macácana, íemo o inícuiro iñénana, íemo o irárenana, íemo llavéracomo o íllana, ¿mei nñruído daíí o íllana ciódicai ia, ona canóñedicai?” dáititiai.

45 Iemona afe llezica íaioina dáititue: “Uáfuenta ómoína dáititue, bie comécina mánaide cuemo jaináidinomona dáamiemo omoi fínoñegafuiaina, aféfuiaina ja cuemo finóñediomoi,” dáititue.

46 Afe mei afémaci zíñona duere finolle iraimo

jáitíai. Iemo Juzíñamui jóonega comécina níifuenidino, caimare zíiñona cáallinomo jáitíai, —dinori Jesús úrite.

26

Jesús llaitállena maméritíai

(Mr 14.1-2; Lc 22.1-2; Jn 11.45-53)

¹ Jesús nana bífuiái llua méifodo, ie llófuegamacina daide:

² —Onódiomoiza benómona ménarui íllamona pas-cua rafue íteza. Aféruido Nanoide Iima Jitó Crístodicueza cruzmo coráillena cuena fécaítíai, —daide.

³ Afe llezica lletáriraini illaini, daje izói ocuica uai llófueraini, naa judíuai eicomíniri dáanomo gairídíai. Lletáriraini caifóidíllaíma Caifás ñúeco ibírímo gairídíai.

⁴ Afénomo Jesús jífuiano llaitállena maméritíai. Afe llezica afémie titállena maméritíai.

⁵ Mei íadi afémaci daidíai:

—Nana comini áferi fáillifáillíñañeillena, rafue ana íena lláitañeíticai, —daidíai.

Ringo zióredijina Jesús ifo jillaide

(Mr 14.3-9; Jn 12.1-8)

⁶ Jesús Betania jófue mo ite. Afémie, chíñaitimíena maméidímie Simón jofomo ite.

⁷ Afe llezica, afénomo daa ringo alabastro daína nofíci finoina icítirudo ziórediji uite. Afeji iere ráífide. Jesús güirábanimo ráina llezica, afengo afe ziórede cáirediji Jesús ifomo totade.

⁸ Ie llófuegamaci áfena cióillano ríicaidíai. Dani conímana daidíai:

—¿Nibái mei áfeji táinomo fáifitaga?

⁹ Afeji aillo úcube óllena fecárede. Afedo oga úcube, dúeredinomo írede, —daídíaioi.

¹⁰ Jesús daíí íaioi úrillana cacáillano íaioina daide:

—¿Nibái mei bie ringo jifánodoi diomoi? Bie ringo cuemo finoca raa iere ñuera.

¹¹ Omoi cígimo dúeredino jaca ífirede, mei íadi omoi cígimo are íñeiticue.

¹² Bie ringo cue abimo totaca ziórede cáiredijina, cue raillínomo dúide. Afedo afengo ñue cuena finode.

¹³ Uáfueña ómoína dáititue, náganomo bie éniemo bie jílloille uai jino llóyadi, bie ringo cuemo finócana jino llóitiaioiza, afémaci aféngomo uíbicaifireillena, —daide.

Judas Jesuna ie éoidinomo fecade

(Mr 14.10-11; Lc 22.3-6)

¹⁴ Afe mei doce dígade llófuegamacimona Judas Iscariote lletáriraini illáimamo úrizaide.

¹⁵ Afémacina daide:

—Jesús ómoimo cue fecálleza, ¿nieze cuemo íbaitiomoi? —daide.

Jira “cuatro fiui táijina iba dieze, omo íbaiticaí” dainano, treinta díga ráifide úcubetunillai afémiemo fecádiaoi.

¹⁶ Iemo áfemona afe Judas Jesús íaiomimo ñue fecállino jenode.

Jesús páscuamo íraicaiño güillafue

(Mr 14.12-25; Lc 22.7-23; Jn 13.21-30; 1 Co 11.23-26)

17 Afe rafue nanóidiruimo fáitañega pan güífirediaioi. Afe llezica Jesús llófuegamaci billano jicánotiaioi:

—¿Pascua rafue llezica güíllena, uícodo ninomo cai finuaille? —daidíaioi.

18 Afémie íaioina daide:

—Batí jófuego jaillano, cue dainámie jofomo jai. Afémiena daíri: “Cai Llófueraima ona daide: Cúeiena mamécaruimo ja dúciizaideza. Pascua rafue güífirenana o jofomo cue llófuegamaciri güíticue,” —daide.

19 Iemona ie llófuegamaci ie ocuilla izói pascua ráfuego güíllena finuaidiaioi.

20 Ja nauilla llezica, Jesús ie doce dígade llófuegamaciri afénomo güizájidiaioi.

21 Afénomo íaioi güilla llezica Jesús daide:

—Uáfuenta dáititueza, ómoimona dáamie cuena fécaite, —daide.

22 Iemona afémaci iere zúucaidiaioi. Zúucaillano illa dígamierie Jesumo jicánotiaioi:

—Cai Ocuíraima, ¿meita cue? —daidíaioi.

23 Jesús íaioi uai ote:

—Birui cue diga daje plátomona güitímie, nii cue fécaitimie.

24 Nanoide Iima Jitó Crístodicue; jaiái Juziñamui Cuegáuaimo lloga iodo jáiticue. Mei íadi cue fecádimie ¡nii dúerena! Afémie nanómona jaca jéiciñegania figura, —daide.

25 Iemona afe fécaitimie Judas Jesuna daide:

—Llófueraima ¿meita cue? —daide.

Jira Jesús uai ote:

—Jii, o. O cue fecalle.

26 Ie güilla llezica, Jesús pan llínota, Juzíñamuina “Iere figura” daide. Daina mei ditada, ie llófuegamacimo fecade. Fécajano daide:

—Bie güi. Bie cue abiza, —daide.

27 Afe mei jiróraco llínota, Juzíñamuina “Iere figura” daide. Dainano ie llófuegamacimo fecade. Feca mei íaioina daide:

—Nana bicúrimona omoi jirori.

28 Mei bie cue díeza. Cue die, dájemo Juzíñamui llínoga comue uai uáfueña daiítate. Aillo comini íaifue muiñóllena cue die totalle.

29 Mei íadi dáanomo bie uva íjina meine jíroñeiticue. Cue Moo illáimana illirui nai dúciñeille dino aféjina jíroñeiticue. Afe bille llezica cómojina omoi diga jíroiticue, —daide.

*Pedro Jesús jáanollena Jesús uícodo llote
(Mr 14.26-31; Lc 22.31-34; Jn 13.36-38)*

30 Juzíñamui íaioi rua fuilla mei, jino Olivo daina ídumo jáidiaioi.

31 Afénomo Jesús íaioina daide:

—Bie naio cueri méaicaillano nana omoi cuena fieitiomoi. Mei jaijai Juzíñamui Cuegáuaimo omoi dibénedo bie izói daide: “Ovejai úiñoraima cue fáiticue, íemona afe ovéjaiai rainólliaioi,” daide.

32 Jesús nai úrite: Mei íadi meine abido cue cáaille mei omoi uícodo Galiléamo jáiticue, —daide.

33 Jira Pedro uai ote:

—Nana comini ona fáicanocaitiaioi ia, cue ona fáicanocaiñeiticue, —daide.

34 Jira Jesús afémiena daide:

—Uáfuenta ona dáititueza. Bie naio átava nai úriñenia, daámani dígacaiño cuena jáanoitioza, —daide.

³⁵ Pedro íena daide:

—O diga cue tíllena iere jitáirede ia, ona jáanoñeiticue, —daide.

Afe llezica nana llófuegamaci Pedro daina izói daidíaioi.

*Getsemanímo Jesús Juzíñamuimo úrite
(Mr 14.32-42; Lc 22.39-46)*

³⁶ Afe mei Jesús naa ie llófuegamaciri Getsemaní mámeciredinomo dúcide. Afénomo íaiioina daide:

—Bai batí Juzíñamuimo cue úrizaiilla llezica benomo omoi ráiiri, —daide.

³⁷ Daií daina mei Pedro, naa Zebedeo jitó íaillinoiri Jesús bai uite. Afe llezica Jesús iere zúucaide. Zúucailla llezica comécimo duere zefuilla izói cácaide.

³⁸ Iemona íaiioina daide:

—Cue comeci iere zúurede. Afe zuufue cuena titade izói finode. Benó omoi fiébiri. Iníñeno cue omoi úiñori, —daide.

³⁹ Daií daina mei afe baimo íanori jaide. Afénomo éniemo fueco dine bíjicaillano Juzíñamuimo úrite; daide:

—Cue Moo, o finórenia bie duere finóllinomona cue jíllotari. Mei íadi cue comeci jítaina izói finóñeno iri. O comeci jítaina izói finori, —daide.

⁴⁰ Afe mei daámani ie llófuegamaci illánomo meine bite. Inídiaioina cíozaibite. Iemo Pédrona daide:

—¿Nano íanori omoi cue diga iníñeno cáadino izói inidiomoi?

⁴¹ Fiénidifueмо omoi báiiñelleza, iníñeno abí omoi rairuiri. Daje izói Juzíñamuimo comécido

omoi úriri. Uáfuenta omoi joreño jíredeza, mei íadi omoi abi náinide, —daide.

⁴² Afe mei nane Jesús Juzíñamuimo úrizaide. Bie izói daide:

—Cue Moo, bie duere cue íaioi facátallemona cue o jíllotareñenia o comeci jítaina izói fino, —daide.

⁴³ Afe mei nane meine bite. Bítemo ie llófuegamaci inídena cioizaibite, mei íaioi uimo ínie iere illaza.

⁴⁴ Iemona nane afémacina fiénocaillano bai Juzíñamuimo úrizaide. Ja daámani dígacaiño úrizaide. Ie mei nane daje uaido úrite.

⁴⁵ Afe mei nane ie llófuegamaci illánomo jaide. Afémacina daide:

—¿Nai inídiomoi? ¿Nai ocózinaidiomoi? ¡Cacai! Nanoide fima Jitódicueza, ja cuena fiénidinomo fe-calle hóramo dúcidez.

⁴⁶ Omoi náidacai; jáiticaiza. Cue fécaitimie ja dúcidez, —daide.

Jesús ja llaitada uitíaioi

(Mr 14.43-50; Lc 22.47-53; Jn 18.2-11)

⁴⁷ Daií Jesús nai úrioina llezica Judas dúcide. Afémie doce dígade llófuegamacimona dáamie. Afémie aillo comini díga bite. Lloéfaillai naa bigíniari atídiaioi. Afémaci lletáriraini illaini orécaiaioi. Daje izói judíuai éicomini orécaiaioi.

⁴⁸ Fécaitimie Judas Jesús íaioi onóillena llaitalle uai uícodo íaioimo llote:

—Níimie cacai ñítaiticueza; afémie llaitada omoi uiri, —daide.

⁴⁹ Afemona Jesumo áinozillano daide:

—Llófueraima, caimare itio, —daide.

Afe emódomo Jesuna ñítade.

50 Jira Jesús ie uai ote:

—Cue nabai, ¿minícamo bitio? —daide.

Daí daina mei, comini billano Jesús llaitádiaoi. Llaitada llavéllena uitíaoi.

51 Afe llezica Jesús nabáñiaimona dáamie ie lloefai otá, lletáriraini illaíma ocuífirégamie jefo cotade.

52 Jira Jesús íena daide:

—Jadí o lloefai oni joone. Mei nana lloéfaido fuirídino, afe lloéfaido títiaoi.

53 ¿Onóñedioza cue Móomona doce dígazie ríiduaibitina jicáredicue? Daí jicádícuenia afémie biruimo raire cuemo orérede. ¿Afená onóñedio?

54 Mei íadi birui afémaci cue llaitáñediaoínia, ¿nie izói Juzíñamui Cuegáuai daina ñue ícoimo zúite? Aféuai bie íficaidífuiaí ie zuílle llote, —daide.

55 Afe mei Jesús comínina daide:

—¿Nibái mei merírifiredimie izói cue lláitaibitíomoi? Mei lloéfaillairi íemo bigíniairi cuemo bitíomoi. Nágaruillaído Juzíñamuimo gairíracomo ráicana ómoína llófuefiredicue. Afénomo jaca cuena llaitáñediomoi.

56 Mei íadi nana bie íficaide, jaiái Juzíñamui uai jino llóraini lloga ñue ícoimo fuitállena, —daide.

Afe llezica nana Jesús llófuegamaci afémie fáicanocaillano botádiaoi.

Jesús jamánomoidillaini uícomo uitíaoi

(Mr 14.53-65; Lc 22.54-55, 63-71; Jn 18.12-14, 19-24)

57 Afe Jesús llaitada oni uitino Caifás uícomo uitíaoi. Afémie lletáriraini caifóidillaíma. Afénomo

ocuica uai llófue firedino naa eicomíniri dáanomo ofídíaiói.

58 Mei íadi afe llezica Pedro Jesús uilla óodana caifóidillaíma jofó ibírímo jaide. Aféno mo dúcillano jofó jaide. Jaillano afeco úiñotino diga ráide. Aféme dinomo ráide Jesús llátaja ñue ícoímo fúillana cíoillena.

59 Lletáriraini naa eicomíniri, íemo nana jamánomoidillainiri Jesumo fieni jónellifue jenódíaiói. Uafue jónellifue íaiói báíñenia “Táínofue nítaiticai,” daidíaiói, “áfedo aféme caítátalleza.” Afe llezica aillo comini billano taino uaillai afémiemo jónetiaíói.

60 Mei íadi afémiemo íaiói jónellena baiñédíaiói. Afe mei írainomo ménamie taino llófiredino íaillinoi dúcide.

61 Afe íaillinoi daide:

—Baie Jesús bie izói daífirede: “Juzíñamuimo gairíracona júdairedicue. Afe mei daaruíamani íllamona meine caífo níredicue,” —daidíaillinoi.

62 Jira lletáriraini caifóidillaíma náidacaillano Jesuna daide:

—¿Níbái mei uai oñédío? Bie omo íaiói jóonegafue ¿nie izoide? —daide.

63 Mei íadi afe llezica Jesús jaca uaina oñede. Ie jira lletáriraini illaíma íena daide:

—Caade Juzíñamui mámevido o úritadicueza, uri. Uáfue na daíllena ríire o ocuídícue. O, Juzíñamui Jító Crístona o illa caímo lloiri, —daide.

64 Jira Jesús daide:

—Jíi, o daína izói níimiedicue. Nane ómoína daíitícue, Nanoide íima Jító Crístodicueza, ríinorede Juzíñamui nabézimo cue ráíillana

cióitiomoi. Afe llezica mona uúlliedo ana monámona cue bíllana cíoiomoi, —daí daide.

⁶⁵ Afena cacáillano lletáriraini caifóidillaima jamánomo ríicaide. Daí ríicaillana ácatallena ie jítáigaroi cuatade. Afe mei daide:

—Bie ima ie daina uáillaido Juzíñamuina íaire úrite. ¿Níbái mei nai jíáie uai nábito jítáidicai? Omoi dani ie fiénide dánana cacáiomoi.

⁶⁶ ¿Minica afémiemo dúina? —daide.

Jira afémaci daidíai:

—Dama ie ícoinia tírede, —daidíai.

⁶⁷ Afe mei ie uiécona tuádiai. Rázido íena fatíai. Jáimaci ie uiéco púcoidiai.

⁶⁸ Daí ñiano íena daidíai:

—Mei Crístodioza, ¿nímie o faja? Jino llone, —daidíai.

Pedro Jesús onode íadi jáanote

(Mr 14.66-72; Lc 22.56-62; Jn 18.15-18, 25-27)

⁶⁹ Afe llezica Pedro jinófeco ibírimo ráide. Afénomo ie illa llezica ocuífirégango afémiemo bil-lano daide:

—O daje izói Galilea ímie Jesús diga macáfiredio, —daide.

⁷⁰ Mei íadi Pedro comini eróicana afémiena jáanote; daide:

—O dánana onóñedicue. ¿Minica llotio? —daide.

⁷¹ Afe mei Pedro jofo nazemo jáidemo jíáingo íena ciode. Cíoillano afénomo itínona daide:

—Bímie daje izói Nazaret ímie Jesús diga macáfiredo, —daide.

⁷² Afengo daí daina llezica, Pedro nane íena jáanote. Rírede uaido daide:

—Afe ímana jaca onóñedicue, —daide.

⁷³ Afe mei íanori íllamona afénomo itino Pédro mo áinozillano daidíai*oi*:

—Uáfueza, afémaci ímiedio, mei dama o úrillado onódicaiza, —daidíai*oi*.

⁷⁴ Afe jira Pedro uafue daiíllena Juziñamui máme*ci* llínota riire daide:

—Afe báimiena jaca onóñedicue, —daide.

Daií ie daína llezica ítava úrite.

⁷⁵ Afemona Pedro Jesús uícodo íena dáinamo úbicaide. Afe be níu*ai*: “Atava nai úriñena llezica, daámani dígacaiño cuena jáanoitioza.” Afemo úbicaillano Pedro jino iere zuure éecana jaide.

27

*Pilátomo Jesús izájidiai*oi**

(Mr 15.1; Lc 23.1-2; Jn 18.28-32)

¹ Mona monáizailla llezica, nana lletáriraini illaini, naa judú*uai* eicomíniri, dáanomo gairíllano Jesús titállena nana daje izói maméritia*oi*.

² Afe mei Jesús maiano, afe énie úiñote illaíma Poncio Pilátomo izájidiai*oi*.

Judas tíllafue

³ Judas, Jesús fecádimie, Jesuna íai*oi* coráiaillana cíoillano comeci ifue méidote. Iemona treinta díga úcubetuni meine lletáriraini illáinimo izájide, ocuide eicomínimo díga.

⁴ Izájillano daide:

—Iere fiénidifue finódicue; nífuenidimie titállena fecádicueza, —daide.

Jira afémaci uai otía*oi*:

—¿Afefue caimo mei níbái? Dama ófue, —daidíai*oi*.

⁵ Ie jira Judas afe úcube gairíracomo ana jutade. Afe mei afémie jaillano dama cimoi cúinajano aménamo ágüicaide. Daí afémie tiide.

⁶ Lletáriraini illaini, afe jutaca úcube iráiano daidíai:

—Juzíñamuimo fia iga úcube jóoneracomo bie úcube jóonenidicai, mei come titaja úcubeza, —daidíai.

⁷ Afe mei afémaci afe úcubedo énie ibállena dájena comécidíai. Iai ibaca énie mámece Nógora Orano. Afébirí ibádiai jicánemaci tíadi afénomo ráillena.

⁸ Afe jira nai biruimo afébirí Diébirina daífirena.

⁹ Daí íai finuamona jai uai llóraima Jeremías lloga uai ñue ícoimo fuite. Be níuui: “Israel nairai cue íai fécaja úcube abido línotíai.

¹⁰ Línuano Nógora Orano ibádiai. Daí Juzíñamui cue ocuide.”

Jesús Pilato uíecomo jóonetíai
(Mr 15.2-5; Lc 23.3-5; Jn 18.33-38)

¹¹ Afe mei énie úiñotílláima uícomo Jesús uitíai. Afénomo afémie Jesumo jicánote:

—¿O meita judíuui illaíma? —daide.

Jira Jesús daide:

—O daina izói nímiedicue, —daide.

¹² Iemo lletáriraini illaini naa ocuide eicomíniri Jesumo fiénide uallai jóonia llezica, afémie jaca uai oñede.

¹³ Jira Pilato íena daide:

—¿Aquíe omo íai jóonegafuiai cacáñedio? —daide.

14 Mei íadi Jesús jaca afe llezica uai oñede. Iemona uai ie oñénari énie úiñotillaíma fáigacaide. Ie daiille uai onóñede.

Jesús titállena mameca

(Mr 15.6-20; Lc 23.13-25; Jn 18.38-19.16)

15 Aféruillaído afe rafue ana, llaveca fiénidinomona dáamie Pilato zuitáfiredede. Afémie comini uaido zuitácamié.

16 Mei afénomo ite mámecina jica jalleide fiénide maigámie. Afémie mámeçi Barrabás.

17 Illáicomini dáanomomo garilla llezica Pilato afémacimomo jicánote:

—Bíaiillinoimona ¿níimie ómoimomo jino zúitaiticue? ¿Barrabás, mei níbai Cristo daína Jesús? —daide.

18 Mei Pilato, comini úradoillamona Cristo íaioi fécajana ñue onode.

19 Pilato, riire jicánofiredimie ráiiranomomo ráiina llezica, Pilato ai uai orede. Afe be níuui: “Afe jadímie nífuenidimieza afémiemo jíricaiñeno iri. Mei ja naio afémiena cue nicáirilla llezica iere duere zefuídicue,” daide.

20 Mei íadi lletáriraini illaini naa ocuide eicomíniri, nana jíáie comini Pilátoma daiílluai riire llotíaioi. Barrabás zuitállena Pilátomo jicátatiaioi. Daje llezica Jesús titállena jicátatiaioi.

21 Afe énie úiñotillaíma nane dáanomomo jicánote:

—Bíaiillinoimona ¿nímiéna cue zuitátatiomoi? —daide.

Jira: —Barrabás zuita, —daidíaioi.

22 Iemo Pilato íaioimomo jicánote:

—Iemona bie Crístona mámeciredimie Jesús ¿nie izói níbatitcúe? —daide.

Jira nana uai otíaioi:

—¡Cruzmo corai! —daidíai*oi*.

²³ Iemona Pilato íai*oi*na daide:

—¿Nibái mei? ¿Nie fiénidifue afémie finode? —
daide.

Mei íadi comini dáanomo riire daidíai*oi*:

—Cruzmo corai, —daidíai*oi*.

²⁴ Pilato ie uaina íai*oi* íinoñenana ciode. Daje izói nana comini aféfuiairi jamánomo cáilliana cacade. Ie jírari “Onoi cue jocólleza jainoi ati” daide. Jócua llezica daide:

—Afe bie nífuenidimie tille cuemo jíñede. Dani ómoifueza, —daide.

²⁵ Iemona nana comini uai otíai*oi*:

—Afémie tille caimo jíite, daje izói cai úruiaimo, —daidíai*oi*.

²⁶ Afe jira Pilato Barrabás zuitade. Afe mei Pilato Jesús rázido fatátate. Fatata mei Jesuna afémacina coráitate.

²⁷ Afe mei énie úiñotillaíma fuiríraini áillue gairíracomo Jesús uitíai*oi*. Afénomo nana jíáie fuirírainíai afémie onífenedo gairídíai*oi*.

²⁸ Afe mei ie iniroi dúiñuano, illaíma jítáfirega jíai*oi*cuero afémiemo jítadíai*oi*.

²⁹ Afe llezica ífo icuífoi eegi nínacuífoina afémiemo jítadíai*oi*. Iemo jíái illaíma llíifirega bigina íena llínotadía*oi*. Daí ñiano afémie anamo dújudía*oi*. Dújuillano jifánodoíano íena daidíai*oi*:

—Judíuai Illaíma are ítioza, —daidíai*oi*.

³⁰ Afe llezica afémaci ie túallaítíai*oi*. Afe dáanomo ie llíiga bigi báiruano, ie ífoci púcoidia*oi*.

³¹ Daí ie íai*oi* jifánodoí*ai* mei, afémiemo íai*oi* jítaca jíai*oi*cuero dúiñuano, dama ie iníroina jítadíai*oi*. Afe mei afémie coráiaidia*oi*.

*Jesús cruzmo coráidiaioi**(Mr 15.21-32; Lc 23.26-43; Jn 19.17-27)*

³² Jofue jinomo íaioi coráiailla llezica, Cirene énie ímie baitíaioi. Baillano Jesús uiga cruzna rocátataiaioi.

³³ Daií Gólgata mámeciredinomo dúcidiaioi. Gólgata daína “come ifócorai illano.”

³⁴ Afénomo eríredena jaicuica vínona Jesús jirótataiaioi. Mei íadi Jesús áfena due fácano, jiróacañede.

³⁵ Jesús ja íaioi coraia méifodo, fuiríraini Jesús iniroi illa dígamie íaioi máiñuana onoíllena, onótaraji dotádiaioi. Daií jaiái uai llóraini lloga uai ñue ícoimo fuite. Afe be níuui: “Onótaraji dótajano, cue iniroi conímaiaimo fecádiaioi.”

³⁶ Afe mei afémiedo éroillena afénomo ráiiediaioi.

³⁷ Te ifo acónimo cuezábici netádiaioi. Afébicimo níifue ícoinia duere finoca daína cúeina. Afébicimo cueda bie izói daide: “Bie Jesús, Judíuái illaíma.”

³⁸ Afe llezica afénomo mena merírifiredimie coráidiaioi. Dáamie Jesús nabézimo coráidiaioi. Jiáimie ie jarífezimo coráidiaioi.

³⁹ Afe llezica áfeodo jaide comini Jesuna íaire úritiaioi. Uaido iere riire íena táigoidiaioi.

⁴⁰ Daií fieni ie táigoiano íena daidiaioi:

—Juzíñamuimo gairíraco júdaiano daaruiámani ille mei meine níitícue daíífredioza; mai, o abi jíllota. Daje izói Juzíñamui Jitona o íadi, jadíe cruzmona ana bi, —daidiaioi.

⁴¹ Daje izói lletáriraini illaini, íemo ocuica uai llófuetino, íemo fariséuái naa ocuífirede eicomíniri íena áfeduano conímana daidiaioi:

42 —Diga jiáimaciaina afémie jíllotafirede, mei íadi dama ie abina jíllotanide. “Uafue Israel Illaíma o ia, jadíe crúzmona ana bii, áfemona omo cai ínolleza,” íena daidíaiói.

43 Nai ie áifeduardo íena úritiaíói:

—Mei afémie Juzíñamui íe jíllota, Juzíñamui íe jíllotaiacania. Afémie caina “Juzíñamui Jitódícue” daide, — daidíaiói.

44 Daje izói íe diga coraica merírífírede íaillinoi íena íáire úritiaillinoi.

Jesús tilla

(Mr 15.33-41; Lc 23.44-49; Jn 19.28-30)

45 Afe llezica nániena jííreficaide. Jitoma jaíciri íllamona batí ana ítemo jííreficaide.

46 Ja jitoma arífemona ana ítemo Jesús riire caillide:

—Elí, Elí, ¿lama sabactani? —daide. Afe uai daííacana: “Cue Juzíñamui, cue Juzíñamui, ¿nibái mei cue zóofetío?”

47 Afénomo itínomona dáarie áfena cacáillano daidíaiói:

—Bímie jaiái Juzíñamui uai llóraíma Elías jííríte, — daidíaiói.

48 Daíí daína llezica afémacimona dáamie aizida esponja daína fíillicide raa uájide. Erírede vínomo riáitano Jesús jíróllena caífo rázido ñuitádiaíói.

49 Mei íadi jiáimaci daidíaiói:

—Dama íteza. Jetáñeno, Elías íe jíllotaíbiadi, cai cíoilleza, — daidíaiói.

50 Afe mei Jesús dáanomo riire caillide. Daíí cáillia méífoto ja tíide.

51 Ie tilla llezica Juzíñamui gairíraco eromo fetácaroi caifona ana eróicana atóroido oni cúajicaide. Afe llezica énie docaide, íemo jíái jéerie nofíciái bócoizite.

52 Iemo daje llezica, comini raiáfuai túicoizite. Afe llezica aillo tiide Juzíñamuimo ñnotinuiái meine abido cáadimacina jáidiaioi.

53 Afe bimaci íaiói raiáfuaímona jino bitíaiói. Iemo Jesús abido caana mei, ñuera Jerusalén jófuemo jáidiaioi. Afénomo aillo comini bie como meine abido cáadimacina ciódiaioi.

54 Iemona fuiríraini illaíma naa afémie diga Jesús úíñotinori, énie docailla, naa jíáie comuídifuiaina cíoillano, iere jacínaitiaioi. Jacínaillano daidíaioi:

—Uáfueza bie Juzíñamui Jitó, —daidíaioi.

55 Afénomo diga ringóniaí jicana eróiediaioi. Aféngotiaí Galiléamona Jesudo jáidiaioi. Aféngotiaí Jesuna canófirediaioi.

56 Aféngotiaí cígimo, Magdalena énie ingo María ite. Iemo jíáie María, Santiago José íaillinoi ei ite. Iemo jíái Zebedeo ai ite. Afengo mena jitórede.

Jesús raitíaioi

(Mr 15.42-47; Lc 23.50-56; Jn 19.38-42)

57 Ja nauilla llezica Arimatea énie ímie José bite. Afémie ráaredimie, íemo jíái afémie Jesudo jáicaifrede.

58 Afe jira Pilátomo Jesús abi jícajide. Iemona Pilato Josemo afémiena ite.

59 Iemo José Jesús abi ana uano ñuera áilloroina junide.

⁶⁰ Juníllano dama ie comue raiafomo jóonete. Afe raiáfo nofícimo finoca. Raia mei áillue nofícina naze ibáillano jaide.

⁶¹ Afénomo Magdalena énie ingo María naa jáie María diga raiáfo uícori ráidiainguai.

Jesús raiáfo uíñoitina jóonetiaoi

⁶² Afe jáíruido, ocózinaillarui mo jitaica raa fínua mei, lletáiraini illaini, naa fariséuairi Pilátomo úrizaidiaoi:

⁶³ —Ocuídime, afe taino llóraima Jesús dáinamo úbicaídicaí. Afémie caana llezica, “Daruiámani ille mei, tíllanomona meine abido cáaiticue,” daíífirede.

⁶⁴ Ie jira afe raiáfo daruiámani fidi riire o finori, ie llófuegamaci ie abi naio mériaibiñelleza. Mériano comínina “Ja Cristo tíide meine abido caade,” dáitiaoi. Ie llófuegamaci daíí finóadi, íaioi úirainomo lloga táinofue, fueñe lloga táinofuai baimo fiénite, —daíí daidíaoi.

⁶⁵ Jira Pilato daide:

—Batí omoi úiñote fuiríraini ite. Afémacido afe raiáfo omoi onona izói riire omoi finori, —daide.

⁶⁶ Iemona raiáfomo jaillano, afénona riire finódiaoi. Afe mei afe raiáfo emodo ibaila nofícimo túiñoñeilla jana finódiaoi. Afe mei jóoneoide fuiríraini afénomo fíiano oni jáidiaoi.

28

*Jesús tíllanomona meine abido cáadimiena jaide
(Mr 16.1-8; Lc 24.1-12; Jn 20.1-10)*

¹ Ocózinairuimé jiaíruido, semana fueñediruimo mona monáiacana llezica, Magdalena énie ingo María, jiaie María diga raiáfo méiñuaidiainguai.

² Afe llezica énie riire docáiricaide. Juziñamui abi ímie ángel dainámie monámona ana billa énie níraidua. Afémie Jesús raiáfomo dúcillano afe ibailla nofici oni tuiñode. Tuiñuano afébicimo ráide.

³ Afémie abi mona borilla izói quenire cioide. Iemo afémie iniroi jaillici izói iere úzerede.

⁴ Afémiena cíóillano, jónete fuiriraini iere jacínaitiaioi. Cuidíridiaioi. Afe llezica tíidino izói jáidiaioi.

⁵ Afe mei Juziñamui abi ímie afénomo jaide ringóniaina daide:

—Jacínaiñeno. Onódicueza, coraica Jesús jénuaibitiomoi.

⁶ Afémie ja benó iñede. Omoína ie daina izói, ja meine abido caade. Ie íaioi raiano eróizaibi.

⁷ Afe mei ie llófuegamacimo omoi llujiri. Bie izói lloiri: “Ja afémie tíide íadi meine abido cáadimiena jáideza. Afémie ja omoi uícomo Galiléamo jaide. Afénomo íena cíoitomoi.” Be ómoimo cue llóiacagafue, —daí daide.

⁸ Iemona ringóniai afe raiáfomona raire abido jáidiaioi. Aféngotiai iere íóbicaidiaioi íadi, nai jacíruoidimaci.

⁹ Iodo íaioi jailla llezica Jesús íaioimo cíocaide. Cíocaillano íaioina uáidote. Aféngotiai íemo ánozillano íemo cáimadotiaioi. Ie idai menínotiaioi.

¹⁰ Jira íaioina daide:

—Omoi jacíruiñoeno. Cue ámatiaimo lluájiri, Galiléamo raire íaioi jáilleza. Dinomo cuena cíoitiaioi, —daide.

Raiáfona úiñotaga fuiríraini llogafue

¹¹ Ringóniai jailla llezica, raiafo jóonete fuirírainimona dáarie jófueмо jáidiaioi. Afénomo dúcillano lletáriraini illáinimo nana íaioi cionana llotíaioi.

¹² Aféllaini ocuide eicomínimo ñue íaioi onóillena lluájidiaioi. Ie jira aillo úcubena afe fuirírainimo itíaioi.

¹³ Illano íaioina daide:

—Bie izói omoi daiíri: “Naió cai ínia llezica ie llófuegamaci mériano ie abina uitíaioi.”

¹⁴ Iemo énie úiñotillaima aféfuena fidíadi, omoi ñue íllena dani cai afémiemo úrizaiticai. Afemona afémie ómoina duere fínoñeite, —daií daidíaioi.

¹⁵ Iemona afe fuiríraini úcube llínotiaioi. Llínota íaioina daina izói finuaidiaioi. Iemona judíuai nai biruimo Jesús meine abido cáanana uáitadiaioi; uáitano bie izói daiífrediaioi.

Jesús ie orécamacimo jóonega uai

(Mr 16.14-18; Lc 24.36-49; Jn 20.19-23)

¹⁶ Afemona Jesús once dígade llófuegamaci Galiléamo jáidiaioi. Uícodo Jesús íaioimo lloga ídumo jáidiaioi.

¹⁷ Afénomo Jesuna íaioi cíoillano, afémiemo cáimadotiaioi. Mei íadi dáamierie nai figo íñoñede.

¹⁸ Jira Jesús afémacimo ánozillano daide:

—Nana monamo ite ocuilla ríino, naa éniemo ite ríino díga ja cuemo fecaca.

¹⁹ Ie jira nana éniemo ite comúnimo omoi jairi. Afémacina cue llófuegamacina oreri. Afe mei Moo Juzíñamui mámeçido, daje izói ie Jitó mámeçido, naa ie Ñuera Joreño mámeçido íaiõina báutizari.

²⁰ Nana omoi cue ocuilla uáillaina afémaci jeire omoi otátari. Afe llezica bíena omoi onoiri, cue nágarui omoi diga ífireiticueza. Jaca omoi diga íiticuemo énie fuillíruimo dúciite. Daiítadeza; ja ñiie.

Juziñamui Ñuera Uai
New Testament in Huitoto, Minica

copyright © 2011 Wycliffe Bible Translators, Inc.

Language: Minica Huitoto (Huitoto, Minica)

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Huitoto, Minica

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 18 Apr 2025 from source files
dated 29 Jan 2022
740f11a2-2e26-57f5-a3a7-5deb2d20bd24